

ÍSALP

ÁRSRIT ÍSELENSKA ALPAKLÚBBSINS 1998





Transarinn i essinu sinu.
Ljósm.: Jökull Bergmann

Efnisyfirlit:

Ama Dablam	5
Draumurinn um transann	9
Hálfgleymd alpasaga frá seinasta áratug	15
Suðurþóllinn	19
Siurana	29
Brennivín erfiðasta ísleiðin?	31
Á Grænlands köldum klaka	35
Haukadalar	39
Kerlingareldur	44
Alpatvistið	45
Austurveggur Hvannadalshnjúks	50
Félagsstarf	52
Fréttapistill	53
Árskýrsla stjórnar	63

Forsíðumynd:

Guðmundur Helgi Christensen
Ljós.: Páll Sveinsson

Útgefandi:

Íslenski alpaklúbburinn – félag
áhugamanna um fjallmennsku.
Pósthólf 1054, 101 Reykjavík

Ritnefnd:

Tómas Grønvaldt Júliusson, ábm.
s.568 2883
Jón Haukur Steingrímsson,
s.554 3121
Hallgrímur Magnússon,
s.561 3929
Björn Vilhjálmsson,
s.565 2834
Björn Baldursson,
s.853 4905
Guðmundur Jóhannsson,
s.567 1198

Prófölk:

Salbjörg Óskarsdóttir, s.552 5069
Hörður Magnússon, s. 562 2919

Prentvinnsla: Grafik hf.

Ritnefnd áskilur sér rétt til að
styrra eða breyta greinum sem
birtast í ársritinu.



ÁRSRIT ÍSLENSKA ALPAKLÚBBSINS

14. TÖLUBLAÐ
DESEMBER 1998

Síðastliðið ár hefur verið tíðindasamt í íslenskri fjallmennsku hvort sem er innanlands sem utan. Í blaðinu er að vanda gerð skil á því helsta á þessum vettvangi. Vetrarklifur hefur verið í mikilli uppsveiflu á árinu(1998) og erfitt getur verið að finna beina ástæðu fyrir því. Hvað sem því líður hafa fjallmenn sem lagt hafa stund á þessa íþrótt ekki verið fleiri í manna minnum. Landvinningar okkar í norðanverðri Ameriku geta átt sinn þátt í þessari þróun og þeim hafa fylgt heimsóknir útlendinga til að kanna aðstæður hér. Hæst ber að nefna heimsókn Jeff Lowe og Will Gadd á árinu. Þessum heimsóknum fylgdu miklar íshátiðir sem vonandi verða fastur liður klúbbsins í framtíðinni. Klifureiðir sem þessar hátiðir skildu eftir sig eru stærri og meiri en klifnar hafa verið hingað til á Íslandi. Fjallmenn og klifrarar hafa því annan og erfiðari staðal til að fylgja á komandi árum. Fjallmenn hafa heldur ekki setið auðum höndum erlendis, tekin voru skref á ný í tæknilega erfiðu klifri í Himalaia þegar þeir Fiskaklettsfélagar klifu Ama Dablam og klettaklifrarar hafa verið iðnir við kolann í sunnanverðri Evrópu. Í veturn dvelur nokkuð stór hópur fjallmanna í frönsku Ölpunum og gaman verður að sjá hvert reynsla þeirra mun leiða fjallmennsku framtíðarinnar.

HM

Stjórn Ísalp 1998:

Formaður karl Ingólfsson, s. 567 9599
Varaformaður Árni Eðvaldsson, s.555 4047
Gjaldkeri Helgi Borg, s.897 0404
Ritari Þalmi Máson, s.854 9595
Meðstjórnendur Elín S. Sigurðardóttir, s.561 3929
Guðmundur Tómasson, s.557 0271
Valgeir Ægir Ingólfsson, s.567 0271

Skálanefnd:

Guttmormur B. Þórarinsson, s.552 2712
Jón Þorgrímsson, s.557 5011

Fræðslunefnd:

Torfi Hjaltason, s.566 7094
Snævarr Guðmundsson, s.565 4606

Ritstjóri fréttabréfs:

Valgeir Ægir Ingólfsson, s.567 0271

Ferða- og fundanefnd:

Árni Gunnar Reynisson, s.554 4217
Elín S. Sigurðardóttir, s.561 3929
Þorvaldur Þórsson, s.577 4090
Valgeir Ægir Ingólfsson, s.567 0271

Húsnefnd:

Árni Gunnar Reynisson.
Björn Baldursson, s.553 6854


Umhverfis- nefnd:

Jón Viðar Sigurðsson, s.551 0587
Ingimundur Stefánsson, s.588 4547
Árni Tryggvason, s.561 9469

Félagatal:

Helgi Borg

Ama Dablam.
Ljósm.: Hörður Magnússon





Ama Dablam

eftir Árna Eðvaldsson

Pað var létt yfir okkur þegar við komum í aðalbúðir í Mingbódalnum við rætur Ama Dablam þann tólfta október. Við höfðum síðastliðnar tvær vikur skoðað okkur um í Khumbúdalnum og gengið á Kala Pattar 5545m háan tind sem staðsettur er við rætur Pumori. Við vorum allir við jakuxa heilsu, vel aðlagaðir þunnu andrúmsloftinu og ekkert að vanbúnaði að klífa hið 6856m háá Ama Dablam. Aðalbúðir voru í um 4500m hæð, heldur neðar en við ætluðum, en staðsetning búðanna réðist aðallega af aðgengi að vatni. Betri stað var vart hægt að hugsa sér, grasi vaxnar flatir og hefðum við allt eins getað verið á tjaldstæðinu í Skaftafelli.

Parna voru leiðangrar frá öllum heimshornum. Við hlíð okkar var bandarískur leiðangur Einnig voru þarna leiðangrar frá breska hernum, Rússlandi, Kanada, Þýsklandi og viðar. O.T.T sá um að skipuleggja leiðangurinn og fórst það vel úr hendi. Leiðangursstjóri var Nick Kekus, breskur atvinnufjallamaður með mikla reynslu í háfjallaklifri, m.a. var hann á Everest með Hallgrími, Birni og Einari. Hann var nýkomin af Cho Oyu og því vel aðlagað-

ur. Einnig var með í för sterkur bandarískur kliffrari Fabritzo að nafni, en hann varð fyrir því óláni að fótbrotna á leiðinni. Hans hlutverk átti meðal annars að vera að aðstoða okkur við að leggja línur upp fjallið. Kokkur var að sjálfsögðu með í för ásamt messagutta. O.T.T. skipulagði annan leiðangur samhlíða sem í voru 11 klifrarar ásamt tveimur leiðsögmönnum, 5 háfjalla sherpum. Þeirra á meðal "Súper" Babu og Lhakpa Gyalu og höfðu þeir ásamt öðrum sherpa samtals klifið Everest sautján sinnum, þar af Babu sjö sinnum og yrðu þeir okkur innan handar ef á þyrfti að halda að öðru leyti voru leiðangrarnir alveg aðskildir.

Daginn eftir komu okkar í aðalbúðir var hafist handa við að koma búnaði upp í fyrstu búðir sem staðsettir eru í um 5 km fjarlægð í 5800m hæð Leiðin þangað var upp og niður ávala hálsa og hæðir þar til við komum að langri aflíðandi brekku sem lá að sjálfüm suðvestur-hryggnum. Þar tók við ákaflega stórgrýtt urð sem var mjög tafsöm og leiðileg yfirferðar. Því næst kafli sem við kölluðum Langaslab, það var um 100m há aflíðandi

klöpp áður en S.V hryggurin sjálfur tók við en fyrstu búðir voru staðsettar neðarlega á honum. Þar var þróngt á þingi og fátt um fina drætti þegar tjaldstæði eru annars vegar. Á endanum þurftum við að hlaða upp sillu úr graníthellum. Það reyndist erfitt verk enda komnir í meiri hæð en nokkur okkar hafði stigið fæti fyrr og komum við fyrr einu tjaldi og héldum að því búnu niður.

Næsta dag var Puja helgiathöfn þar sem friðmælst er við guðina sem sherpar trúa að fjallid hýsi og þeim færðar fórnir, og málín rædd. Okkur þótti leiðin í fyrstu búðir full löng miðað við hvað grunnbúðir voru neðarlega og sáum fram á að það myndi taka marga daga að koma öllum okkar búnaði þangað. Það varð úr að fá jakuxa til að bera búnað leiðangursins upp að Stórurð. Þar myndum við koma upp ABC (advanced base camp), eða svo kölluðum efri grunnbúðum en sleppa fyrstu búðunum og í staðinn geyma þar búnað og birgðir.

Eftir þessa dags hvíld var hafist handa ásamt sherpum hins leiðangursins að kom upp abc í 5500m hæð. Það kostaði mikið jarðrask enda stórgytt og okkur til dundurs gerðum við tilraun til að kenna Babu íslensku. Hann lærdi orðið „massada“ (massa þetta) fyrst enda þurfti að massa stóreflis björg til að ríma og sléttu undir tjöldin. Samtals settum við upp átta tjöld fyrir báða leiðangrana. Ofan grunnbúða urðum við sjálfir að sjá um eldamenskuna enda var hún af einfaldara taginu foreldar aður pakkamatur sem lífsins ómögulegt var að klúðra. Morganinn eftir var stefnan tekin upp í aðrar búðir í 6000m hæð og koma þar fyrir vistum, eldsneyti og búnaði, sem seinna yrði ferjaður áfram í 3 búðir. Nick taldi líkamlegt ástand okkar það gott að við gætum sleppt búðum eitt og tvö. Þannig að við myndum að eins nota búðir þrjú í 6300m hæð. Ætlunin var að þær yrðu sameiginlegar fyrir báða leiðangrana. Hinn hópurinn átti talsvert langt eftir í að ná góðri aðlögun. Að auki höfðu sumir af þeim ekki reynslu í fjall sem þetta, þrátt fyrir að hafa áður reynt við 8000m tinda.

Sherparnir ætluðu að sjá um að koma tjöldum fyrir í þriðju búðum en við áttum að koma fyrir birgðum og búnaði í öðrum búðum sem við myndum svo seinna ferja áfram upp í þriðju búðir Við vöknudum kl. fimm en það tók tímana two að hafa sig á fætur, hita vatn og morgunmat úr súpu og hunangsblönduðu

músli. Klukkan var um sjö þegar við loks lögðum af stað. Sherparnir höfðu lagt af stað um tveimur tímum á undan okkur enda áttu þeir lengri leið fyrir höndum. Stórurð var söm við sig og tók um klukkustund að bröltu upp þessa stórgyttis leiðinda brekku áður en Langaslab tók við. Það byggðist mest á viðnámsklifri ef klifur skyldi kalla. Í fyrstu búðum var allt hið rólegasta. Þó mátti sjá að einhverjir voru lagðir af stað talsvert á undan okkur sömu erinda. Ofan við fyrstu búðir hófst sjálft klifrið. Aðstæður voru hinar bestu, þægilegur hiti, heiðskýrt og granítið þurrt og vel fallið til klifurs. Sumum þótti ansi súrt í broti að klifra í heitum og óþjálum plastskóm við þessar aðstæður en ég var í leðurskóm sem hentuðu vel en voru tæpast nógum hlýir er ofar dró.

Til að byrja með þurftum við að hliðra talsverða vegalengd upp eftir hryggnum og teygja drjúgt úr skönkunum án þess þó að tæknilegir erfiðleikar væru teljandi kannski 5.5 - 5.6. Við vorum módir og þurftum að hvílast ört en stutt í senn til að ná hjartslættinum niður. Við drögum uppi tvo úr Kanadísku leiðangrinum en aðstæður til framúraksturs voru ekki uppá það besta. Á hryggnum eru nokkrir turnar og er sá fyrsti um 80m hár og gráðaður 5.6. Þar var traust lína til staðar og nokkuð þétt tryggð þannig að fljótlegt var að klifra hann en efst var sillu og við nýttum tækifærið til að næraðst þar. Næst tók við stutt sprunga sem klifin var með ekki mjög áferðafallegum hætti. Hvað um það er henni lauk vorum við staddir norðan megin á hryggnum. Þar voru aðstæður allt aðrar, frost, ís og snjór. Það stóð ekki lengi því eftir smá hliðrun þurfti að niðurklifra aðeins en síðan kom áframhaldandi hliðrun og fyrir en varði vorum við komnir í biðröð á eftir frönskum leiðangri við tæknilega erfiðasta kaflann, Gulaturn. Hann var hreint ekki árennilegur, þverhníptur og illkleifur og ekki var það traustvekjandi að sjá frakkana sem virtust eiga í miklu basli þrátt fyrir að lína væri til staðar. Loksins kom röðin að mér, það var festulaus kafli þar sem menn voru í hvað mestum vandræðum. Ég klifraði eins hátt og ég gat áður en að þeim kafla kom. Pendúlaði mér svo yfir að sprungu hinum megin við sem lá upp á syltu þar sem loks var hægt að draga andann rólega. Gulaturn er gráðaður 5.9. Lokakaflinn bauð upp á sambærilegt brölt. Fyrir en varði vorum við staddir í búðum 2, óstyrkir á fótum og flestir með höfuðverk. Þar

var fyrir tjald kanadískra leiðangursins, þar sem við fengum að geyma farangurinn okkar. Klukkan hefur verið um tvö þannig að það tók um sjö klukkustundir að komast þennan kafla þrátta fyrir að hækkunin frá fyrstu búðum í búðir tvö væri aðeins 200m. Það var ekki seinna vænna en að snúa við því til stóð að fara alla leið niður í aðalbúðir fyrir myrkur. Ferðin niður gekk vel og höfðu allir skilað sér niður í grunnbúðir rétt um áttaleytið, þreyttir en saelir eftir að hafa verið um 13 klst samfleyyt á ferðinni.

Daginn eftir var hvílst og málin rædd, allir vorum við sáttir við eigin frammistöðu. Upphaflega hugmyndin var að hvílast í two daga. Okkur fannst ótrúlegt að veðrið héldist endalaust svona gott eins og það hafði verið undanfarnar þrjár vikur, því var ákveðið að leggja af stað upp í ABC strax daginn eftir. Það var ekki laust við að kvíða setti að okkur er tók að snjóa í efri grunnbúðum. Það snjóaði um nóttina og um 20cm jafnfallinn snjór var kominn þegar við vöknudum um fjögur leytíð. Ferðin upp í búðir tvö gekk vel þrátta fyrir að aðstæður væru mun erfiðari en í fyrrí ferðinni. Við mættum öðrum leiðöngrum sem voru að yfirgefa fjallið vegna breytrra aðstæðna og sögðust ætla að reyna aftur eftir two til þrjá daga. Við héldum ótrauðir áfram, erfiðu kaflanir voru hvort eð er það brattir að snjó festi ekki í þeim. Það sást hins vegar ekkert til sólar þennan dag og var bergið því ekki jafn gott til klifurs. Við vorum orðnir nokkuð þrekaðir þegar við komum í búðir 2. um hádegisbil. Nokkur höfuðverkur var þá farinn að gera vart við sig. Örvar hafði ekkert sofið um nóttina vegna veikinda og tvísýnt um hvort hann kæmi með, en hann harkaði þetta af sér og þegar leið á daginn lagaðist hann. Fyrir ofan aðrar búðir tók snjór og ís smám saman yfirhöndina og þurftum við að fara yfir egghvassan söðull áður en við loks komum að megin farartálma leiðarinnar, Gráaturni. Þar hittum við fyrir ævintýramenn fjóra úr öðrum leiðangri, gjörsamlega úrvinda af þreytu. Þeir höfðu verið á svipuðu róli og við en höfðu ekki farið alveg niður í grunnbúðir til að hvílast og hafði það tekið sinn toll. Þeir höfðu samt toppað um morguninn í engu skyggni og voru á niðurleið nánast örmagna. Þeir hughreystu okkur með því að láta okkur vita að við hefðum ekkert séð af erfiðileikum ennþá, það sem við höfðum farið væri bara upp-



Örvar í fyrsta erfiða klettahaftinu ofan við fyrstu búðir.
Ljósm.: Árni Eðvalds

hitun fyrir það sem koma skyldi. Með þetta að leiðarljósi kvöddumst við.

Gráiturn er um 100m háir klettaveggur, snarbrattur og hættulegur, þá aðallega vegna grjóthrums. Leiðin lá fyrst upp til vinstri og þurfti síðan að hliðra talsvert til hægri, þeir sem voru niðri voru því býsna berskjálðar fyrir grjóthruni, því gátu fáir verið á ferli í einu. Þetta var talsvert strembið, svona um 5.6. Efst þurftum við síðan hangandi í nærlóðréttum veggnum að spenna á okkur mannbroddana. Þá tók við 100m langur ískafli sem endaði á örmjórrí syllu sem við hliðruðum eftir. Frá syllunni tók við annar ískafli líkur þeim fyrrí, þetta brölt svipaði til Einfarans í Eilifsdal ca 3. gráða, aðallega í ishröngli. Sú hugsun kom oft upp í huga okkar, hvað við værum eiginlega að gera þarna: afhverju fór maður ekki bara í golf. Þegar þarna var komið við sögu var línufraganið orðið yfircengilegt og erfitt að átta sig á hverju væri treystandi, karabínunni var því oftast klippt utan um 2-3 línum í einu. Nú var erfiðasti kaflinn að baki, þó var enn talsvert langt eftir. Egghvass sveppahryggurinn tók við ásamt klettahöftum áður en loks fór að grilla í 3 búðir. Búðirnar voru á



Í Gula turni í 6000m hæð.

Ljósm.: Árni Eðvalds

hangandi falljökli sem fæstum dytti í hug að tjalda á en þarna er fátt um fína drætti og vart um aðra kosti að ræða. Það var síðan um fimmleytið sem við loksns renndum í hlað ansi þreyttir. Við höfðum verið á ferðinni í um 12 klukkustundir samfleytt og boríð þungar byrðar, tesopinn hjá Babu var því kærkominn. Hann hafði dvalist í búðunum nöttina áður og var ákveðinn í að fylgja okkur síðasta spölinn á tindinn. Nick hafði komið um 2 klst undan okkur og aðstoðaði við að blása upp loftdýnum, enda allur vindur úr okkur. Það var farið að hvessa og orðið mjög kalt. Myrkur var skollið á svo við drifum í að elda, þrátt fyrir að lystin væri mjög lítil. Það sem þótti herrmannsmatur 800m neðar var nú orðið algjörlega óætt, nema hvað Júlli át chilikássuna sína með bestu lyst. Það var farið snemma í háttinn en fæstum kom dúr á auga þessa nött. Símon veiktist nokkuð hastarlega og var með uppgang alla nöttina en sýndi af sér mikla hörku, aðrir voru með höfuðverk. Við vorum greinilega ekki aðlagðir hæðinni enda stóð aðeins til að dvelja á þessum stað í skamman tíma.

Babu ræsti okkur kl. fjögur en langan tíma tók að undirbúa sig fyrir lokaáfangann og var klukkan langt gengin í sex þegar við lögðum

af stað. Það var kalt, lítill vindur og stjörnubjart sem var góðs viti. Ég hafði beðið talsverðan tíma og var orðinn dofinn á fótunum og af hræðslu við kal hreyfði ég tærnar ótt og titt. Ég náði hita í fæturna um leið og við lögðum af stað en fann alltaf til doða í tánum. Klifrið var brattara en við áttum von á, kannski $50-60^{\circ}$ en með mun brattari köflum inn á milli. Maður tók 10 skref og kastaði mæðinni, ísinn var hrönglkenndur og lélegur. Sólin kom upp austanmegin við tindinn svo kuldinn nísti inn að beini og ekki tókst að ganga sér til hita og það hugsaði hver um sig og myndatökur lágu alveg niðri. Símoni var orðið mjög kalt á höndum, það gekk allt ferlega hægt en á því var aldrei vafi að við kæmust upp, héðan í frá var annað ekki hægt og nægur tími til stefnu. Smátt og smátt nálguðumst við tindinn og um níuleytíð stóðum við á einum fegursta stað á jarðríki, á tindi Ama Dablam. Þetta átti sér engan aðdraganda, allt í einu endaði brekkan og við tók tindurinn, það urðu engin erfð síðustu skref. Babu og Nick biðu okkar og fögnumurinn var mikill, langþráðu markmiði var náð og útsýnið var frábært. Sólin brosti sínu fegursta brosi. Babu lék við hvern fingur á Símoni til að koma einhverju lífi í þá, ég hafði áhyggjur af tánum mínum en þær yrðu að bíða betri tíma. Eftir að hafa tekið myndir af spjöldunum sem við vorum með og skoðað okkur um var haldin í niður. Ég lagði síðastur af stað niður ásamt Babu sem endilega vildi fara að ræða viðskipti eins og við sætum yfir kaffibolla í Katmandu. Hann var að falast eftir Sólarsellunum okkar og fannst þetta ekki úr vegi enda vart fisjað saman við nokkurn mann sem ég þekki. Það þurfti að síga alla leiðina, það var varla meter sem hægt var að ganga svo bratt var þetta. Það var orðið ansi heitt þegar komið var aftur í búðir þrjú og hafði hitinn mjög lamandi áhrif. Mjög var af Símoni dregið enda höfðu veikindin dregið úr honum talsverðan mátt. Þrátt fyrir það var ákveðið að síga alla leið niður og vorum við mjög varkárir enda reyndi nú hvað mest á linurnar þegar fullur líkamsþungi hvildi á þeim. Það var seint um kvöld sem þungklifjaðir félagar tindust einn af öðrum niður í aðalbúðir og urðu fagnaðarfundir með þeim Svensna og Pálma. Við höfðum þennan dag klifið úr 6300m upp í 6856m og niður um tæpa 2500m þungklifjaðir og fórum rakleiðis í háttinn.

INTERSPORT®
Shops for Winners



„Draumurinn um transann“

Smásaga eftir Guðmund Tómasson.

Forsetafylgdin

„Farðu að drullast til að halda kjafti, helvítis fyllibyttan þín!“ Oh shit! Hver djöfullinn var að gerast? Ég kannáðist við röddina, reis upp úr sætinu og leit aftur í vélina. Nokkrum sætaröðum aftar voru Jökull og Stebbi. Jökull stóð uppi í sætinu, sótrauður og bandillur og ljósu lokkarnir hristust í allar áttir þar sem hann herti kverkatakið á ljóshærða víkingnum, sem gat sér enga björg veitt. Hann náði þó að stynja eitthvað í átt að litla ræfilslega Dananum sem sat innilokaður út við gluggann í sömu sætaröð og þeir og hafði þurft að hlusta á barátturæðu Stebba fyrir hönd Grænlands undanfarnar tvær klukkustundir. „Free Greenland, free Greenland, leave them alone, you bastards!“ Málavextir voru nefnilega þeir að Stebbi var búinn að fá nóg af því hvernig Danskurinn fór með Grænlendinga og hafði

tekið upp þann skemmtilega ósið að „siða“ og tuska til flesta þá Dani sem við sáum á leiðinni heim. Það er ekki laust við að mér hafi brugðið svoltíð við að sjá Jökul í þessum ham, þennan rólyndis dreng. Og ekki skánaði nú ástandið er mér varð litið til hliðar og aftar í vélina en þar stóð Jói sveittur við að róa flugfreyjurnar tvær sem voru búnar að fá yfir sig nóg af óeirðarástandinu sem þarna ríkti, og þó sér í lagi aðra þeirra sem var komin með aðra höndina upp í skáp sem geymir sprauturnar með róandi lyfjunum. Ó svei mér þá ef að Stebbi átti ekki eftir að kynnast hlutverki nálapúða! „COOL!“ En allt kom fyrir ekki. Ekki það að ég hafi verið eitthvað skárri, hvað þá Jói, þannig að ég sneri mér við í sætinu, setti upp sólgleraugun og teygði mig í 80% Stroh flöskuna, sturtaði niður einum gúllara og hélt áfram að röfla í sánsku kerlingunni



Orstuflugmaðurinn raðar á rakkinn.

Ljósm.: Jökull Bergmann

sem sat við hliðina á mér. Prátt fyrir allt þá virtist hún hafa humor fyrir öllu saman og fékk sér einn gúllara líka. „Free Greenland, redde, frelse, frigjøre, befri Grønland“. Blessaðar flugfreyjur, við megum ekki gleyma þeim. Þær höfðu sjálfsagt, að ég held, eytt nokkrum af skemmtilegustu stundum ævi sinnar í okkar félagsskap, og vissu að hér voru saman komnir fjórar af skemmtilegustu klifurhetjum háloftanna. Í samráði við flugstjórn komu þær sér saman um að heiðra okkur og kveðja með forsetafylgd, þ.e.a.s. með viðhöfn sem aðeins bekkist þegar þjóðhöfðingjar koma til lands-

ins. Þetta gekk meira að segja svo langt að við vorum sóttir inn í vél, fylgt út landganginn, í gegnum fríhöfnina, fengum spes meðferð í tollinum og alveg út fyrir dyr á flugstöðinni. En aldrei sá ég rauða dregilinn. „Takk stelpur“!

Það var gott að koma heim á klakann eftir fimm vikur. Og þarna stóð ég, slyppur og snauður, fyrir utan flugstöðina, klukkan eitt að nóttu til þann fimmta ágúst, kvekti mér í filterslausri Camel og hugsaði með mér; „hvernig í andskotanum byrjuðu öll þessi vandræði?“

Draumnum stolið

Já vorið '98. Ég sé þetta vel fyrir mér, draumurinn um ameríkska drekann að rætast. Ófáar klukkustundir höfðu farið í lestar smá-auglýsinganna í dagblaðinu og að lokum var draumabíllinn inni í bílskúr. Pontiac Trans Am '79 403, 6,6 litra með bilaða 350 túrbó sjálfskiptingu og botninn að detta undan honum. Innréttunguna fékk ég í svörtum ruslapokum, en það besta við bílinn var klósett-steinblái liturinn og handmálaði örnninn á húddinu. Seinni hluta maí og fyrrí hluta júní fóru allar mínar völkustundir eftir vinnu til tvö, þrjú á næturna í það að púsla transanum saman. Allan tímann hafði ég það eitt að markmiði, mína heitstu ósk til margra ára, að einhvær tímann fengi ég að rúnta niður Laugaveginn með græjurnar í botni og kalinn olnbogann út um gluggann, og það á áttá gata tryllitæki sem ætti í erfiðleikum með að komast á milli bensínstöðva. En það er alltaf einhver og eitt-hvað sem kemur í veg fyrir að svona glæstir draumar rætist. Ekki vissi ég að eftir hálfan mánuð ætti ég eftir að fara í þann skriftnasta og jafnframt þann skemmtilegasta fjallgöngutúr hingað til. En það var honum Jökli að kenna. HANN RÆNDI AF MÉR DRAUMNUM.

Óléttu kerlingarnar

„Ég hef verið plataður! Í dag er 10. júlí og ég er að taka þyrlu til þessa ULLABJAKKT-USSUSKAK fjalls, sem ég ætti með réttu að vera búinn að klifra núna“. Það er ekki á hverjum degi sem maður borgar 200.000 kr fyrir 25 mínútna flug, en þetta var sá illi kostur sem okkur bauðst eftir að hafa verið fastir í Quaqortoq, bæ í syðsta hluta Grænlands í átta daga sökum hafíss. Hafís? Já, hafís! Í miðjum júlí! Þetta var nú það sem maður hugsaði þeg-

ar að þyrlan hóf sig á loft með okkur fjóra og 400 kg af klifurútbúnaði og mat.

För okkar var heitið inn í Ketilsfjörð og að fjallinu Ulamertorsuaq þar sem við ætluðum að klifra nýja leið á 1200 m háum klettavegg þess. Forsaga þess var að Jökull hafði heillast af fjallinu sumarið áður þegar hann gekk undir það. Hann hafði þá séð möguleikann á nýrri leið. Um veturinn gekk hann á milli manna, mannaði leiðangurinn, ásamt almennum skipulagningu. Hann hafði fengið með sér Stebba - æ þið vitið þennan stóra, ljóshærða. En hann er einn af okkar fremstu sportklettaklifurum og hefur á undanförnum árum stundað sportið af ákafa. Jökull fékk líka með sér Jóa, amerískan major í flughernum sem á að baki nokkra stóra veggi í Ameríkunni, svo sem El Cap, Half Dome og fleiri. Það stóð líka til að Gregory, franskur alpinisti kæmi með og þar með hefði leiðangurinn samanstaðið af mönnum með mikla reynslu, hver á sínu svíði. Sökum þess að Gregory þurfti að fara í próf út af skólanum hafði hann forfallast á síðustu stundu svo að tveimur vikum áður en leiðangurinn fór af stað kom ég inni. EKKI veit ég hvers vegna! Ætli ég hafi ekki verið sá eini sem var nógu vitlaus til að ganga inn í dæmið með svo stuttum fyrirvara! Enda hljótið þið að undrast hvað kópvískur ísklifrari er að gera í svona leiðangur!

En sem sagt þarna vorum við í þyrlunni og ég veit þið munuð ekki trúá því að þegar við sáum fjallið í fyrsta sinn vorum við skríkjandi eins og smástelpur, hoppandi í sætunum og talandi hver við annan eins og við værum verstu kerlingar, svona eins og þegar ein í saumaklúbbnum segir að hún sé ólétt! Já ólétt, það er rétt vorum allir óléttir þarna!


Af klifri

Við vorum búnir að vera heppnir með veður og undanfarnar tvær vikur höfðu verið æðislegar, steikjandi sól og hægur vindur upp á hvern dag. Við höfðum notað dagana eins vel og við gátum og vorum komnir 650 m upp í vegginn. En núna var tvennt að plaga okkur. Við urðum að hætta við nýju leiðina sökum vatns- og grjóthruns. Og hitt var að nú var komin rigning. Fyrsta daginn inní firðinum höfðu Jökull og Jói fengið þyrluflugmanninn til að flytja hluta af okkar drasli og drasli frá amerískum leiðangri upp að fjallinu, þ.e.a.s. upp í Advanced base camp (ABC) eins og

heitir á fjallamáli og byrjuðu klifrið. Á meðan komum við Stebbi okkur fyrir niðri við sjó, (Base Camp). En gengum svo upp að fjallinu, það tók um eina klukkustund. Við vorum ekki fyrr komnir og byrjaðir að rýna í gegnum sjónaukann, er þessi gríðarlegi hávaði barst úr vegnum. Sjáum við bjarg á stærð við góðan sendiferðabíl brotna aðeins nokkrum metrum frá Jóa þar sem hann var kominn upp í annan stans. Þið getið rétt í myndað ykkur skelfinguna sem greip um sig hjá karlgreyinu. Hann sagði okkur það síðar meir að ef hann hefði haft hnif hjá sér hefði hann skorið sig úr megintryggingunni og klifrað eitthvað upp í vegginn.

Fljótlega komst regla á hið daglega líf. Við skiptum okkur í tvennt. Tveir klifruðu á meðan hinir náðu í mat niður í B.C. Við vorum nær eingöngu farnir að gista í A.B.C. Klifrið var nær eingöngu slabbkífur, viðnámskífur og á þunnum tökum. Sprungur þar sem hægt var að koma inn náttúrulegum tryggingum voru sjaldséðar og við farnir að elta leið sem hafði verið klifruð áður en við þó vissum ekki af. Klifrið tók á og þá jafnt líkamlega og andlega. Við vorum að taka 5.9 og upp í 5.11 spannir, bilið milli bolta var 10 -15 m og ekki bætti úr skák að þessir spekingar sem höfðu verið á undan okkur höfðu notað heimatibúin augu og 8x40 mm bolta. Við vorum sem sagt að klifra í annars konar umhverfi en við höfðum óskað okkur og það kom fyrir að við komum að augum sem þeir höfðu dottið í og voru þá orðin kjöguð og galvaniseringin farin að flagna af. Við vorum þó ekki búnir að gleyma tilgangi ferðarinnar, þeim að klifra nýja leið og hélðum sifellt áfram að góna til hliðanna eftir undanskoti en allt kom fyrir ekki.

Í 500m hæð komum við okkur saman um að vera með portaledge búðir, um leið og við gætum, þá lögðum við línum 150 m frá þeim stað. Þessi staðsetning hentaði ágætlega því veggurinn þar fyrir ofan var lóðréttur og sum staðar yfirhangandi. Og þið halddið kannski að klifrið hafi verið skemmtilegasti hlutinn? Ó nei, það var júmmið. Fyrstu dagana svitnuðum við eins og svín í forleik við að komast upp hundrað metra, og það með lágmarks útbúnaði, en eftir því sem leið á leiðangurinn og tæknin batnaði, vorum við jafnlengi að fara 500 m með 40 kg á bakinu og 100 m í byrjun.



Í sólbökuðu graníti á Grænlandi.

Ljósm.: Stefán Smárason

Ísbjörninn

En nú var svo komið eins og hendir marga leiðangra, að við þurftum að bíða sökum mikilla rigninga og þoku. Þá þarf maður að finna sér eitthvað að gera. Nú, við borðuðum, dittuðum að búnaðinum og töluðum um hina leiðangrana og þá sér í lagi þann ameríkska. Einnig voru þarna svissneskur og slóvenskur leiðangur og á tímabili var sá slóvenski á sama tjaldstæði og við í abc. Okkur fannst nú ekki nóg að spjalla bara við kanana heldur suðum við saman þá mestu lygasögu sem ég á ævi minni hef heyrt. Hún var þannig að svissarnir, sem gisti niðri við sjó, fengu heldur óskemmtilega heimsókn. Nefnilega ísbjörn sem synt hafði inn fjörðinn, upp á tjaldstæði, inn í eitt tjaldið og étíð einn svissarann sem þar svaf fastasvefni. Hinir leiðangursmennirnir komust undan á sundi út í einhvern grænlenskan bát. Eftir þessa lygasögustund fórum við inn í tjald og áttum von á að einhver þess-

ara sjö manna skildi eðli sögunnar og kæmi á eftir okkur skellihlæjandi inn í tjaldið, en enginn kom. Næsta morgun heyrðum við að þeir hefðu skotið á neyðarfundi og ákvæðið að setja mann á næturvakt, vopnaðan merkjabyssu. Þvílikir hálfvitar.

Pokubunglyndi

Eftir fjóra daga létti þokunni og við sáum að snjóað hafði í toppinn. Það var svo ákvæðið á endanum að ég og Jökull tækjum lokaatrennuna þó svo að tvísýnt væri með veðrið. Þetta var það eina sem við gátum gert því eftir fjóra daga yrðum við sóttir á bát. Við júmmuðum okkur upp, það var reynsla fyrir okkur að sofa í portaledgi og ekki er hægt að segja annað en sparlega sé farið með plássið. Morguninn eftir rigndi og vorum við í hengirúminu fram undir hádegi en þá vorum við farnir að verða órólegir og aðeins farið að votta fyrir innilokunarkennd. Við drifum okkur þó út og júmmuðum okkur upp þá 50 m sem voru í endann á fixuðu línum. Pennan dag tókst okkur þó að nauðga okkur upp tvær spannir. Jökull tók fyrri spönnina sem var ekki sú auðveldasta, rennandi blaut 5.10. Og ég tók þá seinni og var sú spönn sú pervertískasta sem ég hef farið á ævinni, stigaklifur með skykrókum og Batkrókum, en B.A.T. stendur fyrir basicly absurd tecnik. Það virkar þannig að ef þú hefur engan stað eða nibbu til að setja krókana þá borar þú 5-10 mm holu og inn í bergið og tyllir battinum inní holuna og stígur síðan í stigann. Annað hvort heldur það eða ekki. Lengra komumst við ekki pennan dag svo við fórum niður í hengirúmið.

Næsta dag var veðrið eins þannig að það var augljóst að við kæmumst ekki lengra en tvær spannir og vorum því brunnir út á tíma. Toppnum yrði ekki náð þetta árið. Það var súrt í broti en með skottið á milli lappana fórum við að hreinsa niður línum og koma hluta af draslinu niður. Daginn eftir sóttu Stebbi og Jói restina.


Rebbi

Við vorum búrir að sofa eina nótt í bc eftir að Stebbi og Jói hreinsuðu niður restina og þennan dag áttum við von á bát inn fjörðinn til að ná í okkur. Þó áttum við eftir að fara eina ferð upp í abc til að hirða smádrasl og fara með niður í fjörð. Aðkoman í abc var ansi spaugileg. Slóvenarnir voru í óða önn að

tína upp grænar plasttægjur í svartan ruslapoka. Skítfóbia Stebba hafði orðið til þess að hann skildi eftir dós fulla af pokum með skít í sem við notuðum í vegnum, á bak við stein. Svo um nótina hafði rebbadjöfull, sennilega heimilisdýrið okkar úr abc, runnið á lyktina. Hann náði að opna dósina, éta skítinn og dreifa pokunum út um allt tjaldstæði. Við komumst að lokum niður í bc, þrátt fyrir skammir og blótsyrði slóvenanna. En aldrei kom báturinn, og næsta morgun og dag ekki heldur.

Annar ísbjörn

Pá var bara eitt að gera í stöðunni og það var að draga um það hverjir fengju að labba til næsta bæjar og græja bátsferð fyrir okkur. Stebbi og Jökull voru að vonum himinlifandi að hljóta þennan heiður. Klukkan níu að kvöldi og í ausandi rigningu lögðu þeir af stað og gekk vel. Voru þeir komnir til bæjarins 11-12 tímum seinna, rytjulegs bæjar þar sem íbúarnir hafa ekkert betra að gera en drekka, reykja og biða eftir atvinnuleysisbótunum. Þeir náðu þar í bát og voru komnir til okkar um miðjan daginn. En þeir höfðu lent í ýmsu á leiðinni, vaðið stórfjót upp undir axlir, þ.e. synt ofl. En best er sagan af birninum. Um nótina þegar þeir voru hættir að sjá fóru þeir undir risastórt bjarg sem var yfirhangandi til að skýla sér fyrir rigningunni. Þeir höfðu tveggja manna bívak með sér og fór vel um þá. Stebbi fór þá að heyra hljóð sem kom frá sjónum, svona hljóð eins og þegar synt er. „Heyrðu Jökull, heldurðu nokkuð að það sé ísbjörn á leiðinni hingað? „Nei nei“, svaraði Jökull til baka og hló innra með sér. Nokkrum mínútum síðar var Stebbi farinn að iða og sprýr Jökul aftur að því sama og fær sama svarið. En Stebba var ekki til setunnar boðið, hann ætlaði sko ekki að láta einhværn djöfuls ísbjörn éta sig. Hann stökk með látum upp úr bívakpokanum og yfir Jökul sem lá þó rólegur á meðan á þessum látum stóð. En þegar hann sá Stebba hverfa á bak við bjargið og heyrdi hljóðið frá sjónum ágerast hugsaði hann það sama og Stebbi og stökk á bak við bjargið. Eina björgin sem þeir gátu sér veitt var að flýja upp á bjargið og kostaði það heilmikið tilstand og leikfimiæfingar. En eftir að hafa verið í two tíma í grenjandi rigningu og ískaldir uppi á bjarginu komu þeir sér saman um það að betra væri að verða étnir af hvítá-



Greinarhöfundur dállar sér með "himnakrókana" sína.
Ljósm.: Jökull Bergmann

birni heldur en að drepast úr kulda uppi á bjarginu og fóru og héldu áfram fór sinni.

Ferðin til Narsarsuaq tók two daga sökum hafiss og gistum við eina nótta í Nanortalik. Þar fengum við okkar fyrstu sturtu og sumir sinn fyrsta þvott frá því í Qaqortoq. Björninn var ekki unninn þó svo að við værum komnir til Narsarsuaq því þar þurftum við að biða í þrjá daga eftir flugi heim sökum þoku. Að bíða! Saga leiðangursins!!


Eftirmáli

Þess ber að geta að persónur og lýsingar í þessari smásögu eru uppspuni frá upphafi til enda og ber því ekki að taka hátíðlega. Höfundur vill taka fram að ef einhverjir atburðir eða persónur líkjast einhverju eða einhverjum í raunveruleikanum þá er það fyrir eintóma slynsi. Ekki er heldur ætlast til þess að lesendur botni upp eða niður í einu eða neinu í þessari smásögu.

En draumurinn um Transann lifir.




Gerist félagar í Ferðafélagi Íslands



Gerist félagar í Ferðafélagi Íslands og njótið þess sem félagsmönnum býðst, svo sem afsláttar af helgar- og lengri ferðum, gistingu í 36 sæluhúsum, glæsilega árbók, auk annarra friðinda. Á árinu verða sem fyrr fjölbreyttar ferðir á góðum kjörum til félagsmanna og fjölskyldna þeirra. Árgjaldið er 3.400 kr. Árbókin 1998 er 71. árbók Ferðafélagsins og nefnist „Fjallajarðir og Framafréttur Biskipstungna.“

Árbók 1997 fjallar um fjalllendið milli Mýra og Dala. og Árbók ferðafélagsins 1996 fjallar um svæðið ofan Hreppafjalla milli Hvítár og Þjórsár.



A þús. auglysingastaða



FERÐAFÉLAG ÍSLANDS
Mörkinni 6, 108 Reykjavík
sími: 568 2533 fax: 568 2535

www.fi.is Kynnið ykkur áætlun, staðsetningu sæluhúsa
og árbækur á heimasíðu Ferðafélagsins

Eignist eldri árbækur Ferðafélagsins, einstök heimildarit um landið. Kynnið ykkur enn fremur önnur útgáfurit félagsins. Nýverið komu út fræðslurit um Hengilssvæðið og Þórisdal.


Hálfgleymd alpasaga frá seinasta áratug

Eftir Leif Örn Svavarsson

Smávægileg glappaskot geta haft afdrifaríkar afleiðingar. Ef maður sleppur hins vegar með skrekkinn er hætt við að fyrst á eftir hafi maður ekki hátt um þær gloríur sem maður hefur gert. Þegar liðinn er röskur áratugur ætti samt að vera óhætt að rifja upp þessar gleymdu minningar og jafnvel að brosa að þeim í kampinn, þetta voru jú þeir gömlu góðu tímar.

Þetta árið höfðum við betri félagskappa í Ghiglione skálanum en tveimur árum áður. Nú voru þetta tveir meinlausir Hollendingar en um árið voru það kraftalega vaxnir írskir fjallamenn sem virtust hafa eytt lengri tíma á barnum en í fjallgöngunum. Þeir höfðu komið seinna en við og fylltu allt gólfplássið í þessum litla kofa meðan þeir voru að ryðja draslinu okkar af borðinu og reyna að koma sér fyrir. „Þetta eru Írar“ segir tungumálasénið í hópnum sem kann réttar kveðjur á öllum tungumálum. „Ireland for the Irish“ hrópar Einar og kreppir hnefann. Mér leið hálf kindarlega í grafarþögninni sem fylgdi og reyndi að smokra mér innar í kojuna meðan baráttumaður lýðræðisins létt hnefann síga, hörfæði undan hatrömu augnaráði N-Íranna sem þjöppuðu sér hálfhring í kringum hann með krepta hnefana.

Það var allavega ekki hætta á að Hollendingarnir lumbruðu á okkur. Okkur varð meira að segja það vel til vina að við ákváðum að hittast aftur niðri á tjaldstæði og þar urðum við peðfullir á því að elda saman ostafondu. Síðar þá um nöttina ákváðum



Einar doðviðringslegur í Tour Round. Leið þeirra félaga á Grandes Jorasses ber við himinn hægra megin á myndinni.

Ljósm.: Leifur Örn Svavarsson



Leifur Örn á Duran Duran árunum.

Ljósm.: Einar Torfi Finnsson

við að hittast tveim dögum seinna í litlum fjallaskála í skarðinu austan við Grandes Jorasses og klífa það fjall saman. Eftir leiðarlýsingunni í leiðarbókinni að dæma, var það heilmikið þramm að komast í kofann. Leiðin lá eftir hrygnum frá Risatönninni og yfir fullt af auðveldum 4000 m tindum. Gæti ekki verið mikið mál, enda bara merkt „pínulítið erfitt“, samkvæmt okkar þyðingu á þessum frönsku erfiðleikagráðum.

Við þekktum leiðina upp að Risatönninni. Okkur varð að orði að við hefðum betur verið svona seitn á ferðinni þegar við reyndum að klífa tönnina nokkrum dögum áður. Þá var skítaveður en samt þurftum við að bíða í biðröð eftir að fá að byrja á klifrinu. Það kom að vísu bylur og við gáfumst upp á að spóla á túttum á móti straumnum af klifrurum sem klofuðu yfir okkur meðan þeir voru að síga niður. Enn vorum við að fara á móti straumi en þó hryggurinn væri örmjór og við þurftum nokkrum sinnum að bakka til að hleypa fólki framhjá, var allavega gott veður. „Islande ahha Vatnasjöcul“ segir miðaldra kona, með rafsuðugleraugu frá fyrstu áratugum þessarar aldar, þegar Einar svarar spurningu hennar

um hvaðan við værum. Einar var ótrúlega þolinmóður, búinn að svara sömu spurningu hjá 15 vinkonum þeirrar gömlu þegar þær þrómmuðu framhjá í bandi aftaní ítölskum fjallaleiðsögumanni. Þegar loksns var hægt að halda áfram vorum við fljótir að komast að fyrstu grjóthrúgunni sem var tæplega 100 metra hækkun upp auðvelda kletta. Þar sem langt var liðið á daginn og við farnir að gera okkur vel grein fyrir að þetta þyrfti að ganga rösklega ef við ætluðum að ná í skálann í dagsbirtu, ákváðum við að klifra með hlaupandi tryggingar. Við stytturn í annarri línumni, niður í 25-30 metra til að vera í góðu talsbandi og klifruðum báðir í einu.

Grjóthrunið varð þegar við vorum komnir langleiðina upp. Ég heyri þetta óhugnanlega hljóð þegar þungir steinar skella utaní bergið. Ég lít snöggt upp og sé grjótið eins og bletti á himninum. Tíminn er kyrr og aðstæðurnar þjóta á örskammri stundu í gegnum hugann. Þó að klifrið sé auðvelt er brattinn heilmikill. Einar er á undan og það er nokkra metra slaki á línumni. Fram að þessu vorum við ekki búningar að setja inn mikið af tryggingum þannig að ég má ekki detta. Ég stend, í plastskónum, á

litlum syllum og sleppi vinstri handfestunni, set upp kryppu og held mér með hægri hendinni í flögu í mittishæð. Höggis er þungt þegar steinarnir lenda á mér. Eg fæ stóran Stein aftan á hjálminn og í bakpokann. Annar steinn slæst í hægri hendina þannig að ég fæ talsvert sár á handarbakið. Hentin er sem lömuð og það tekur smá tíma að átta sig á hvort hún verði nothæf á eftir. Sársaukinn kemur smám saman og ég get hreyft fingurna þannig þetta ekki að vera of alvarlegt. Ég er með svoltíð höggsár sem er ekki nema nokkra sentimetra langt en talsvert djúpt. Fyrst er það þurr og hvítt en síðan sprettur blóðið fram og það blæðir talsvert úr sárinu þannig að ég lyfti hendinni upp yfir höfuð.

„Er allt í lagi?“ kallað Einar að ofan.

„Nei“ svara ég illgjarn á móti og veit að ég er að valda honum áhyggjum með svona loðnu svari.

Einar er snöggur að klifra upp á brún og tryggja mig upp í ofanvaði. Ég finn hvernig blóðið hefur lekið inn undir ermina og inn að handarkrikanum og þegar ég kem upp á brúnina og set hendina niður eykst blóðstremið og mjó blóðgusa spýtist tvisvar úr sárinu sem býðir að ég hef rofið slagæð.

„Váá“ segi ég og lyfti hendinni aftur upp „-sástu þetta!“ Hendurnar á Einari hreyfast með ljóshraða meðan hann er að tæta hluti upp úr bakpokanum til að finna sjúkrakassann. Ég er bráðhress og fullur af galsa. Þetta fannst mér aldeilis merkileg lífsreynsla að verða vitni að slagæðablæðingu eins og lýst var á skyndihjálparnámskeiðunum. Ég harðneitaði að leggjast niður en þáði te eftir að Einar var búinn að binda um sárið. Teið var líka gott fyrir Einar, hann var eitthvað svo andskoti fölur.

Þegar við vorum að fara niður af næsta tindi, sem hafði verið auðveldur uppgöngu, þá festist línan þegar við vorum að draga hana til okkar eftir að hafa sigið niður. Andskotinn, það ætlaði ekki af okkur að ganga. Klifra upp aftur, henda spottanum niður og príla afturábak niður. Það var að byrja að rökkva og við héldum áfram, hálfvegis á hlaupum. Í einhverju offorsi gáfum við okkur ekki tíma til bess að taka af okkur broddana þegar við fórum yfir næstu tinda heldur skröpuðumst við á þeim yfir þurra og góða kletta. Ánægjan við fina leið fór hálfvegis forgörðum við fyrirfram tapað kappblaup við myrkrið. Kappblaupi sem við höfðum tapað með því að nenna ekki

að koma okkur nær byrjun leiðarinnar daginn áður, heldur að ætla alla leið upp frá Chamonix. Það fór eins og við óttuðumst að við komum í svartamyrkri fram á klettanefið sem við áttum að síga fram af til að lenda á mjóum hryggnum í Col du Grand Jorasses. Orðnir þreyttir og drullupirraðir á öllu veseninu verðum við 90° ósammála um, hvar við eigum að síga fram af, vitandi að það má ekki miklu muna ef við ætlum að hitta á hrygginn fyrir neðan. Við Einar Torfi erum systrasynir, aldri upp í sama húsi með innangengt á milli hæða, þannig að ég nenni ekki að standa í meira þrasi við Einar þegar blóðsykurinn er orðin svona lágor. Ég læt því undan og síg drullupirraður niður í þá stefnu sem hann var viss um að væri „miklu réttari“ en míni. Þegar ég kem niður í enda á línum er þar fyrir einn fleigur og einhverjar frosnar fatadruslur, hálf óhugnanlegur staður svona í myrkru. Ég læt Einar heyra þvílikur erkihálfviti ég sé að vera að hlusta nokkuð á hann, þetta geti varla talist fjölfarið sigakkeri. Það er ekki gott kallfað á milli okkar, ómógulegt að ímynda sér hvað sauðurinn á efri hæðinni skildi út úr kveðjunni eða hvað fór fram í kollinum á honum. Allavega kemur hann ekki niður til míni heldur hífir upp línum. Ég er búinn að hrópa mig hásan í lengri tíma þegar ég næ aftur sambandi við Einar. Þá er hann ekki lengur uppá brúninni heldur kominn niður í endann á siglínunni hinumegin við hornið.

Hægt og skilmerkilega gerði ég honum grein fyrir að ég væri þarna staddur í miðjum snarbröttum klettum, væri tengdur við einn gamlan fleig og hvernig sem hann færi að því þyrfi hann að koma sér upp línum aftur og svo niður til míni.

Fjörtíuogfimm metra prúiskæfingar, með takmarkaðan útbúnað, í kolsvarta myrkri er ekki óskaverkefni neins fjallamanns eftir erfiðan dag. Enda leið drjúg stund áður en Einar var kominn niður á sylluna til míni.

Hversvegna gat ekki verið tungsljós einmitt nána þegar við þurftum á því að halda? En næsta sig gekk vel. Við reyndum að hliðra eins og við gátum og í sjálfu sér trúðum við því að við myndum enda á réttum stað. Priðja sigið var verra. Þá var okkur orðið ljóst í þvílikar ógöngur við vorum komnir. Fjórða og fimmsta sigið var ömurlegt. Hnútur kominn í magann yfir óvissunni en ekkert annað að gera en að koma sér niður úr þessum vegg.

Mér varð ekki um sel þegar ég kom niður úr fjórða siginu og Einar hangandi í lóðréttum klettunum á einum fleig sem hann hafði sjálfur barið inn. Ekki skánaði líðanin þegar ég var kominn langleiðina niður línumna í næsta sigi þar á eftir og hættur að ná að snerta klettana með fótunum. Ég stoppa smástund og lýsi úti tómið með daufri ljóstýrunni. Vona að það sé fast land þarna fyrir neðan annars gæti orðið djöfullegt að róla sér að vegnum til að koma upp sigtryggingu. Ég fór rólega niður í enda á línumni og næ að standa á tám í brattri skriðu til að geta losað mig úr bláendanum á línumni og horft á endann skjótast upp í loftið þegar ég losa mig. Mikið var gott að vera kominn úr þessu lóðréttu helviti. Það var einnig farið að rofa fyrir nýjum degi. Ég hjálpaði Einari að losa sig úr línumni til þess að við misstum ekki endann á línumni upp í loftið og við drögum línumna til okkar, bröltum niður úr bröttustu skriðunni og settumst niður til að kasta mæðinni.

Ég fann hvernig hárin risu í hnakkanum á mér af hræðslu þegar ég áttaði mig á því á hvernig stað við vorum staddir. Við vorum í bröttu, þróngu gili sem var eins og trekt fyrir grjóthrun úr háum veggjunum umhverfis okkur. Hvarvetna sem sá í bera klöpp var hún áberandi hvítskellótt eftir grjóthrun. Mér varð starsýnt á stein á stærð við ísskáp sem stóð á öðru horninu, frosinn niður í skriðuna. Okkur var ekki til setunnar boðið, þetta var sísti staður á jarðríki sem mig langaði til að vera á eftir að sólin kæmi upp. Fyrsta spönnin upp gilið var auðveld. Einar var orðinn eitthvað orku-lítil þannig að við urðum ásáttir um að ég héldi áfram. Næsta spönn var talsvert brattari. Neðri hlutinn var í lausum klettum en efri hlutinn í hörðum, skítugum ís uppí smá klettahaft sem ég gat tryggt í, þar sem við vorum ekki með neinar ístryggingar. Ég bið Einar um að fá lánaðan íshamarinn hans til að leiða upp næstu spönn með tveimur ísökum. Einar maldaði eitthvað í móinn og sagðist hafa átt fullt í fangi með að komast yfir seinasta íshaft á einni exi. Frekar til í að gerast píslarvottur en að reyna að tala um fyrir þessum eigin-gjarna sjálfselskupúka legg ég í brattann með eina exi og vona að Einar fái samviskubit. Kraumandi reiðin yfir óréttlaetinu hjálpar til við að komast yfir fyrri hluta spannarinnar. Brattinn var slikur, að maður sveiflaði exinni varlega til þess að detta ekki aftur fyrir sig.

Það væri næstum því þess virði að detta og slasast til þess að þessi sjálfselskupúki fengi verulegt samviskubit. Í seinni helming spannarinnar var brattinn minni og ég tók Einar upp, tryggðan í eina ísexi. Við bröltum í sameingu seinasta hlutann upp á brún og náðum í morgunmat til félaga okkar sem gistu í kofanum. Það varð ekki til þess að bæta skap-íð að þeir höfðu séð ljósin okkar uppi á brúninni kvöldið áður en ekki komið til hugar að gefa okkur ljósmerki, sem hefði sparað okkur ómælt erfiði.

Ég var enn í fýlu út í Einar og stríddi honum óspart á þeim aumingjaskap að vilja heldur leggja sig en halda áfram. Annar Hollendingurinn tók mig á orðinu þar sem félagi hans var einnig eitthvað krumpaður og leist ekki á að halda áfram. Ég hefði getað gleypit í mér tunguna fyrir galgopaskapinn en ekki fannst mér ég geta gert Einari það til geðs að taka aftur stóru orðin, þannig að ég hlunkaðist af stað með þeim hollenska eftir að hafa gleypit í mig morgunmatinn. Klifrið var létt og þægilegt í ágætum klettum og í sjálfu sér ekki í frásögur færandi. Hollendingurinn lá yfir leiðsögubókinni og var alltaf eitthvað ósáttur við mitt leiðarvalr sem einkenndist af þeim lögiska hugsanagangi að fara bara upp þar sem það var auðveldast uns bandið var búið. Sjálfur leitaðist hann alltaf við að komast í einhverjar ógöngur til þess að leiðréttu það sem hann gaf í skyn að væru míín leiðarvalsmistök. Við vorum langt fram á dag að koma okkur upp á fyrsta tind og léttum þar við sitja. Framhaldið var langur láréttur hryggur með endalausum brölti yfir nokkra tinda enn og leiðin síðan vandrötuð niður á skriðjökulinn Ítaliumegin. Það var lítið mál að síga niður í björtu og við vorum fljótir að komast til baka í skálann.

Það er kannski full mikið sagt að halda því fram að ég hafi verið óþreyttur en ég man að sjálfur var ég hálf undrandi á hversu brattur maður var eftir að hafa verið svona lengi á ferðinni.

Pessu ferðalagi var engan veginn lokið. Það var enn langur vegur til byggða. Einnig áttum við eftir að lenda í ómældum hrakningum þær vikur sem við dvöldum til viðbótar þarna á svæðinu. Það höfðu þrjár, svefnlitlar, svefn-pokalausr nætur á jökul-eða bergsyllum bæst við ferðareynsluna áður en ferðinni var lokið, en þær sögur verða ekki raktar hér.



SUÐURPÓLLINN

Syðstu endimörk jarðar

eftir Harald Örn Ólafsson

Iþyrjun nóvember 1997 lögðu þeir Ólafur Örn Haraldsson, Haraldur Örn Ólafsson og Ingþór Bjarnason í 1.100 kílómetra langa skíðagöngu á Suðurpóllinn. Að baki höfðu þeir skíðagöngu yfir Grænlandsjökul en nú tókust þeir á við enn stærra verkefni. Hér á eftir fer frásögn Haralda Arnar Ólafssonar af ferðinni.

Þegar ég leiddi hugann fyrst að skíðagöngu á Suðurpóllinn var það aðeins fjarlægur draumur. Ég hafði mjög óljósa hugmynd um þann mikla ismassa sem þekur syðsta hluta jarðar. Hugsunin um að draga sleða vikum og mánuðum saman um þær órávíddir sem Suðurskautslandið geymir var tælandi en um leið ónotaleg og fráhrindandi. Eitt-hvað rak mig samt áfram í leit að fróðleik um sjöundu heimsálfuna, staerð hennar, veðurfar og sögu en umfram allt, hvernig hægt væri að komast þangað. Það kom mér á óvart hversu lítið ég vissi og ég uppgötvaði að á skólagöngu minni hafði ekki farið mikil fyrir fróðleik um þessu miklu viðáttu. Ég var greinilega ekki einn um fáfræði um Suður-

skautslandið því margar undarlegar spurningar fékk ég þegar fréttist hvert við stefndum, svo sem hvort ísbirnirnir væru ekki mikil ógnun þarna suðurfrá og hvort hægt væri að ná farsímasambandi þaðan. Smám saman röðuðust brotin saman og skíðaleiðangurinn á Suðurpóllinn fór að taka á sig mynd. Eftir stóð þó spurningin: Hvers vegna Suðurpóllinn? Pessari eilifðar spurningu um það hvers vegna við gerum það sem við gerum verður seit svarað. Ég held að svarið geti ekki falist í öðru en því að innra með okkur blundar löngun til að takast á við eitthvað sem er á mörkum hins ómögulega. Þegar einu takmarki er náð vaknar með okkur löngun til að gera eitthvað ennþá stærra. Enginn jökkull jarðarinna er kaldari og erfiðari viðureignar en þósléttan og einmitt þess vegna vildum við takast á við þetta verkefni.

Leiðangrar á Suðurskautslandið eiga sér stutta sögu enda var það ekki barið mennskum augum fyrr en 1820 og þá af Rússanum Fabian von Bellingshausen. Í byrjun 20. aldarinnar voru fyrstu til-

raunirnar gerðar til að ná Suðurpólnum. Í lok október 1911 hófst kappblaup tveggja manna, Roberts Scott og Roalds Amundsen. Báðir höfðu sama markmið, að verða fyrstir manna á Suðurpólinn. Þeir völdu hvor sína leiðina sem báðar lágu yfir Ross íshelluna, um Transantarctic fjöllin og upp á pólsléttna. Að öðru leyti voru leiðangrar, bakgrunnur, undirbúnungur og persónuleikar þessara manna gjörólkir. Þeir atburðir sem fylgdu í kjölfarið eru með þeim umdeildustu og umtölusléttnu í sögu leiðangra þessarar aldar. Amundsen náði Suðurpólnum 14. desember 1911 og komst heill heim. Scott náði Suðurpólnum 17. janúar 1912, þá að þrotum kominn og náði aldrei til baka. Þann 21. mars gáfust Scott og menn hans upp, þá einungis 11 mílur frá stórra birgðastöð sem hefði getað bjargað lífi þeirra. Kappblaupið milli Amundsen og Scott hefur haft mikil áhrif á alla leiðangra sem fylgt hafa í fótspor þeirra. Mitt fyrsta verk í undirbúnungi fyrir leiðangur okkar var að lesa um þessa frumherja pólsögunnar. Í leiðangri okkar töluðum við oft um þá miklu atburði sem gerðust á svipuðum slóðum 86 árum áður. Kunnnasti atburður kappblaupsins er tvímaelalaust þegar Oates á að hafa yfirgefið tjald Scotts og sagt: „I am just going outside and may be some time“, en hinir vissu að hann kæmi aldrei aftur.

Það var 10. nóvember 1997 þegar við félagarnir þrír stigum út úr Hercules flugvélinni í Patriot Hills og kynnumst í fyrsta sinn Suðurskautslandinu. Birtan skar í augun, loftið þurr og kalt svo það var erfitt að draga andann, en umfram allt var það vindurinn sem nísti okkur inn að beini. Allt var svo líflaust og kalt að við skildum vel að náttúran hafði ekki ætlað okkur mönnunum að lifa á þessum slóðum. Við okkur blöstu tignarleg fjöll og endalaus viðáta, allt ósnortið af átroðningi manna. Þetta er draumaland fjallamannsins. Hér væri hægt að eyða allri ævinni í fjallmennsku og komast þó aðeins yfir örlið brot af þeim möguleikum sem fyrir hendi eru. Skammt frá okkur var hæsta fjall Suðurskautslandsins, Mt. Vinson (4897m) sem var fyrst klifið af Nicholas Clinch árið 1966.

Tveimur dögum síðar vorum við tilbúnir að leggja af stað í göngu okkar. Við hlóðum farangri okkar, sem vó um 120 kiló á mann, á sleðana og kvöddum starfsfólk og gesti í Patriot Hills búðunum. Pað var mikill léttir að geta loksins lagt af stað. Síðustu vikur höfðu tekið verulega á taugarnar eins og búast má við þegar undirbúinn er heimskautaleiðangur. Framundan var um 1.100 kílómetra löng leið frá Ronne íshellunni Á Suðurpólinn. Meðferðis höfðum við vistir til 60 daga göngu. Við mjökuðum sleðunum af stað og gengum til austurs, fyrir endann á Patriot Hills fjöllunum. Í fyrstu fannst okkur sleðadrátturinn léttur en það breyttist fljótt þegar við fórum að ganga upp í móti og rífskaflarnir fóru að aukast. Prátt fyrir að kuldinn væri mikill og vindurinn blési beint á móti okkur þá svitnuðum


við undan erfiðinu. Við gættum þess fyrstu dagana að ofreyна okkur ekki. Líkaminn þurfti tíma til að venjast veðrinu, sleðadrættinum og mataraðinu.

Á fjórða degi var vindurinn mikill eins og venjulega, um 5 vindstig beint á móti og -24° C frost. Við gengum af stað með grímu fyrir andlitunum og á höfðinu hettu með úlfaskinni, til að verjast kali. Þungur andardrátturinn myndaði klakabrynu í skegg og grímuna. Stórir rífskaflar lágu þvert á leið okkar. Sleðarnir risu upp á hverja ölduna á fætur annarri og steyptust niður á milli. Framundan var fyrsta hindrunin, brött brekka með gríðarmiklum sprungum efst. Við lögðum lykkju á leið okkar til að finna góðan stað til að fara yfir sprungurnar. Þegar við höfðum gengið ákafir og sveittir upp brekkuna komum við að sprungunum. Okkur létti, því þær voru allar fullar af snjó en þó var ekki hættulaust að fara yfir ef snjóbrú skyldi gefa sig undan þunganum. Við vögum um 200 kiló hver með farangri og þurftum því að fara að öllu með gát. Við mjökuðum okkur hægt og rólega yfir hverja sprunguna á fætur annarri og könnuðum styrkleikann vandlega með skíðastöfunum. Sprungurnar urðu ávallt stærri og stærri og var okkur því mjög létt þegar þeim linnti. Þetta var stór stund því að nú vorum við komnir fyrir endann á Ellsworth fjallgarðinum og framundan sáust ekkert nema endalausar viðáttur jökulsins. Einhvers staðar í fjarska lá Suðurpólinn, takmark okkar, en hann var alltof langt í burtu til að við gætum hugsað um hann nú. Að baki okkur lá Ronne íshellan og Patriot Hills búðirnar, ótrúlega skammt í burtu miðað vegalengdina framundan.

Jafnt og þétt jukum við gönguna og á sjóunda degi gengum við í fyrsta sinn yfir 20 kílómetra á einum degi sem var það lágmark sem við settum okkur upp frá því. Veðrið var erfitt að glíma við. Vindurinn var svo mikill að ekki mátti sleppa nokkrum hlut svo hann fyki ekki út í veður og vind. Mikil hætta var á að tapa þannig dýnum, vettlingum og tjaldinu. Ef mikilvægir hlutir fylkju frá okkur væri leiðangurinn í hættu svo við gættum þeirra vel. Hætta á kali var mikil, einkum í andliti og á höndum. Andlitsgrímnunar hindruðu andardrátt og við svitnuðum undan þeim, svo freistandi var að taka þær af sér, en þá kom kalið um leið í kinnarnar. Allir fengum við eitthvert kal. Hendurnar voru einnig í mikilli hætta, einkum þegar vettlingar voru teknir af við myndatökur og ýmis önnur nauðsynleg verk.

Par sem vindurinn var ávallt frá suðri, á móti okkur, gerði hann gönguna einnig erfiðari með því að taka í okkur sjálfa en ekki síður sleðana sem vildu oft leita til hægri eða vinstri. Einnig er það vindurinn sem yfir upp rífskaflana svo segja má með réttu að hann hafi verið okkar helsti óvinur.

Á níunda degi vöknudum við upp í miklu hvassviðri. Okkur hefði ekki dottið í hug að hreyfa okkur úr tjaldstað undir venjulegum kringumstæðum,



Skálað á jólum.

Ljósm.: Ingþór Bjarnason

en vitneskjan um hina gríðarlegu vegalengd sem var framundan rak okkur áfram. Við áttum enn eftir að ganga vegalengd sem var meiri en tvöfalt Ísland frá austri til vesturs. Að baki var grátlega stutt vegalengd samanborið við það sem eftir var. Vindurinn rykkти í tjaldið og ljóst var að þetta átti eftir að verða kaldur og erfiður dagur. Við tókum niður tjaldið og gættum þess vel að missa það ekki frá okkur. Ef slikt myndi henda væri úti um leiðangurinn og allt okkar erfiði væri til einskis og við auk þess í stórhættu. Við gengum af stað með vindinn í fangið. Okkur var kalt á höndum og frostið beit í andlitið þar sem vindurinn náði í gegn. Ský voru á himni og það munaði miklu um að hafa ekki ylinn frá sólinni. Færrið var ótrúlega stíft og þungt svo mér fannst við ekkert hreyfast áfram. Við vorum enn að læra inn á aðstæður. Við vorum ekki enn búin að skilja veðurguðina í þessari framandi heimsálfu. Um tíma fannst okkur vindurinn vera að aukast svo mikil að réttast væri að tjálfa í snarheitum áður en það yrði um seinan sökum fárviðris. Við minntumst piteraq stormssins á Grænlandi sem er það langversta og hættulegasta veður sem við höfum komist í. Var eitthvað því um líkt í uppsigliingu hér, eða ef til vill eitthvað ennþá verra? Við vorum fullir tortryggni. Við bitum samt á jaxlinn og héldum áfram. Við vissum vel að við kæmumst aldrei á pólinn nema að taka einhverja áhættu. Þó að vindurinn ykist þegar leið á daginn þá voru engar blikur á lofti um raunverulegt óveður. Mér leið

frekar eins og ég væri staddur úti í miðri á sem streymdi stöðugum straumi til sjávar. Vindurinn var svo jafn að varla var hægt að greina nokkrar hviður, ólíkt því sem við þekkjum að heiman. Við fórum að svitna og finna fyrir mikilli mæði og við gerðum okkur grein fyrir því að vindurinn tvöfaldar að erfiðið sem var nóg fyrir. Það var því mikill sigrur að koma í tjaldstað og komast að því að við höfðum gengið rétt tæpa 20 kilómetra. Þessi dagur tók mikinn toll og fundum við það greinilega á því hversu þreyttir við vorum næsta dag.

Dagarnir liðu hver af öðrum og við vorum farnir að venjast erfiðinu. Kalblettir og roði hurfu að mestu úr andlitum okkar og í staðinn fengum við veðurbarinn skráp. Vöðvar og liðamót höfðu að lagast sleðadrættinum og við fundum ekki eins fyrir þreytu á kvöldin. Veðrið var misjafnt, oft gott en alltaf komu þó slæmir dagar inn á milli. Kaldi á móti og -25°C frost fannst okkur hin mesta blíða. Eitt olli okkur þó áhyggjum og það var hversu mjög skaflarnir jukust. Á 14. degi fannst mér mælirinn fullur. Hvassir rifskaflar svo langt sem augað eygði. Ég togaði sleðann upp á hvern skaflinn á fætur öðrum og hann skall ávallt niður á milli með miklum þunga. Oft leitaði sleðinn til hægri eða vinstri og festist síðan í skoru milli skafla. Djöfullegir skaflar, hugsaði ég með sjálfum mér, þeir verstu sem við höfum lent í frá upphafi. Ég varð reiður við alla þessa endalausu skafla og rykkти í sleðann af miklum móð en uppskar að lokum einungis bakverk og

vont skap. Ég gerði mér þó fljótt grein fyrir að samfara keppnisskapinu yrði að fara mikil þolinmæði.

Þrátt fyrir að við hefðum farið rólega af stað og náð að aðlagast vel aðstæðum var ýmislegt sem fór að angra okkur. Ég fór að finna fyrir miklum verkjum í vinstri öxlinni, vandamál sem ég hef þurft að glíma við í nokkur ár, meðal annars á Grænlandsjöklum. Gekk ég hluta leiðarinnar með aðeins einn staf í hendi af þessum völdum. Ólafur var kvalinn af tönn sem klofnaði í byrjun ferðar. Gat hann því ekki tuggið matinn nema öðru megin, en hann var seigur undir tönn, einkum spekkið. Ingþór var illa bruninn á vörum. Þær voru þrefaldar að stærð með stærstu blöðrum sem sést hafa. Allt þetta fannst okkur þó léttvægt og hrósuðum við happi yfir því að ekkert alvarlegt skyldi hrjá okkur.

Pann 28. nóvember (17. dagur) vorum við komnir á 83° suður og 760 kílómetra frá Suðurpólnum. Þegar við litum út um morguninn var skyggni lítið sem ekkert. Við lögðum af stað og fundum fljótt að færíð var betra en áður. Ástæðan var greinilega sú að hitinn hafði hækkað töluvert eða í -16°C frost. Skyín ollu greinilega hærra hitastigi. Okkur líkaði þó illa við þetta veður þar sem sólina vantaði til að ylja okkur en verst af öllu var þó að sjá ekkert fram fyrir sig. Við ráfuðum um eins og blindir menn og vissum vart hvað snéri upp eða niður. Himinn og jörð runnu saman í eitt. Seinna um daginn gengum við inn í slæmt skaflasvæði og duttum við þá hvað eftir annað þegar skíðaoddarnir stungust óvænt inn í lóðréttu skaflaveggina. Við óskuðum þess heitt að sólin léti nú sjá sig aftur en bið varð á því. Það var ekki fyrr en þremur dögum seinna, á fullveldisdaginn, sem sólin yljaði okkur að nýju en þá fór líka að blásá hressilega á móti.

Nú fór þreytan að segja til sín. Við vorum búinir að vera lengi á göngu en samt var svo langt eftir. Við reyndum að hugsa sem minnst um Suðurpólinn sjálfan, til þess var hann allt of langt í burtu. Við reyndum að skipta leiðinni niður í áfanga til að gera markmiðin viðráðanlegri. Nú var aðal tilhlökkuunarefnið að verða hálfnaðir á pólinn.

Þegar við litum út 5. desember (24. dagur) brá okkur í brún. Svona hvass hafði hann aldrei verið áður. Himinninn var heiður en tjaldið okkar átti fullt í fangi með að standast vindinn og skafræminginn sem komu úr suðri. Við veltum því alvarlega fyrir okkur að leggja af stað, en eftir nokkra umhugsun síum við að ekkert vit væri í því að berjast á móti þessu veðri. Það væri beinlínis hættulegt. Innst inni vorum við einnig feginr að fá loksns hvíld eftir erfða göngu í 23 daga samfleytt. Við biðum átekta, tilbúnir að leggja af stað ef úr veðrinu rættist. En vindurinn gaf sig ekki allan daginn og við nutum hvíldarinnar, sáttir við hlutskipti okkar. Við notuðum tímann til að huga að búnaði, gera við og skrifa í dagbækur okkar.

Daginn eftir hafði vindinn lægt og við lögðum af

stað í góðu veðri, sól og hægum vind. Um miðjan daginn gengum við upp brekku og fórum við yfir annað sprungusvæði. Sprungurnar voru gríðarlega stórar en fullar af snjó. Við náðum að sneiða hjá þeim að mestu leyti. Í lok dags sáum við svo Thiel fjöll í fyrsta sinn en þau eru tignarlegur fjallgarður rétt vestan við leið okkar. Þau voru ógreinileg í fjarskanum framundan en vöktu þó með okkur nýjan þrótt því að við vissum að þau mörkuðu miðja leið á pólinn. Í lok dags skriðum við inn í tjaldið og elduðum okkar daglega Mountain House þurrmat með 200 grömmum af smjöri út í. Skyndilega heyrðum við vélarhljóð og litum út. Yfir okkur flaug Twin-Otter flugvél á suðurleið sem virtist ekkert verða okkar vör. Þetta vakti með okkur undarlega tilfinningu þar sem þetta voru fyrstu merki um líf sem við sáum frá því að við lögðum af stað fyrir margt löngu síðan. Þetta hafði svo sannarlega verið viðburðarákjur dagur.

Pann 8. desember (27. dagur) vöknudum við enn upp í miklum vindi. Við töldum okkur trú um að þetta væri nú ekki svo slæmt og ákváðum að leggja af stað. Okkur fannst við ekki geta legið fyrir annan dag þar sem það var svo stutt síðan síðast. Við áttum fullt í fangi með að hemja tjaldið þegar við tókum það niður. Við þurftum að halla okkur mikil upp í vindinn til að geta bifað okkur áfram. Vindstyrkurinn var svo mikill að við gátum ekkert talað saman nema að öskra beint upp í eyrað á hver öðrum. Við fórum strax að efast um að það hefði verið góð hugmynd að leggja af stað en héldum áfram í von um að veðrið myndi skána. Sólin skein en snjókófið var gríðarlegt. Við gerðum hlé á göngunni til að fá okkur hressingu en gátum lítið gert nema stinga upp í okkur smá kexbita og héldum svo áfram. Fljótlega fórum við að finna fyrir dofa í fótleggjum, höndum og andliti sem benti eindregið til þess að við værum að fá alvarlegt kal. Við ákváðum að koma okkur í skjól áður en það væri um seinan. Það gekk vonum framar að koma upp tjaldinu enda vorum við komnir í góða þjálfun við að setja það upp. Við skriðum inn og kveiktum á Magellan GPS tækinu og könnuðum staðsetningu okkar. Í ljós kom að við vorum rétt við 85° S og höfðum gengið rúma sjö kílómetra. Við hefðum ef til vill betur haldið okkur í tjaldinu þennan morgun en þessir kilómetrar voru þó að baki í stað þess að vera framundan og gátum við verið ánægðir með matinn.

Dagurinn eftir var mikill hátíðisdagur þar sem við vorum í lok dags meira en hálfnaðir með vega-lengdina á pólinn. Við höfðum Thiel fjöll fyrir augunum allan daginn og léturn stífan mótvind lítið á okkur fá. Við héldum upp á daginn með því að fá okkur koníak og mikinn harðfisk með smjöri eftir matinn.

Nú tók við nokkur hæðarhækken um leið og við gengum fram hjá Thiel fjöllum og upp á pósléttuna. Við vissum að innan skamms myndi kuldinn

aukast og færð verða stíft eins og sandur, en við höfðum þó meiri áhyggjur af því sem kallað var ofurskaflar. Þetta gekk eftir því þann 16. desember (35. dagur) gengum við inn í nýja tegund af sköflum og vindstefnan breyttist frá því sem við bekktum. Það sem kom okkur á óvart var hins vegar að þó að við værum ekki kommir í nema 2.800 metra hæð þá fundum við verulega fyrir loftþynningu. Skýringin er að súrefnismagnið við pólana er mun minna en við miðbaug í sömu hæð.

Stundum voru skaflarnir svo miklir að erfitt var að finna sléttan flót til að setja niður tjaldið. En þegar tjaldstaðurinn var fundinn fór um okkur sæluhrollur. Við hlökkuðum ávallt til að skriða inn í tjaldið eftir erfiðan og kaldan dag og hvíla líni bein. Við höfðum fasta reglu á öllum verkum. Við skiptumst á að vera „innimaður“. Innimaðurinn kveikti á prímusunum og eldaði matinn en hini gengu frá tjaldinu, sleðunum og settu upp talstöðvarloftnetið þegar á þurfti að halda. Kvöldmaturinn var ávallt mesta tilhlókkunarefnið. Við gátum borðað endalaust. En fyrt fór fram dagleg keppni í því að giska á hversu marga kilómetra við hefðum gengið. Þegar allir höfðu gefið upp tölur sínar var kveikt á Magellan GPS tækinu og staðsetningin tekin. Við vorum oftast ánægdir enda reyndum við að setja markið ekki of hátt. Allt umfram 20 kilómetra á dag var góður árangur að okkar mati. Þegar allir voru kommir inn í tjaldið og búmir að tína af sér hlífðarföt og skó tókum við óspart til matar okkar. Mountain House þurrmaturinn með smjörinu út í var uppistaðan og borduðum við hrökkbrauð með og drukkum vatn. Í eftirrétt fengum við oft harðfisk með smjöri eða annað góðgæti. Við gættum þess að drekka vel til að vinna upp vökvatapið yfir daginn. Eftir matinn skreið hver í sinn svefnpoka og skrifaði í dagbók og fór síðan að sofa. Oft reyndist okkur erfitt að sofa rótt sökum birtunnar. Á suðlægustu breiddargráðum jarðarinna í desember skín sólin jafn skært, jafnt að degi sem nóttu. Við gátum því valið okkur hvaða tíma sem er til þess að ganga. Við völdum chileanskum tíma sem var nálaegt staðartíma okkar, til þess að hafa sólina í bak- ið á göngunni. Ef við hefðum gengið á móti sólinni hefði hætta á snjóblindu og sólbruna aukist til muna. Sólskinið á nóttunni hafði sína kosti og galla. Hitastigið í tjaldinu var mjög breytilegt eftir því hvar sólin skein á það með þeim afleiðingum að það var funheitt mírin megin í tjaldinu þegar ég fór að sofa. Svefnþokkinn minn var gerður fyrir - 55°C frost og var ég því bullsveittur. Á sama tíma var jölkulkalt hjá Ingþóri hinu megin í tjaldinu. Að morgni var orðið kalt hjá mér en aftur á móti funheitt hjá Ingþóri.

Prátt fyrir að við kepptumst við að vinna hratt frá morgni til kvölds þá entist dagurinn ekki til allra verka. Þetta bitnaði mjög á svefninum. Við sváfum allt of stutt miðað við það mikla og stöðuga álag sem við vorum undir. Okkur þyrsti í lengri svefn og



Ingþór þjakaður af kalsárum.

Ljósm.: Haraldur Örn Ólafsson

minni göngu en kappblaupið á pólinn rak okkur áfram. Við vildum ekki fyrir nokkurn mun setja takmark okkar í hættu. Við gerðum okkur grein fyrir því að litið þyrfti til að svipta okkur verðlaununum fyrir streð okkar, Suðurþólnum sjálfum. Þetta varð okkur vel ljóst 20. desember (39. dagur) þegar við uppgötvuðum í lok dags að gat hafði komið á einn af bensínbrúsunum. Prátt fyrir að þeir væru vel varðir þá hafði einn þeirra gefið sig undan höggumum sem sleðinn fékk stöðugt þegar hann steypist niður af sköflunum. Höfðu um tveir lítrar lekið út og skemmt töluvert af matnum. Prátt fyrir þetta höfðum við enn riflegar birgðir af bensíni og mat til þess að komast á pólinn en ekkert mátti nú út af bregða.

Nú kom að jólum og við vorum kommir á 88° suður og áttum um 200 kilómetra eftir. Það var



Félagarnir komnir í nestispokann.

Ljósm.: Haraldur Örn Ólafsson

einkennilegt að vera svo fjarri heimili sínu á þessari mestu hátið ársins. Þorláksmessa var erfiður dagur, einn sá erfiðasti í ferðinni. Allt var á móti okkur, stífur mótvindur, um -26°C frost, stöðugir skaflar, brekka upp í móti og færð eins stíft og sandur. Ég var móður allan daginn og andaði eins og físbægur. Á aðfangadag var veðrið betra, sól, kalt og lítt vindur, rétt eins og veðurguðirnir væru í hátiðarskapi. Þegar klukkan var þrjú og við enn á göngu sló klukkan sex heima á Íslandi og jólín gengu í garð. Við stöldruðum við, óskuðum hver öðrum gleðilegra jóla og hugsuðum heim. Hlutskipti okkar var nokkuð annað en fjölskyldna okkar á þessari stundu. Heima voru fjölskyldur okkar að setjast að veisluborði í hlýjum og hreinum húsum. Fyrir utan gluggana var myrkur og íslenskur vetur. Á sama tíma sátum við mitt í endalausri viðáttu Suðurskautslandsins baðaðir í sólskini og ekkert að sjá nema endalausa sjóbreiðu, hvert sem litið var. Skjól okkar var næfurþunnt tjaldið og jólakræsingarnar samanstóðu af litlum bita af soðnum hamborgarhrygg, marsípansúkkulaði og koníakstári. Þó að flest hafi vantað sem minnt gæti á jólín komumst við samt sem áður í ágætt jólaskap og héldum jól-in hátiðleg. Hápunktur kvöldsins var að fá jóla-kveðjur frá fjölskyldum okkar í gegnum talstöðina.

Nú tóku við káldir og erfiðir dagar. Frostið var oft um -30°C og færð gríðarlega stíft svo það marraði undan skíðum og sleðum. Eftirvænting fór vaxandi innra með okkur. Okkur fannst Suðurþóllinn vera rétt innan seilingar en í raun skildi okkur að vegalengd sem samsvarar lengstu leið yfir Vatnajökul. Við gerðum okkur fulla grein fyrir því að enn gætu óhöpp og veikindi gert út um leiðangurinn. Við einbeittum okkur að því að halda ró okkar og verða ekki kærulausir og setja þannig allt okkar erfiði í

hættu. Við urðum áþreifanlega varir við hættunar 27. desember (46. dagur). Dagurinn hafði verið kaldur og erf-iður, meðal annars vegna blindu. Við vorum því fegnir að kvöldi að geta skriðið inn í tjaldið og hafið eldamennsku. Tveir prímusar voru settir í gang. Án þess að við tækjum eftir því slokkn-aði eldurinn á öðrum prímusinum og bensíngufur streymdu út. Eftir nokkra stund kvíknaði í gufunni frá hinum prímusinum og stóðu eldtungurnar upp í tjaldið. Það voru einungis snör viðbrögð okkar sem komu í veg fyrir að

við sjálfir og tjaldið skyldum ekki brennast illa. Þetta atvik minnti okkur að við mættum aldrei sofna á verðinum ef við ætluðum að komast heilir á húfi á pólinn.

Að morgni gamlársdags áttum við einungis 40 kílómetra eftir á pólinn. Frostið var -29°C og fær-ið stíft að venju. Við gengum upp í móti framan af degi og nokkuð var um skafla. Í fjórðu lotu gekk ég fyrstur og fylgdist þar af leiðandi með stefnumni á áttavitanum. Ég reyndi ávallt að finna eitthvert við-mið framundan til að stefna á. Oft var það eitthvað í skýjunum eða sköflunum sem gat hjálpað okkur að halda rétti stefnu. Ég var feginn að sjá dökkan punkt við sjóndeildarhringinn til að miða við. Ég gekk um stund og lyfti svo áttavitanum til að kanna stefnuna. Þetta var ótrúlegt, punkturinn var beint framundan. Allt í einu rann upp fyrir mér ljós. Þessi punktur var engin tilviljun. Ég stöðvaði gönguna og leit við til félaga minna. Þeir höfðu greinilega séð eitthvað líka. Við rákum allir upp fagnaðaróp: „SUÐURPÓLLINN!!!“. Nú gat ekkert stöðvað okkur, pólinn skyldi verða okkar. Við gengum áfram með gleðibros á vör. Það var eins og færð hefði skánað snögglega og við hefðum skilið við okkur sleðana, svo léttir í spori vorum við. Við gengum nú niður í einskonar dal og pólinn hvarf okkur sýnum. Við tjölduðum um kvöldið einungis 18 kílómetra frá pólum. Við vissum að þetta var síðasta kvöldið okkar í tjaldinu áður en einangrunin yrði rofin. Á morgun yrði allt breytt. Við vissum í raun ekki á hverju við áttum von en það eina sem við vissum var að þessu langa ferðalagi var að ljúka. Það var einkennileg stemmning í tjaldinu, sam-bland af tilhlökkun og söknuði. Við gleymdu þó ekki að fagna þegar árið 1998 gekk í garð.

Þegar við litum út úr tjaldinu á nýársdag heilsaði



Tekist á við rifskaflana

Ljósm.: Haraldur Örn Ólafsson

Gerist varla betra

Garmin GPS 12 CX

- ◆ Litaskjár & „zoom“ takkar
- ◆ 36 tíma rafhlöðuending
- ◆ 12 rása móttakari
- ◆ 1000 vegpunktuminni
- ◆ 16 gerðir af merkjum
- ◆ 2048 ferilpunktar í plötur
- ◆ Tracback breytir ferli í leið
- ◆ Vatnshelt að 1 metra dýpi
- ◆ Tengjanlegt við tölvu & útiloftnet



Garmin GPS 126

- ◆ 12 rása móttakari
- ◆ Grafiskur LCD skjár með 3 stiga baklysingu
- ◆ Ljós í tökkum og „zoom“ takkar
- ◆ 500 vegpunktuminni
- ◆ 16 gerðir af merkjum
- ◆ 1024 ferilpunktar í plötur
- ◆ Tracback breytir ferli í leið
- ◆ Vatnshelt
- ◆ Tengjanlegt við tölvu
- ◆ Og margt fleyrar...




R.SIGMUNDSSON

Fiskislóð 84 • Sími: 520 0000 • Fax: 520 0020
Email: r.sigmundsson@rs.is

Hug & Handverk

LÁTUM LANDÍÐ Í FRÍÐI

Hendum ekki sígarettustubbum
eða flöskubrotum á víðavangi.






Pólnum náð. Frá vinstri: Haraldur, Ólafur og Ingþór.

okkur dimmasta þoka sem við höfðum séð í ferðinni. Suðurþóllinn ætlaði augljóslega að fela sig fyrir okkur. Við gengum af stað í algerri blindu og ekki sást tangur né tetur af pólnum. Eftir um tveggja tíma göngu braust sólin í gegnum skýin og við okkur blasti Amundsen-Scott stöðin á Suðurþólnum. Um leið skartaði himinninn mesta rosabaug, úlfir og gíl sem við höfum á ævinni séð. Það var ekki amallegt að fá slikein móttökur hjá veðurguðunum sem höfðu verið okkur bæði erfiðir og hliðhollir síðustu tvo mánuðina. Þegar við gengum upp að stöðinni tók á móti okkur stór hópur fólks sem fagnaði okkur innilega. Við vorum faðmaðir og ljósmyndaðir á víxl. Þessar góðu móttökur komu okkur skemmtilega á óvart. Þegar móttökunni lauk var okkar fyrsta verk að fara á Suðurþóllinn sjálfan, 90 gráður suður. Það var stór stund að standa á þessum stað sem við höfðum stefnt á svo lengi. Í 51 dag höfðum við gengið sleitulaust með allan okkar búnað og mat án þess að fá nokkra utanaðkomandi aðstoð og hér vorum við komnir. Oft höfðum við verið öragna af þreytu að kvöldi og oft höfðum við skolfið úr kulda klukkustundum saman en allt okkar erfiði var vel þess virði til þess eins að upplifa þessa stund. Við höfðum unnið vel fyrir henni og áttum hana svo sannarlega skilið.

Næstu sólarhringana vorum við önnum kafnir við að kynna okkur þá starfsemi sem starfrækt er á pólnum. Við vorum leiddir um allar vistarverur sjálfrar Amundsen-Scott stöðvarinnar og einnig um allar vísindastöðvarnar sem eru þar í nágrenninu. Við átum og drukkum eins og við gátum og áttum miklar samræður við starfsmenn stöðvarinnar. Dagur og nótt runnu saman í eitt þar sem við færðum okkur nú af chileónskum tíma og yfir í nýsjálenskan tíma sem notaður er á pólnum. Lítill tími gafst til að sofa þar sem svo margt fróðlegt bar fyrir augu.

Pann 3. janúar vorum við loks sóttir á Twin-Otter og flogið með okkur til Patriot Hills búðanna. Þar voru fagnaðarfundir með starfsfólkini sem hafði fylgst vel með okkur allan tímann. Stuttu eftir að við lentum í Patriot Hills versnaði veðrið og öllu flugi þaðan var aflýst. Dögum saman biðum við en aldrei linnti storminum. Við borðuðum vel, lásum og sváfum á víxl. Okkur veitti líklega ekki af hvíldinni. Það var ekki fyrr en 11. janúar sem Hercules flugvélin hlammaði sér lokins niður á ísinn við tjaldbúðirnar og við gátum hafið okkar löngu ferð heim, yfir hálfan hnöttinn heim til Íslands.



Hjalti í Siurana.
Ljósm.:
Sigurður Skarphéðinsson

Siurana

eftir Hjalta Rafn Guðmundsson

Siurana er klettaborg í Pradesfjöllum suður af Barcelona. Fyrr á öldum var þar virki Mára, en nú er þar vígi klettaríddara sem koma í herfarir til Spánar knúnir þeirri óbilandí sannfæringu, að þyngdarlögmálið sé bábilja.

Frábær kalksteinninn þar gerir svæðið mjög fýsilegt til klifurs. Þar er fjöldinn allur af leiðum og enn fleira ógert.

Siurana er heitið á örliatum bæ sem stendur á brún hamraborgarinnar. Upp að bænum liggar vegur sem hlykkjast áttu kílómetra upp hæðina sem bærinn er byggður á. Vegurinn liggar í brattri brekku og á honum eru ófaar vinkilbeygjur. Gera þessar beygjur og allir þessir hlykkir veginn frábæra skemmtun fyrir bílstjóra, en að kvalræði fyrir farþega. Í þessum örliita bæ er ekki mikið um að vera (fyrir utan klifrið að sjálfsögðu). Þar er einn matsölustaður opinn og hinsvegar "Refúdjiið". Þar geta klifrarar þeist gistingar gegn sanngjörnu verði. Athvarfsins gæta tveir "Rastafarar", þau Miriam og Toni. Best kynntumst við Miriam í dvöl okkar í athvarfinu því Toni var einhversstaðar fjarverandi að klifra. Toni Arbones er einn besti klifrari á Spáni og nýjasta afrek hans er ansi áhugaverð fríklifureið á stórum kletti einhvers staðar í Suður-Ameríku. Með honum þar var Frakki sem heitir fjórum eða fimm nöfnum sem eru algerlega óframbarðarhæf og nefnum við hann ekki hér.

Dvölin hjá Miriam var einstaklega þægileg. Andrúmsloftið í athvarfinu er mjög afslappað og æði oft mettað reyk sem ekki fellur undir íslenska löggjöf. Partystemningin þarna var því aðeins öðruvísi en algengast er hér heima. Eina undantekningin voru Tékkar sem bæði áttu gítar og nóg af vodka.

Miriam athvarfsvörður er skemmtileg figúra. Hún er Rastafari og minnir einna helst á álf, með hroðalokka á höfði, skreyttum allskyns skeljum, bjöllum og glingri, kvenleg í vexti og klædd eftir nýjustu tísku og með sterklegustu

kálfa sunnan Pýrenníafjalla, vöxnum hrokknu gylltu hári. Eitt sinn var Miriam næturlangt í veislu í Tarragona (hafnarborg skammt frá Siurana). Hafði þar verið mikið um glaum og gleði, en allt gott tekur endi. Var þá tími til að halda heim. Heimferð Miriam gekk eins og í sögu þar til hún sofnaði undir stýri og bíllinn endastakkst út í skurð. Urðum við síðan vitni að því að álfurinn kemur inn í refúdjiið með stuðarannd undir hendi og ansi mædd. Ekki entist sú mæða lengi því ekki þurfti hún annað en að kveikja sér í einni jónu til þess að allar áhyggjur af því að hún: ætti ekki bíllinn, eigandinn kæmi heim eftir nokkra daga og hún væri ekki með bílpróf, væru roknar út í veður og vind.

Hvernig komist er til Siurana

Ef komið er frá Barcelona er best að taka stefnuna á Tarragona, sem er hafnarborg suður af Barcelona. Þegar til Tarragona er komið, er stefnan sett á Reus sem er önnur borg skammt frá. Alforja er líttill bær sem er næsta kennileiti. Cornedella (de Montsant) er síðasti bærinn sem stefnt er til. Þegar til Cornedella er komið erum við komin upp í Pradesfjöllin og skammt eftir til Siurana. Einungis er keyrt



Siurana.

Ljósm.: Björn Baldursson

í gegnum bæinn, framhjá einu skilti sem á stendur Siurana stiflan og síðan til hægri hjá skiltinu sem stendur á Siurana. Taka þá við áttu kilómetrar af skemmtilega hlykkjóttu veginum og bingó, áfangastað er náð. Refúdjiið stendur síðan áberandi úti á klettasnös til hægri þegar inn í bæinn er komið. Munið að til þess að opna hurðina á athvarfinu þarf að toga í spotta á miðri hurðinni (höfundur og félagar hans greindu ekki spottann þegar þeir komu fyrst í niðamyrkri og þurftu því að hýrast enn eina nöttina í og við bíl sinn).

Gistingin

Bæði er hægt að hýrast á tjaldsvæði rétt hjá athvarfinu og kostar það ekkert en þeir sem vilja eyða dálitlu geta gist í athvarfinu fyrir heilar 300 kr á nöttina. Innifalið í því er eldunaraðstaða, innbyggður búlderveggur (ein hliðin á húsinu er klettur), slöngusturta, vatns-salerni, uppbvotta- og þvottaaðstaða og að sjálfsögðu fleti til að fleygja sér í. Okkur fannst mjög gott að vera í skálanum (að sjálfsögðu vorum við ekki í tjaldi) og eina skiptið sem varð frekar fullt var á Valentínusardag, en þá fylltist allt af rómantískum pörum. Hélt þetta lið vöku fyrir ónefndum félaga mínum og gekk svo langt að undir morgun var farið mannavillt á honum og nærliggjandi snót. Varð honum ekki skemmt.

Matur og annað dót

Mat er best að kaupa í Reus, borg skammt frá Siurana. Einnig er hægt að kaupa helstu nauðsynjar niðri í litla þorpinu. Í þorpið er þó best að fara til þess að fá sér bragðgott kaffi og brauðloku með eggjaköku og tómat. Í Siurana er hægt að kaupa sér tilbúinn mat á tveimur litlum börum (annar þeirra var aldrei opinn meðan á dvöl okkar stóð) og einnig er mat hægt að kaupa í athvarfinu. Best er þó að fara á barinn við refúdjiið og fá sér rúmlega tvöfaldan koníak á sjötíukall.

Klifurgræjur, sem og tennisskó, er hægt að kaupa í Decathlon, stórmarkaði við hraðbrautina milli Reus og Tarragona. Betra verð er þó að finna í örríkinu Andorra, en þangað er einungis um þriggja tíma akstur.

Klifrið

Allir ættu að geta fundið eitthvað við sitt hæfi í Siurana. Þar eru leiðir frá auðveldustu gráðum til 5.14c ofurhausverkja. Mikið er um

byrjendaleiðir og leiðir í milligráðunum. Stillinn á leiðunum er afar fjölbreytilegur, bæði ofursslútandi juggarapumpur til slapandi tæknileiða sem meiða mann í puttunum og allt þar á milli (t.d. ofursslútandi tæknileiðir sem enda í slapi og allar handfestur eru sársaukafullar og litlar nema á slapinu, þar eru engar handfestur).

Hvað á að klifra?

Í Siurana er sko af nægu að taka. Þar sem ég komst ekki yfir að skoða nærrí því allt svæðið, á þeim mánuði sem ég dvaldi þar, má ljóst vera að upptalningin er meira til málamynda. Byrjum á L'olla, þar er á ferð skeifulaga klettaleikvöllur þar sem flestar leiðir eru vel í fangið. Nauðsyn er að hanga á hvolfi í "-Bistec de biceps" (7b+) (=sneið af upphand-leggsvöðva. Pýð.: höf.) en sú leið er alveg stórskemmtileg, og það sama má segja um leiðirnar sitt hvoru megin við hana. Á leiðinni að L'olla má sjá hina frægu leið Alexanders Hübers, La Rambla (8c+) (=göngugatan), en á henni er einmitt tilvalið að byrja daginn ef þú ert venjulega í bláum náttfötum innanundir hversdagsfötunum. Á leiðinni inn í L'olla er "-villta-vesturs"-legur turn sem gaman er að príla upp á. Turninn (El Cargol) er tvær spannir og hefur að geyma þrjár leiðir á bilinu 6c+ - 7b. Hægra megin við turninn er síðan Espero Primavera. Þar eru langar leiðir, 25-35 m, lóðréttar eða ögn í fangið. Mandragora (7b) er þar og er ein fallegasta leiðin á svæðinu. Þeir sem hafa gaman af því að hanga lengi í lærisólunum á beltinu sínu og verða blóðlausir í löppunum geta fengið þriggja spanna leiðir á turninum Can Rebotat. Í Can Tonigros eru leiðirnar frekar léttar miðað við gráðuna og tilvalið er að fara þangað að klifra ef hressa á upp á sálartetrið. Og að lokum svæði fyrir sterku strákana, og kannski líka stelpurnar (varla þó). Campi Qui Pugui (sá sem getur borið þetta fram er snillingur) er massífur veggur þar sem eru margar af erfiðstu leiðunum í Siurana. Inn á milli er þó hægt að finna viðráðanlegar og skemmtilegar leiðir sem krefjast þess ekki af manni að hafa innbyrt ósköpin öll af hrossasterum. Heilmargir klettar eru í viðbót sem gott er að klifra í, en best er bara að mæta á staðinn og prófa.

Sem sagt, í Siurana er gaman.

BRENNIVÍN

erfiðasta ísleiðin?

Ég veit ekki hvað það tók margar tilraunir þessa fjóra daga, en þær voru margar áður en það hafðist að klífa þessa leið. Aldrei áður hafði hann þurft að eyða jafn löngum tíma eða orku í nokkra leið, marinn og skrámaður með brotið nef og bros aftur á hnakka. Hvað heitir svo maðurinn? Jú, Will Gadd, Kanadamaður búsettur í Bandaríkjunum sem kom hingað til lands ásamt „tilvonandi“ unnustu sinni, Kim Cizmagia, og kvíkmyndagengi í þeim tilgangi að finna og klifra erfiðustu, mixuðu ísleið í heiminum. Hafði það tekist? Um það verða aðrir að dæma en leiðin sem um ræðir heitir Brennivín, skírð í höfuðið á hinum banvæna íslenska snafs eins og Will orðaði það.

Leiðin sem er um 50 metrar, og því ein spönn, er innst í Skálagili í Haukadal í Dalasýslu. Fyrstu 15-20 metrarnir eru frístandandi kerti upp undir klettaþak sem er um 6 metrar í heildina en klifrið frá kerinu er um 4 metrar út að brún. Erfiðleikarnir eru þó ekki búnir þegar þakinu sleppir því lykilkilfurleiðin er að hliðra eftir brúninni að bitastæðum ís til að geta klifrað áfram upp á brún. Á þessum seinni kafla er ísinn í heildina örlítið yfirhangandi og þunnur.

Í eina skiptið sem þetta hefur verið klifið þurfti Will að klifra hálfu leiðina upp á brún áður en ísinn varð nægilega þykkur til að hægt væri að koma inn haldbærri tryggingu. Þakið og hliðrunin eru hinsvegar tryggð með fjórum boltum.

G.H.C.



Will Gadd í einni af tilraunum sínum við Brennivín.


Ljósm.: Guðmundur Helgi Cristensen

 FUJIFILM






Jökull í M7 afbrygði í
Múlafjalli
Ljósm.: Hallgrímur
Magnússon

Páll Sveinsson í Svellagjá.
Ljósm.:
Guðmundur Helgi
Christensen




UÓSMYNDAVÖRUR

Rúnar í Abdominal
í Mýrarhyrnu.
Ljósm.:
Örvar Porgeirsson



Klifrað í Hlyn.
Ljósm.: Páll Steinsson



Bærinn Ikernasak.

Ljósm.: Jón Viðar Sigurðsson

ICELAND & GREENLAND

SEA KAYAK & TREKKING EXPEDITIONS
OUTFITTING, RENTAL OR A PINT OF BEER!

...since 1993

ULTIMA THULE EXPEDITIONS

P.O.BOX 5153, 125 REYKJAVIK, ICELAND
Phone: +354 562 3200 Fax: +354 872 1920 email: ute@islandia.is
www.islandia.is/ute

Á Grænlands köldum klaka

eftir Jón Viðar Sigurðsson

Prír Íslendingar mynduðu meirihluta gesta á stærsta diskóteki í Danaveldi, nánar tiltekið "Klubben" í Kangerlussuaq, fimmtudagkvöld eitt um miðjan mars. Auk undirritaðs voru það bræðurnir Guðmundur og Þorsteinn Hannessynir sem mynduðu þennan hóp. Danskur jólabjór á niðursettum verði rann ljúflega niður og það var rúmt um gestina á þessum gríðarstóra skemmtistað sem er minnismerki um tíð amerískrar hersetu í Kangerlussuaq. Úti er brunagaddur og sennilegla leggja ekki fleiri af 200 íbúum staðarins í 2 km ferðalag yfir í Klubben þetta kvöld. Hópurinn er í þungum þönkum þar sem hluti af nauðsynlegum búnaði skilaði sér ekki með í fluginu frá Íslandi. Starfsmenn Flugfélagsins voru svo almennilegir að gleyma að koma honum um borð. Eftir fáeina jólabjóra eru þessi vandræði úr hugum horfin.

Næsta morgun var flogið á áfangastað, Ilulissat við Diskóflóann. Tilgangur ferðarinnar var að ganga á skíðum frá Ilulissat, norður ísilagðan Diskóflóa, yfir fjallgarðinn á Nuussuaq-skaganum og síðan út Uummannaq-fjörðinn til Uummannaq þar sem ferðin átti að enda, 500 km norðan við heimskautsbaug.

Þeir voru heldur aumir leiðangursmenn þar sem þeir stóðu, nýlentir á flugvellinum í Ilulissat og horfðu út yfir autt og opið haf. Fremur erfitt skíðaferð. Kannski mátti prófa að sigla á púlkunum fyrsta spölinn. Að Diskóflói sé ekki lagður þykkum ís á þessum árstíma á ekki að vera fræðilega mögulegt. Ekki bætti úr að hluti farangursins lá enn hreyfingarlaus á Reykjavíkurflugvelli.

Leiðin lá til stöðvarstjóra Grænlandsflugs á staðnum og sá hann aumur á þessum seinheppnu leiðangursmönnum neðan frá Íslandi. Niðurstaðan varð sú að við mundum bíða í Ilulissat í þrjá sólarhringa eftir farangrinum,

sem þá ætti að berast eftir flókið ferðalag. Í beinu framhaldi yrði okkur síðan skutlað með þyrlu til þorpsins Qeqertaq, sem stendur á eyju rétt sunnan við Nuussuaq-skagann.

Tíminn var notaður til æfingaferða umhverfis Ilulissat og til þess að skoða þennan glæsilega bæ. Hundasleðar hvarvetna á ferð og allt iðar af lífi.

Við mætum á tilsettum tíma á flugvöllinn og þar biður okkar 25 manna þyrla, tilbúin að flytja okkur til Qeqertaq. Við sameinumst öllum farangri okkar á ný og 50 km norðan við Ilulissat fljúgum við inn yfir hafísbrúnina og stuttu seinna er lent rétt utan við þorpið Qeqertaq. Við losum farangur okkar úr flígildinu og um það leiti sem það gerir sig líklegt til að hefja sig til flugs á ný, ber að hóp af krökkum. Þegar sést hafði til ferða þyrlunnar var að sjálfsögðu gefið frí í skóla staðarins. Krakkarnir umkringja þessa furðulegu aðkomumenn og spá í sérkennilegar snjóþotur og annað dót sem þeir hafa meðferðis. Á leiðinni í þorpið mætum við kennurunum sem án frekari bolla-legginga benda á hús sitt og gefa aðkomumönnum fyrirmæli um að koma sér þar fyrir og hita sér kaffi. Húsráðendur kæmu síðan heim síðdegis að loknum skóladegi. Það fór vel um okkur þar sem við bjuggum í stofunni hjá kennurunum í þessu litla veiðimannaborpi. Alltaf til nóg af selkjöti og hval.

Áður en við lögðum á Nuussuaq-skagann var haldið í æfingaferð til þorpsins Saqqaq. Þangað eru 30 km og liggur leiðin um Diskóflóann. Skíðaferðið á þessu stóra fiskabúri er gott og útsýnið hreint frábært. Forvitnir er selir rumska af værum blundi í sólinni og gefa aðkomumönnum gaum áður en þeir hverfa niður um op á ísnum.

Í skútu við Saqqaq hittum við gamla kunningja, Frakkana Bruno og Catherine sem dval-

íð höfðu veturinn áður í Reykjavíkurhöfn. Um kvöldið var slegið upp veisu og borðaður ítalskur matur, í franskri skútu fastri í hafis við strendur Grænlands.

Aftur er haldið til Qeqertaq. Fyrir myrkur koma nokkur hundasleðaeyki utan af ísnum með veiði dagsins. Sumir sleðanna eru með allt að 600 kg af grálúðu. Kennarahjónin bjóða upp á meiri sel og hval.

Frá Qeqertaq lá leiðin til óbyggðanna. Haldið var rakleiðis til norðurs. Stutt var að strönd meginlandsins á Nuussuq-skaganum. Þessi stóri skagi skilur að Diskóflóa og Uummannaq-fjörð. Á honum er mikið fjalllendi og eru hæstu fjöllin yfir 2000 m há. Leið okkar lá um dali og fjallaskörð. Skíðafæri var gott og veðrið lengst af frábært. Hæst var farið í 750 m hæð og drógu púlkurnar verulega úr krafti leiðangursmanna í bröttustu brekkum en hver og einn dró um 45 kg. Á síðustu dagleiðinni niður til sjávar á norðanverðum skaganum var dimm hrímboka en staðsetningartæki og áttaviti skiluðu hópnum niður á réttum stað.

Eftir að hafa lagt skagann að baki hljóp eitt-hvert keppnisskap í liðið sem endaði með því að ákveðið var að reyna að skíða norður yfir fjörðinn til þorpsins Ikerasak, innsta bæjar í

Uummannaq-firðinum. Landslag var vægast sagt tröllslegt þarna innst í firðinum. Mörg hundruð metra lóðréttir klettaveggir gnæfðu yfir. Fjörðurinn var fullur af ógnarstórum borgarísjökum sem voru strandaðir í lagnaðarísum og biðu frelsisins sem þeim gæfist með hlýindum næsta sumars. Skíðafæri var ekki spennandi, tær ís og hvergi snjókorn að sjá. Viða hafði ísinn brotnað illilega upp, frosið aftur og myndað yfirborð sem var martröð skíðagöngumannsins. Það var eins og að tröll á leið í Endurvinnsluna hefði misst fullan poka af þykkum glerfloßkum. Okkur leið eins og maurum í þessu óraunverulega umhverfi. Þegar tók að rökkva var ekki laust við að sumir okkar litu af og til upp, bara til að kanna hvort tröllið væri á ferð. Menn þóttust vita af hvítabirni á bak við hvern ísjaka en enginn létt þó sjá sig. Myrkur skall á og það fór að snjóa um leið. Engu að síður tókst okkur að komast til Ikerasak um kvöldið í öruggt skjól fyrir tröllum og hvítabjörnum. Við börðum fyrst að dyrum hjá gömlum kunningja, Jørgen Dahl, og báðum um vatn að drekka enda uppgefnir eftir að hafa lagt að baki tæpa 40 km í erfiðu fær. Ekkert fengum við vatnið þar sem Jørgen lá mikið á að fræða okkur um murtuna í Þingvallavatni. Milli draums og vöku hlustuðum við

The advertisement features several images related to construction. At the top left is a photograph of a large industrial or residential building under construction with extensive scaffolding. Below it are two smaller images: a 2D floor plan showing a complex structure with yellow and red highlights, and a 3D perspective view of a building's foundation or early structure. To the right is the company logo 'OG bygg' in a bold, sans-serif font, with a red house-like icon above the 'O'. Below the logo is the company name 'ÓLAFUR OG GUNNAR EHF. BYGGINGAFÉLAG' and a phone number '892 1003 • 893 0086'. A black-outlined box contains the slogan 'Traust fyrirtæki sem býður alhliða verktakastarfsemi.' At the bottom right is a photograph of a construction worker wearing a yellow hard hat, carrying a large stack of concrete slabs on their shoulder.

á þennan fróðleik sem var matreiddur á samþlandi af dönsku, íslensku, þýsku, ensku og grænlensku eins og Jørgen er einum lagið.

Við héldum til í Ikreasak í nokkra daga og söfnuðum kröftum. Við bjuggum í sumarhúsi Jørgens sem er torfhús rétt utan við þorpið. Þetta var mikil upplifun en á nokkrum stöðum í Uummannaq-firði búa menn enn í slíkum húsum. Það er erfitt að ímynda sér að það séu til fallegri staðir á jörðinni en Ikreasak að vetrarlagi. Þorpið stendur á eyju undir snarbröttu, tignarlegu fjalli. Ísiltag hafið umhverfis er fullt af stórum og fallegum borgarísjökum.

Við höldum út á ísinn til selveiða með Jørgen og hann fræðir okkur um allt sem máli skiptir og annað líka. Eins og hjá Grænlendingum snýst allt um veiðar en við fáum einnig mikinn fróðleik um ferðir geimskipa yfir Ikreasak, matreiðslu á sleðahundum og fleira gagnlegt.

Frá Ikreasak gengum við til Uummannaq í glæsilegu færi og veðri. Lausamjöll yfir spegilsléttum ísnum, heiðskirt og logn. Það tók því ekki nema rúma sjö tíma að leggja þessa 40 km að baki.

Við dveljum í nokkra daga í menningunni í Uummannaq og förum í leiðangra út á ísinn. Loks birtist þyrla, reiðubúin að flytja okkur



Þorsteinn veiðir í soðið.

Ljósm.: Jón Viðar Sigurðsson


suður á bóginn. Við kveðjum með söknuði, 230 km skíðaferð að baki. Ógleymanlegur tímí meðal veiðimanna og trölla á köldum klaka Grænlands.



Gengið í Ummannaq fyrði, Ummannaqfjall ber við himinn.

Ljósm.: Jón Viðar Sigurðsson

Leiðarvísir nr. 25





Haukadalur

Hallgrímur Magnússon

Inngangur

Haukadalur var óskráð blað í sögu íslenskrar fjallamennsku allt fram til veturnsins '97 þegar Jórunn Harðardóttir vann við jarðfræðirannsóknir á Haukadalsvatni. Aðstoðarmaður hennar við boranir hafði auga fyrir einhverju meiru en kjörnum og fæðingarstað Eiríks Rauða. Hann skoðaði dalinn og sá að þarna voru verðug ísklifurverkefni framtíðarinnar.

Eftir því sem ritnefnd kemst næst var fyrst byrjað að klifra í dalnum veturninn 1998. Í dalnum eru leiðir við allra hæfi allt frá 3. gráðu og upp úr. Gilin sem mest hefur verið klifrað í eru Svellagjá, Skálagil, Stekkjagil og Bæjargil. Í þessum leiðarvísí verður leiðum lýst gróflega og aðkomu að þeim. Þar sem svæðið er "nýtt" og mikil af ófornum leiðum verður þessi leiðarvísir ekki í endanlegrí útgáfu og stefnir ritnefnd að því að gefa út viðameiri leiðarvísí að 2 til 3 árum liðnum.

Staðhættir

Haukadalur liggur frá austri til vesturs milli Miðdala og Laxárdals. Dalurinn er allbreiður og víðast vel gróinn. Neðst í honum er Haukadalsvatn um 4 km langt.

Eftir dalnum rennur Haukadsá og neðan vatnsins ku vera stunduð laxveiði. Fyr á öldum voru miklir skógar í dalnum. Það eina sem eftir er af þeim er lítil skógarartorfa innarlega í hlíðinni norðan Haukadalsvatns. Innst og austast úr Haukadal gengur Haukadalsskarð til Hrútafjarðar. Þar var áður kunn leið milli Norðurlands og Dala. Leiðin var aflögð að mestu eftir að bílar komu til sögunnar. Í sunnanverðum dalnum er bærinn Hamrar. Upp af honum er brött gilskorin hlíð og háir klettar sem komið verður að síðar í leiðarvísinum. Þessi hlíð er svo brött að ekki mun sjást til sólar frá bænum 25 vikur á vetrí.

Aðkoma

Akstursleiðir frá Reykjavík eru um Borgarfjörð og yfir Bröttubrekku eða Heydal á Snæfellsnesi. Leiðin yfir Bröttubrekku er um 150 km og Heydalur um 180 km. Einn km inn af Haukadalsvatni er bærinn Stóra Vatnshorn þar sem boðið er upp á bændagistingu. Aðstaðan er til fyrirmyndar og þar er boðið upp á gistingu í gamla bænum sem hýssir 9 manns í rúm og annað eins á dýnum. Inni í bænum eru 3-4


herbergi til leigu og nýlega voru kláraðir tveir litlir fjögurra manna sumarbústaðir.

Notkun á leiðarvísinum

Í þessum leiðarvísí er notast við tvær útgáfur gráðukerfis. Annarsvegar skoska gráðukerfið frá 2 til 6 og hinsvegar bandarísk gráðun yfir leiðir blandaðar is og klettum. Gráðun þeirra er frá M5 til M9. Allar leiðirnar eru gráðar til stuðnings við val á leiðum. Þess ber að geta að ísleiðir eru breytilegar milli ára og ísmyndun getur verið mjög misjöfn. Leiðir sem hafa fengið M gráðun geta verið hreinar ísleiðir síðla vetrar og ísleiðir geta verið klettaleiðir í byrjun klifurtímabilsins. Þess vegna ber að taka gráðunina með hæfilegum fyrirvara.

EKKI er vitað mikið um lengd klifurtímabils í Dalasýslu. Síðustu ár hafa þó sýnt okkur að ísaðstæður byrja snemma á hausti og haldast nokkuð stöðugar fram á vor þrátt fyrir rysjótt veðurfar.

Leiðunum er skipt upp eftir giljunum sunnan í dalnum. Hvert gil hefur bókstaf sem merktur er á yfirlitskort, hér að framan, og númeraskráning leiðanna fylgir hverju svæði eða gili.



Skálagil. Leiðir A1-A9

A Skálagil

Skálagil er um 8 km innan við Haukadalsvatn. Besta leiðin að gilinu er að aka sem leið liggar 1 km inn fyrir gilið og að brú móts við eyðibýlið Smyrlahól, þar er ekið yfir brúna og eftir slóða til baka hinum megin árinnar inn að gilkjaftinum.

Þaðan er gengið inn í gilið og upp hlíðina hægra megin. Best er að hækka sig sem fyrst upp að klettunum og fylgja þeim síðan inn gilið. Leiðirnar taka svo við hver af annari. Númeraröð leiðanna er A1 til A19. Ef menn vilja klifa leiðir vinstra megin í gjljúfrinu er ráðlegast að ganga undir hömrúnunum inn í botn og yfir gilið þar.

Göngutími er um 30 mín.

Niðurleiðir:

Best er að síga niður leiðirnar

eða nota sigstans sem er lýst í lið E-8. Mögulegt er að komast niður beggja vegna við gilið en það telst varasamt.

A1 240 mínutur

Gráða: M6+ - M7 60m

Leiðin er upp kletta 25m undir þak þar sem áberandi þunnum kerti hangir fram yfir. Klifrað er upp þakið bak við kertið og þaðan út í lóðréttan ísvegg, við af honum tekur isflái upp á brún.

Leiðin er tortryggð í þakinu.

FF: Kim Ciszmazia og Will Gadd, 25 mars '98

A2 Tippilað á tánum

Gráða: M6 (60m)

Pessi leið er hægra megin í gilinu þegar gengið er inn og er næsta leið vinstra megin við leiðina 240mín. Leiðin er upp 40m svo til íslausan fláa ("slab") en við tekur brattur ís upp á brún.

Skálagil. Leiðir A7-A14

Ljósm.: H.M.

FF: Páll Sveinsson og Hallgrímur Magnússon, 20. feb. '99

A3 Skrifjárníð

Gráða: 4+ 60m.

Leiðin er á hægri hönd þegar gengið er inn gilið. Leiðin er næsta augljósa ísleið innan við áberandi fríhangandi kerti (240min). Leiðin byrjar á auðveldu brölti með einu mjög stuttu lóðréttu hafti. Síðan tekur við um 15-20m hátt lóðréttu íshaft og við af því tekur létt klifur á toppinn.

FF: Þorvaldur V. Þórsson, Karl Ingólfsson, 20. feb. '99

A4 Ónefnd

Gráða: 4 til 5 60m.

Leiðin er næsta augljósa lína við Skrifjárníð. Klifrað er í þunnum ís undir kerti og þar er hlíðrað til vinstri út á 6-8m lóðréttan ísvegg, við af honum tekur isflái upp á brún.

FF: Guðmundur Helgi Christensen og Jim Surett.

A5 Artic storm

Gráða: 5 til 5+. 50m

Næsta augljósa ísleiðin innan við Ónefndu leiðina.

FF: Jay Smith og Kitty Calhoun, 13. feb. '98

A6 Brasilian Gully

Gráða: 5 til 5+ 60m

Pessi leið liggar upp mjög áberandi skoru með mjög þunnum ís. Strompklifrað á köflum í byrjun leiðar.

FF: Kim Ciszmazia og Will Gadd, 28. mars '98

A7 Aumur fingur.

Gráða: 3+ til 4 60m


Ísleið. Leiðin liggar hægra megin við áberandi klettanef innarlega í gilinu.

FF Guðmundur Helgi Christensen, 25. mars '98

A8 Sigleið niður

Gráða: Varasöm

Tveir sigboltar framan á steini fremst á mjög áberandi klettanef innarlega á hægri hönd. Það þarf að klifra niður á nefið um 2 metra til að koma línumni fyrir.




Ljósm.: H.M.

A9 Fyrsta barn ársins

Gráða: 4 til 4+, 60m

Leiðin liggur í brattri, mjórrí skorú fyrstu 30 metrana og breiðir síðan úr sér í bratt íspil.

FF: Guðmundur Helgi Christensen, Jórunn Harðardóttir og Þorvaldur V. Þórsson, 2. jan. '99



A10 Leið lata mannsins.

Gráða: 6 60m

Mjög þunnur ís eða klettar fyrstu 30-35 metra leiðarinnar upp undir fríhangandi ískerti. Klifrað er út á kertið og upp lóðréttan ís upp á brún.

Efri hluti leiðarinnar hangir yfir sig um 3-4m.

FF: Will Gadd, Kim Ciszmaia og Guðmundur Helgi, 25. mars '98

A11 10 þumlar og 4 handarbök (All thumbs).

Gráða 4 60m, Ís

Ef leiðin er í þumannum aðstæðum er sprunga hægra megin þar sem hægt er að tryggja með nettum klettatryggingum.

FF: Guðmundur Helgi Christensen og Kim Ciszmaia, 26. mars '98

A12 Vatnsveitan

Gráða 4, 60m

Stöllótt leið. Klifrað er lengst til hægri í miklu íspili innst í gilinu

FF: Þorvaldur V. Þórsson, Jórunn Harðardóttir og Guðmundur Helgi Christensen, 2. jan. '99

A13 Frusetta

Gráða: M5+ - M6. 60m

Klifrað er upp augljósa sprungu lengst til hægri í hvelfingu innst í gljúfrinu. Klifrað er 15m upp sprunguna og þaðan er hliðrað undir yfirhangandi ís út á íspilið.

FF: Kim Ciszmaia og Will Gadd, 24. mars '98

A14 Brennivín (Black death)

Gráða: M9 eða erfíðari . 60m

Leiðin er innst í gilinu hægra megin við fossinn og vinstramegin við Íspilið. Leiðin byrjar í 20m kerti undir miðju þakinu, þaðan

Skálagil. Leiðir A13-A19

Ljós.: Einar Sigurðsson

er farið út þakið um 4m út að brún. Eftir brúninni er hliðrað 4m til vinstri upp í mjög þunnan yfirhangandi ís. Sjá nánari lýsingu í greininni Brennivín á bls ____.

Í leiðinni eru 3 boltar, þar af einn rétt ofan við brúnina.

FF: Will Gadd, 28. mars '98

A15 Trommarinn

Gráða: 4 (60m)

Leiðin liggur upp aðalfoss Skálags sem blasir við innst þegar gengið er inn gilið. Byrjað er hægra megin í fossinum. Klifrað er upp á stall þar sem fossinn og hamraveggurinn mætast. Þaðan er klifrað ca. 10 m upp hægra megin í fossinum en síðan farið inn að miðju. Miðjulínunni fylgt að mestu upp á topp.

FF: Guðjón Snær Steindórsson og Haraldur Örn Ólafsson, 20 feb. '99

A16 Sharpening your teeth.

Gráða: 5 til 5+ 60m

Áberandi strompur á höfuðvegnum vinstra megin í gilinu. Tryggt er með klettatryggingum.

FF: Guðmundur Helgi Christensen og Kim Ciszmaia 26. mars.

A17 Traktor

Gráða: 5 50m

Skemmtileg ísleið með léttu mixuðu ívafi.

FF Guðmundur Helgi og Jórunn Harðardóttir, feb.'99

A18 Í fótspor fræðimanns

Gráða: 4 50m

Fjölbreytt ísleið. Klifrað er upp

fyrstu 40-45 metrana upp stalla að klettahäfti. Þar er hægt að klára leiðina beint af augum eða hliðra örklitið og sameinast leiðinni Traktor.

FF Hallgrímur Magnússon og Páll Sveinsson, feb.'99

A19 Brúsinn

Gráða 3 120m

Leiðin er stöllótt tveggja spenna leið á vinstri hönd þegar gengið er inn gilið. Leiðin er mest áberandi línan áður en gilið verður alveg lóðrétt.


FF Valgeir Ægir Ingólfsson, Óttar Kjartansson og Ólafur, 20. feb. '99.

B Stekkjagil

Sjá aðkomu að Bæjargili.

Gilið er vel á vinstri hönd þegar horft er upp í hliðina frá bænum Hörmrum. Þegar komið er að gilinu er möguleiki að komast inn í það með því að ganga upp með hliðinni hvoru megin sem er upp á áberandi syllur í um 40m hæð og liggja inn í gilið. Ef gengið er inn eftir botni gilsins kemur maður að opnum fossi sem kemur í veg fyrir frekari uppgöngu. Hægt er að fara fram hjá fossinum með því að klifra upp vinstri vegg gljúfursins í einni til tveimur spönum (Þjóðvegur 66) upp á hallandi syllu og ganga eftir henni inn í efri hluta gljúfursins. Þegar þangað er komið taka við mjög brattar ísleiðir á vinstri hönd,

Göngutími inn að fossi er um 20-30 mín
Niðurleiðir:
Gengið er inn gilið inn fyrir



Stekkjagil. Leiðir B1-B3

Ljósm.: H.M.

klettana á vinstri hönd þar er 3. gráðu klifur upp á brúnina. (sjá mynd)

B1 Aðrein

Gráða 5, 60m

Lóðrétt leið næst fossinum og upp á stallinn. Fyrri spönn er 25 til 30m af 3 gráðu og við tekur lóðréttur ís. Leiðin er varhugaverð þar sem ísinn þynnist þegar ofar dregur og erfitt um tryggingar ofan við leiðina.


FF: Guðmundur Helgi Christensen, Þorvaldur V. Þórsson, Jórunn Harðardóttir 3. jan. '99.

B2 Þjóðvegur 66 (route 66)

Gráða: 5, 75m

Leiðin er mest áberandi lóðréttu súlan á vinstri hönd ofan við fossinn.

FF: Guðmundur Helgi Christensen, Þorvaldur V. Þórsson 3. jan. '99.



Bæjargil. Leiðir D1-D4

Ljósm.: H.M.

Steingrímsson og Ingólfur Ólafsson. 13 feb. '98.

D Bæjargil

Bæjargil er ofan við bæinn Hamra í sunnanverðum dalnum. Úr gilinu fellur lækur sem rennur vestan við bæinn. Til að komast að Bæjargili er ekið inn afleggjarnann að Hömrum um 2 km inn af Haukadalsvatni. Best er að leggja bílnum rétt utan girðingar og ganga upp með læknum. Þegar komið er að gilskorningi er farið upp eftir læknum austanverðum.

Göngutími: 10-15min.

Niðurleið: Hægt er að ganga ofan við leiðirnar til vesturs að Snasagili og niður með því. Besta leiðin er að síga niður leiðirnar sjálfar.

D1 Kitty Kitty bang bang.

Gráða 4 tvær til þrjár spönnir.

Áberandi og falleg leið hægra megin í Bæjargili. Leiðin var klifruð í tveim spönnum og nær alla leið upp á brún.

FF; Sigursteinn Baldursson og Guðmundur Eyjólfsson 12 feb. '98.

D2 Þar sem grasið grær.

Gráða 3+ 12m

Frístandandi kerti uppi á brúninni ofan við Bæjarfoss. Kertið er í sama læk og fossinn sjálfur.

FF: Helgi Borg, Styrmir Steingrímsson og Ingólfur Ólafsson. 13 feb. '98.

D3 Bæjarfosstraversan.

Gráða 5 50m

Leiðin byrjar í 10m hárrí súlu vinstra megin við Bæjarfoss. Klifrað er upp með súlunni undir hvelfinguna sem fossinn fellur fram af, síðan er hliðrað milli ískerta sem renna undan þakinu. Leiðin endar innst í hvelfingunni. Hægra megin við Bæjarfoss.

FF: Guðmundur Helgi Christensen og Jeff Lowe. 13. feb. '98.

D4 Helgi's Thumb, Bæjarfossinn allur

Gráða M8+ 60 metrar sé leiðin klifin í einni spönn (B3+B4).

Leiðin byrjar þar sem Bæjarfosstraversan endar og klifrað er undir þakið út á kerti Bæjarfoss.

Tveimur boltum hefur verið komið fyrir í þakinu.

FF: Will Gadd 17. mars '98

E Svellagjá

Gjáin er beint ofan við bæinn Hamra í sunnanverðum dalnum. Gengið er sömu leið frá bílastæði og lýst er í aðkomu að Bæjargili. Þegar komið er að gilskorningi er farið yfir lækinn og gengið upp með honum vestanverðum.

Göngutími: 10-15mín.

Niðurleið: Ofan við leiðirnar er brött hlið. Til að komast í flóttaleið þarf að klifra eina spönn af 3. gráðu upp á stall þar sem hægt er að ganga til vesturs að Snasagli og niður með því.

Besta leiðin er að síga niður leiðirnar sjálfar.

E1 Skálfandinn -ís

Gráða: 4 35m

Þetta er leiðin sem er lengst til hægri þegar maður lítur upp í Svellagjá. Fyrri helmingur leiðarinnar er 3. gráðu brölt og leiðin endar í fallegu lóðréttu frístandandi kerti sem hægt er að ganga á bakvið.

FF; Jón Heiðar Andrésson, Einar Sigurðsson og Hilmar Ingimarsson.

E2 Litli fingur

Gráða: 4+ til 5 40m


Lóðrétt kerti hægra megin við miðju í gjánni en vinstra megin við Skjálfandann. Möguleiki er á að hvíla sig á syltu þegar lokið er við þrjá fjórðu af leiðinni. Ef syllunni er sleppt verður gráðunin hærri.

FF; Páll Steinsson og Þorvaldur Þórsson. 12 feb. '98

E3 Look ma, no hands - ís og klettar

Gráða M6 40m

Mixuð leið í miðri gjánni að eins vinstra megin. Leiðin byrjar á íslausu 5m yfirhangandi hafti þar sem "dry toolað" er upp í ís. Síðan er klifrað bak við mörg frí-



Svellagjá. Leiðir E1-E5

Ljós.: H.M.

hangandi kerti sem mynda eins konar þil, hliðrað er til hægri nokkra metra og farið upp fyrir annað þak sem endar í 20 m lóðréttum ís.

Ofan við leiðina er ein spönn af 3. gráðu.

FF; Jeff Lowe og Guðmundur Helgi Christensen. 12. feb. '98

E4 Gold rush -ís

Gráða 4. 40m

Leiðin lengst til vinstri í Svellagjá. Stölluð leið með lóðréttum höftum á milli.

FF; Guy Lacelle, Helgi Borg Jóhannesson, Styrmir Steingrímsson og Ingólfur Ólafsson. 12. feb. '98.

E5 French direct


Gráða M6 tvær spannir.

Leiðin liggur beint upp klettahaft með ís milli leiðanna A-2 og A-3.

FF: Christophe Molin og Ívar Finnborgason. 26. febrúar '98.

F Hlíðin norðan við Hamra

Móts við bæinn Hamra er tvískipt klettabelti spölkorn frá veginum. Þarna eru nokkrar áberandi ísleidi-



Hlíðin norðan Hamra. Leiðir F1-F3


Ljós.: H.M.

Kerlingareldur

Leiðin er í fjallinu Kerlingu, 1114 m, sem skilur að Svarfaðardal og Skíðadal á Tröllaskaga. Hún er framan á berggangi sem gengur fram í dalhvílt eða skál sem er á milli fjallsins Stóls og Kerlingarinnar og sést greinilega alla leið frá Dalvík og þegar keyrt er fram Svarfaðardal vestan megin.

Lagt er upp frá bænum Melum í Svarfaðardal og gott er að spjalla við bónðann þar áður en lagt er í hann. Þaðan er gengið beint upp fjallið upp í fyrrnefnda skál, um 1 klst og svo inn hana þar til kemur að brattri snjóbrekku sem liggur alla leið að bergganginum. Gott er að hafa ísexi ef snjórinn er harður því að þetta er löng brekka og kannski ekki úr vegi að hafa brodda. Labbið í heild sinni upp að ganginum er um 2 klst ef rösklega er gengið. Þá tekur skemmtilegi hlutinn við, fyrsta spönn 5.6 liggur beint framan á ganginum 50 m í boltaðan stans, önnur spönn 5.5 hliðrar út til hægri og fylgir skáhallandi brattri syllu sem er eiginlega utanálleggjandi á sjálfum bergganginum, þetta er gert til að sleppa við höfuðvegginn sem er lóðréttur og sprungulaus en býður upp á gríðarlega möguleika á erfiðu sportklifri í mjög góðu bergi.

Önnur spönn endar ofan á þessari syllu þar sem er að finna einn bolta. Þaðan tekur við 5 m haft ca 5.8 sem leiðir mann svo aftur inn á sjálfan bergganginn og svo beint upp í 4. stans. Seinasta spönnin er líklega sú strembnasta, eða um 5.8 allbrött, en á góðum tökum



Stebbi meitlar bergið.

Ljósm.: Jökull Bergmann

í sama frábæra berginu og liggur langleiðina upp á toppinn á bergganginum. Þegar upp er komið er hann einungis um einn metri á breiddina og skagar um 40 m fram í skálina svo það er ekki laust við að maður fái smá fiðring í magann þegar maður lítur í kring um sig. Þrjú sigakkeri eru í leiðinni, það fyrsta rétt um 15 m undir toppnum svo það er ekki nauðsynlegt að klifra með skó og allan útbúnað. Peir sem vilja stíga fæti á tind Kerlingar, geta klöngrast inn eftir bergganginum og hliðrað síðan út á hrygg sem liggur beint upp á topp, u.b.b. 50 m hærra en sjálfur berggangurinn. Pessi leið er án efa ein sú fallegasta og skemmtilegasta sem ég hef klifrað, þar blandast saman ánægjan af klifri í frábæru bergi upp augljósa náttúrulega línu á fallegan tind og ekki skemmir útsýnið út Eyjafjörðinn, alla leið til Grímseyjar. En barna eru eins og áður sagði möguleikar á mörgum fleirum, mjög fallegum leiðum og spennandi væri að eiga við Kerlingareldinn í fullum vetraraðstæðum.

J.B.



Kerling.

Ljósm.: Jökull Bergmann

Nafn leiðar: Kerlingareldur

Gráða: 5.5 - 5.8

Lengd: ca 200 m klifrað í 5 mislöngum spönnum

Útbúnaður: Tvær 50 m línur auk venjulegs klettarakks

Fyrst farin: Jökull Bergmann Drangann, Stefán Steinar Smáason, í ágúst 1997

Alpatvistið

eftir Karl Ingólfsson

Við vorum fjórir Íslendingar sem dottuð um undir frönskum hátiðarræðum og myndasýningum á þessari alþjóðlegu fjallamannasamkomu. Undirritaður, Guðmundur Tómasson (Dúllari), Jón Haukur Steingrímsson og Tómas Júlíusson.

Þrátt fyrir málæði og vafasamar mötuneytiskássur var allur ytri umbúnaður til fyri myndar. Allar upplýsingar voru tiltækjar, þáttakendur skráðu sig á þær leiðir sem þeim hugnaðist og frakkarnir lofuðu að hafa a.m.k áhyggjur af okkur ef við birtumst ekki aftur á réttum degi. Ísbröltið hófst á þriðja degi með ísfossaklifri við Agentiere jökulinn. Þar eru margar leiðir sem minna nokkuð á Bakrangann í Köldukinn. Ísbröltið var að því leyti frábrugðið því sem við áttum að venjast að leiðirnar voru á móti suðri og gráðurnar 5+ og 6 þekktum við að heiman sem „feitar fimmtugráður“. Sennilega hafa Frakkarnir aldrei heyrt minnst á Palla Sveins... og íslensku fimmtugráðuna.

Eftir nokkrar skíðaferðir var svo heldið til fjalla.

Jakki er ekki frakki nema síður sé

Jónki og Guðmundur Dúllari lögðu það á sig að norpa (bið-vaka), -svefnþokalausir, næturstund undir norðurvegg Grand Charmos. Sagðan segir að Dúllarinn hafi barið sér til hita alla nóttina en Jónki, sem er smávaxinn (án þess þó að vera raunverulegur dvergur), hafi hrotið af list, kyrfilega innvafinn í gamla XL dúnúlpú (lesist skósiður sloppur) af Bo (- Birni Ólafssyni).

Síðla nætur skældust þeir félagar upp að vegnum og þreifuðu fyrir sér með öxunum en án mikils árangurs.

Leiðin var nær alveg íslausr. Þeir brutust þó áleiðis upp vegginn í nær ótryggðri örvaæntingu. Þegar skímaði varð ljóst að neðstu þrjár spannirnar voru alveg íslausrar.

„Pá var klifrið orðið það desperate“, að Jónki var steinhættur að bólva. -Þá þótti mér tímabært að snúa við“. – sagði Dúllarinn, alvarlegur á svip, nú nokkrum ölkollum seinna.

Axarsköft á Les Courtes

Stóð upp á efsta palli Grand Montet kláf-stöðvarinnar og fylgdist með ofurlofthraeddum miðaldra dönskum hjónum sem ríghéldu sér hvort í annað og dásömuðu fjallasýnina. Þau snéru sér að mér og spurðu hvaða fjall væri MtBlanc? - „Netop fjellet som ligner mest til Himmelbjerget!“ sagði ég að bragði á spari skóla-dönskunni. Brölti síðan niður stigana til Tomma sem var sótbölvandi að spenna 130 cm skíðastubba á mjúka nýtísku leðurskó.



Skrykkildið glottir hæðnislega eftir að hafa unnið Dúllarann og Litla Dreka í bumbukeppni.
Ljósm.: Tómas Júlíusson

Í brekkunni niður á Argentier jökulinn rann það upp fyrir okkur af hverju Frakkarnir kölluðu þessa tunnustafi „ski d'áproach“. Þetta voru greinilega ekki „downhill ski“ -skíði til að renna sér niður...-ís. Ég sem taldi mig nokkuð góðan stubbaskíðara eftir hetjulegt ferðalagið niður Elbrus um árið, (það var nú reyndar fyrir fall Berlínarmúrsins). En svo rifjaðist það upp fyrir mér, að þegar ég var að skaðlast niður á söðul Elbrus“ og rýndi í bláan ísinn til að sjá broddaför frá uppferðinni, að ég hafði í raun ekkert þorað þessu. Ég varð bara að ná mér niðri á Jóni Viðari félaga mínum sem hafði nöldrað samfellt í 6 mánuði um fásinnu þá að þvælast með skíði alla leið niður til Kákasus. Það var jú bara til að „minnka“ ágreininginn við Jón að ég tók svona stutt skíði í þá ferð.

Undir brekkunni beið Tómas, frekar þungur á brún. Svo ljómaði hann allt í einu eins og gamall glóðarhaus og sagði „- Ég sem hélt að þú værir svo liðtækur stubbaskíðari?“

Þessu heimspekilega innleggi fylgdi óvenju skakkt glott. Önnur framtönn í efri góum var þverbrotin. Tómas hafði verið að bisa við að ná sundur skinnunum undir leiguskíðin en gengið illa. Trúr sínu lífsmottói, -“að þegar hendurnar duga ekki til, tekur hausinn við“, hafði hann bitið í skinnið og togað á móti með þeim árangri einum að tönnin sat eftir í líminu og er þar sjálfsagt enn.

Með sameiginlegu átaki skildum við skinnin sundur og skíðuðum uppeftir Argentiere jöklignum í skálann í suðurhlíðinni. Eftir stuttan nætursvefn í Argentiere skálanum gengum við norðuryfir jökulinn og kjöguðum upp að bergskrúndinu undir norðurvegg LesCourtes og rýndum upp náttmyrka hlíðina. Einhvern veginn leit þetta allt öðruvísi út hér í návígínu en frá skálanum. Við stældum eitthvað um leiðarvalið og að endingu varð ég að viðurkenna að Tómas virtist hafa réttara fyrir sér um legu svissnesku leiðarinnar.

Tómas skældist yfir bergskrúndið og ég fylgdi á eftir, sextiu metrum á eftir, því við klifum á hlaupandi tryggingum. Þetta var auðvelt 75° ísklifur og stöðugt skímaði í austrinu. Ég var svo stálheppinn að Tómas kláraði allar tryggingar skammt fyrir neðan cruxið og ég fékk að leiða þessa hundrað metra sem voru þokkalega krefjandi.....

Ég notaði síðasta glingrið til að setja inn megintryggingu, Tómas tók við að leiða og ég

fylgdi á eftir. Allt var tíðindalaust á norðurvígstöðnum þar til Tómas fór að bjástra við að koma inn síðustu skrúfunni sinni í megintryggingu. Ég stóð í „veggnum“ (þessari endalausu andskotans 75° ísbrekku) og þratt fyrir að gott væri að „flatfóta“ í liprum leðurskónum fór ég að dunda við að höggva mér syllu til þess að standa á. Að því loknu hjó ég íshamrinum í vegginn og losaði af honum strappann (ég hafði útfært á hamarinn minn úlnliðsstrappa sem hægt var að losa frá skaftinu með líttill karabínu), var svo eitthvað að dúlla mér við að laga til glingrið í beltinu. Tek síðan hamarinn til að klóra mér í kollinum eða eitthvað svoleiðis þegar Tómas argar; -„Kooomaa“.

Ég ber ísökinni umsvifalaust í vegginn og sveifla síðan hamrinum aftur með hægri hendi... En...nei þetta gat bara ekki verið að gerast... Ég hef þann sið í ísklifri að halda mjög losaralega um sköft ístólanna. Með því móti sparast orka og ég fæ síður naglakul. Það er jú hlutverk strappans að halda öxinni í greipinni. Já helvítis strappinn, -hann sat kyrfilega um úlnliðinn en ég hafði víst gleymt að festa hann aftur við öxina. Það var alveg ólýsanleg tilfinning að vera 500 metra uppi í veggnum og finna öxina smjúga úr lófanum, „ganga sér úr greip“. Ég leit niður og fylgdist með öxinni hvernig hún steypist út í tómið. Hún náði að snerta einu sinni fyrir ofan cruxið og svo sást hún ekki meir.

Ég stóð á tilhöggnu syllunni minni og vissi ekki mitt rjúkandi ráð.

„Tommi! - Ég týndi ísökinni minni!“....

-Þögn, -síðan, „Ha!“

„Ég missti ísökina mína!“

„Misstirðu ísökina?“ - þögn - „Hvað ætlarðu að gera í því?“

Ég vissi auðvitað ekkert hvað ég ætlaði að gera í því, nema það virkilega hvarflaði að mér að helst ætti ég skilið að taka af mér hjálminn og berja hinni öxinni þétt í minn heimska haus.

„Kemurðu upp?“

„Já!“.

Innskot Tómasar:

„Mér þótti mjög miður af missa af svipnum af andliti Karls þegar öxin flaug niður hlíðina. Hann hafði eytt ófáum orðum í að lýsa þessu mikla hugviti sem þetta „lausstrappasystem“ var og það greinilega rótvirkaði“.

Það gekk furðuvel að brölda til Tomma.

Hann horfði á mig, glottandi sínu inngróna Sólheimaglotti, sem í þetta sinn þýddi; - Hverning gastu klúðraðþessu gamli belgur...

„Helvítí maður!“ -sagði Tómas, „égg kengbeygði blaðið í öxinni minni!“ og veifaði framán í mig Pihrönu með blaði sem vísaði amk 20° til vesturs og var að auki snúið. Við horfðum báðir niður vegginn, -þar var ekkert að sjá. Horfðum svo upp, -langt upp. Horfðum síðan hvor á annan og skelltum upp úr. Komum okkur síðan saman um að Courtes væri bara „kollótt skítahrúga!“.

Innskot Tómasar:

Aðstæður okkar og útbúnaður voru hér á allan hátt betri en þegar við, í nóvember, skældumst berhentir, á söndulum og sokkalausir, upp á Saxa í Tindfjöllum, lentum þar á glæra hjarni og björguðum okkur niður í myrkruinu á húslýklunum hans Kalla...

Við ákváðum að halda áfram með þeiri aðferð að forgöngumaður leiddi með einni góðri öxi og „banananum“ hans Tomma, en hinn elti með einni öxi. Á erfiðustu köflunum átti sporgöngumaður þann möguleika á haldi, að hrækja í vopnlausa lófann og láta vettlinginn frjósa fastan við ísinn.....

Þetta gekk í raun og veru ágætlega enda klifrið auðvelt. Aðal erfiðleikarnir voru að tryggja, því ísinn var víða þunnur og bergið laust. Svona norðurleiða ísklifur er annars „skuggalegt“ og napurt. Að baki okkur voru sólgljáandi skíðabrekkur og handan Courtes, Hvítidalur (Valle Blance).

Alvöru „Alpínistar“ klifra svona ís ótryggðir og það gerir þessar leiðir sjálfsagt áhugaverðari. Við Tómas, -nú illa vopnaðir, vildum þó eiga eitthvað inni til forða oss frá feigð.

Við hlökkuðum til að skíða niður suðurhlíðar Courtes. En í stað „hæfilegs“ sólbráðarfraudðs var hlíðin það morkin að maður átti til að sökkva þannig að bakpokinn tók niðri. Burðargeta snævarins virtist minnka því dýpra sem stubbarnir sukku. Það var engin önnur leið upp á yfirborðið en að stinga sér kollhnís skáhallt fram úr gryfjuni.

Innskot Tómasar:

Hann var ekki upp á marga fiska skíðastíllinn hjá mér á leiðinni niður fjandans suðurhlíðina, rassinn út í loftið og ef að maður svo lítið sem hugsaði um að halla sér aftur í klifurskóna þá dúngraðist maður á rassinn með það sama. Égg prjámaðist því



Tómas í Les Courtes. Ljósm.: Karl Ingólfson

niður eins hratt og égg gat, -illu er best af lokið. Það var ekki fyrr en mér varð litið upp í brekkuna að reiðin breyttist í gleði, því fátt finnst mér eins gaman og að horfa á Karl Ingólfsson kútveltast um á skíðum niður heilu brekkurnar, -og þessi var löng...

Þegar við komum niður á „Íshafið“ -Mer de Glace, var orðið dimmt og að baki okkur glitti í stjörnur yfir „Grant your Asses“ (Grand

Jorasses). Við skemmtum okkur við að rifja upp ósléttar þjóðsögur Leibba af því fjalli.

Yfir okkur gnæfðu nú fjöll á borð við Grand Charmos. Hver nibba og hver skora átti hér nafn og gráðu. Það leitaði á mann að allt hafi verið reynt hérrna, allt hafi verið farið, flokkað og gráðað. Nú skildi ég Frakkana sem klifruðu heilt sumar í Ketilsfirði en gáfu ekki upp leiðir og gráður. Sögðu þess í stað að svæðið væri stórkostlegt og allir ættu að fá að upplifa það sem terra incognita – hið óþekkta land.

Í stað tómsins sem við áður höfðum undir iljunum, gein nú hyldípið til botns fyrstu björkollunnar á fyrsta þöbbnum í Cham. Hinumegin borðsins sólheimaglotti Tómas og veifaði sánsku bardömumanni, – deux biere -tvá øl, – jú víst var helvítí ljúft að vera hérrna í Ölpunum. – Skál!

,Kópamaraos“ sveiflan

Og daginn eftir fórum við á skíði, alvöru tveggja metra löng skíði, og nutum þess að skíða á einu helsta „togsvæði“ Chamonix. Cham er jú helsta „togarapláss“ Alpanna. Pessi útgerð gengur út á að „toga“ skíðamenn upp brekkurnar. Aflinn er ótakmarkaður, -veiðileyfi torsótt og eins og annarsstaðar eru gæftir misjafnar. Það var þó greinileg aflahrota og félagi okkar, sem er það líttill að hann er að heiman vanur miklu stærri víðáttu en við hinir, átti erfitt með að átta sig á öllum hinum skíðamönnunum. Við félagar hans léturn sem við þekktum ekki þennan stubb, er miðaldra meginlandsbúar kútveltust í brekkunum eftir örstutt kynni þeirra af þelamerkursveiflunni hans Jónka. Jónki neitað hinsvegar alfarið að vera skíðafantur eða hryðjuverkamaður, þó svo að í ferðinni næði hann að brjóta skíði, stafi, nýja skíðaskó, sjálfvirka kaffikönnu og rústa jafnt líkamlegu sem andlegu jafnvægi fjölda skíðamanna.

Við ferðafélagarnir sáum nú mest eftir kaffikönnunni...

Af Skyggnulýsingasamkomum.

Niðri í dal höfðu þátttakendur á Ísfestivalinu tekið til bragðs að skiptast á að halda „skyggnulýsingasamkomur þar sem ferðum og skyggnum var lýst á engilsaxnesku“ til að stytta hverjum öðrum (kvöld) stundir (það kallaði Sig. Nordal „að stytta sér aldur“). Það var ekki laust við að myndasýningar Slóvenanna af alpastíls uppgöngum á norðurhlíðum 7000

og 8000 metra Himalayafjalla hafi á mæli kvarða okkar Íslendinganna verið ferðir til einhverrar annarar víddar er bíður manna á fjallstindum. En þeir náðu á þessa tinda og voru greinilega til frásagnar og því enn í sömu vídd og við hinir.

Frontier hryggurinn

En lífið er hvorki samfelld þelamerkursveifla né Himalaya rúlletta.

En eina ferðina tókum við Jónki og Tommi kláfinn upp á Midi. Bröltum með túristunum niður úr kláfstöðinni og spenntum á okkur leigðar snjóþrúgur! (Dúllarinn hafði ákveðið að dvelja á láglendi og stúdera þar innviði Alpamenningarinnar og jafnvel gera atlögu að sánskri tungu!)

Við höfðum skíðað „Hvítadal“ nokkrum sinnum og mundum vel hve aumkunarverðir þeir voru sem þrómmuðu niður þessa 2600 metra háu skíðabrekku á snjóþrúgum. Nú vorum við sjálfir á slíku ferðalagi.

Yfir okkur gnæfðu granitleiðir norðurveggjar Tacul en við Tómas festum ekki hugann við svo háleita hluti. Jónki sá að þetta skíðaleysi var viðkvæmt mál fyrir okkur Tomma og malaði stöðugt um að „Alvöru alpínismi gengi út á annað en skíðamennsku... – bla bla bla“ og „snjóþrúgur væru geysilega merkilegur búnaður... – bla bla bla“.

Pessu svöruðum við að sjálfsögðu með harðmæltum skætingi og hótunum sum dvergakast. Jónki barði okkur þá að bragði með skíðastaf (þegar vitið þrýtur taka hendurnar við). Þar með var málid útrætt af okkar hálfu, -ekki gátum við verið þekktir að því að því að berja á þessum trílli. Jónki malaði síðan áfram. Við Tommi dróguumst aftur úr en heyrðum þó á undan okkur tautið í Jónka, sem af höfuðvagginu að dæma, – lagði ofuráherzlu á orð sín. – „...andsk. helv. fifl,snjóþrúgur, -þrúgandi, -þreyttir, -þverhausar, -þumbarar“! Voru orð sem vindurinn feykti til okkar.

Við sveigðum upprávið og þá létti heldur yfir okkur Tomma, skíðaleysið varð ekki eins illbolanlegt og á niðurleiðinni. Við bröltum upp á Frontier hrygginn sem er landamærahryggur Ítalíu og Frakklands og teygist allt upp á koll Mt. Maudit. Þar bjuggum við um okkur í yfirbyggðri koju (skála) sem boltuð var utan á klettana Ítalíu megin.

Alpastart

Ég rumskáði fyrstur undir teppahrúgaldinu í kojunni, vakti Jónka og sagði honum að hita vatn. Fór síðan sjálfur út til veðurathugana, sem hljóðuðu upp á myrkur, kulda og trekk. Í myrkrinu bröltum við svo upp og niður eftir miðjum hryggnum. Þegar við fórum að hækka okkur fyrir alvöru var farið að skíma og þá jókst ferðahraðinn, -um stund, -sólin meyrði snjóinn og bráðlega þyngdist færíð.

Á „bringusundi“

Innskot „Tomma“

Okkur Jónka greindi á um það hvort klifuraðfarir Kalla minntu frekar á skriðsund eða bringusund þegar hann kjagaði lausasnjóinn á milli klettahaftanna. Við órguðum upp til hans hollráð á borð við: „-Anda frá sér í kafi“ Eftir það sáum við lítið til hans annað en „blástursstrókana“ sem sendu yfir okkur nær samféllda drífu er við klifum samsíða í kjölfarið.

Best var að klifra í hliðum giljanna og sem mest á opnum veggjum og koma ekki nálægt þessum hyldjúpa snjó.

Við vorum með tvöfalta 60m línu, klifum á hlaupandi tryggingum og var töluvvert viðnám að draga línuna upp klettana. Jón Haukur streðaði sótbölvandi sínar spannir með þennan ódrátt í togi og argaði að endingu á okkur ferðafélagana;

-„Hangið ekki í svona línumni helvítis bumbulúsarnir ykkar“.

Við Tommi litum á slakar línumnar sem lágu við fætur okkar. Frá öryggissjónarmiði vorum við komnir fullhátt.

Tómas svaraði um hael; „Við komumst ekki hraðar, -þú verður bara að draga fastar, titturinn þinn“.

Síðan blöðruðum við Tómas áfram, eins og smástelpur, um okkar háleitu hugðarefni þar til Jónki hafði dregið upp slakann.

Tómas tók við að leiða og Jónki gaf honum eftir línu. Ég beið á syllunni hjá Jónka, virti fyrir mér stórbrotinn landamærafjallgarð Ítalíu og Frakklands, tók myndir og hagleiddi hvað



Jón Haukur í Frontierhryggnum.

Ljósm.: Karl Ingólfsson

það gæti verið skemmtilegt að hafa meðferðis hljóðupptökutæki. Ómstríður formælingablús Jónka, þar sem hann aumkaði illt hlutskipti sitt sem dráttarklárs, var eitthvað svo óborganlegur bakgrunnur að þessu einstaka útsýni.

Við bröltum á eftir Tomma. Jónki var óþolinmóður og bölvæði seinagangnum í Tómasi. Ég kom því sakleysislega á framfæri, „að það hafi nú gengið mun betur þegar hann leiddi“. Við þetta sakleysislega innskot náði formælingaspuni Jónka áður óþekktri ljóðrænu og ég hlustaði uppveðraður á þetta helvíska formælingarapp sem frussaðist af vörum Jónka bar sem hann barði sér skaflajárnáður leið upp þritugan hamarinn. Ja mikið asskoti var hlíðin smart þennan febrúardag.

Við náðum toppnum í þessu fína veðri og þratt fyrir að Jónki tæki ofurstressaður á rás til að ná kláfnum á Midi (Jónki er víst fastur á sama sumartíma og Vilhjálmur Egilsson alþpm. -kláfurinn ekki!) þá fór svo að við gistum allir í besta yfirlæti á nýopnuðu hótelinu í 3500 m hæð á Aguile de Midi.

Ergo, -Midi var ekki á sama sumartíma og Vilhjálmur.

Pessar tvær vikur í Cham voru brátt á enda og höfðu liðið það fljótt að við höfðum greinilega „stytt okkur nokkurn aldur“ með þáttökunni.

Austurveggur Hvannadalshnjúks

Eftir Harald Örn Ólafsson

Iapríl 1997 klífu Haraldur Örn Ólafsson og Guðmundur Eyjólfsson austurvegg Hvannadalshnjúks fyrstir manna. Hér á eftir fer lýsing Haralds Arnar Ólafssonar á ferð þeirra félaga.

Hvannadalshnjúkur, hæsti tindur landsins, hefur mörg andlit. Allir þekkja svip hans úr vestri sem blasir við frá þjóðgarðinum í Skaftafelli. Þessi svipur er landsmönnum kunnur þó ekki væri nema fyrir annað en að þeir gleymi að slökkva á sjónvarpinu í dagskrárlok og sjá þá svipmynd af því fegursta sem íslensk náttúra hefur upp á að bjóða. En Hvannadalshnjúkur hefur fleiri andlit sem minna eru þekkt, þar á meðal er hin hömrum prýdda austurhlíð. Hana fá menn ekki að sjá nema úr lofti eða að þeir standi Á Öræfajökli sjálfum. Við höfðum látið okkur dreyma lengi um að klífa þessa bröttstu og glæsilegstu hlið á hæsta tindi landsins og nú skyldi láta til skarar skrifða.

Klukkan var um tvö aðfararnótt laugardags-

ins 19. apríl þegar við Gummi skriðum hálf sofandi út úr litla tjaldinu okkar sem kúrði undir Virkisjökli í Öræfum. Dalalæðan var svo þétt að ekki sást út úr augum. Við gengum af stað í myrkruinu með höfuðljós og þræddum leiðina upp á Virkisjökulinn. Fljótlega gengum við upp úr dalalæðunni og við okkur blasti Öræfajökull í daufri skímu undir stjörnubjörtum himni þar sem halastjarnan Halebob skartaði sínu fegursta. Eftir rólegan niú tíma gang vorum við komnir upp á Öræfajökul og mændum á austurvegg Hvannadalshnjúks. Okkur til mikils léttis var enn nokkur ís í veggnum. Það sem verra var að sólin skein á vegginn og stórir ískögglar hrundu stöðugt niður hann allan. Viða var farið að sjást í bert bergið og við veltum því fyrir okkur hvort við værum of seitn á ferðinni. Það hefði verið óðs manns æði að leggja af stað í vegginn á meðan sólin skein í hann svo við tókum upp svefnpoka og dýnur og lögðumst til svefn. Okkur veitti heldur ekki af hvíld eftir að hafa gengið með þungar byrðar upp í tæplega 2000 metra hæð.

Um þrjúleytið um daginn stóðum við upp og gerðum okkur klára. Sólin var komin í vestrið og skuggi hafði færst yfir vegginn. Ís-hrunið var að mestu hætt. Við rýndum á vegginn og veltum því fyrir okkur hvar væri best að leita uppgöngu. Fyrir miðjum veggnum er hryggur og ganga gil upp með honum beggja vegna. Við ákváðum að reyna gilið sem er hægra megin við hrygginn. Fyrst komum við að jaðarsprungunni og hékk efri brúnin töluvert fram yfir sig. Við urðum sammála um að ég leiddi fyrsta hlutann. Snjórinn var mjúkur svo eina leiðin var að reka sköftin á öxunum á bólakaf. Eftir



Austurhlíð Hvannadalshnjúks, leiðin er merkt með punktalini.
Ljósm.: Haraldur Örn Ólafsson

svolitið brölt var ég kominn yfir sprunguna og upp í brekkuna.

Eg leiddi upp ísbrekkuna, 50 metra af 2. gráðu ísklifri, setti inn ísskrúfu og hélt svo áfram. Við klifruðum samtímis með millitryggingu. Gilið varð þrengra og brattara eftir því sem ofar dró. Ég fór upp lítið íshaft (3. gráðu ísklifur). Stórt ísstykki losnaði skyndilega undan ísöxinni og þaut niður gilið. Ég sá ekki Gumma en vonaði að hann hefði sloppið. Ég var kominn upp að lóðréttum vegg sem var algerlega ókleifur, íslaus en þakinn hrími og frauði. Í skoru þar sem veggurinn og hryggurinn mættust var kertaður brattur ís. Þetta var augljóslega eina leiðin upp og lykilkafli leiðarinnar. Ég setti inn tvær ísskrúfur og tryggði Gumma upp til míni. Hann hafði fengið ísstykkið sem ég hafði sett af stað í aðra höndina og var allur dofinn og máttlaus í henni. Hann harkaði af sér og lagði í ísfossinn en varð fljótt frá að hverfa þar sem höndin var of máttlaus eftir höggið. Ég bólvaði sjálfum mér fyrir óvarkárnina um leið og ég lagði af stað í fossinn. Fyrst klifraði ég upp lítiinn stall í góðum ís en þá tók við alveg lóðréttur og kertaður ís. Ég náði að krækja ísökunum hátt en erfitt var að finna fótfestu. Það var sama hvað ég spaskaði, allt létt undan. Eftir nokkrar leikfimiæfingar náði ég að fikra mig upp kertaðan ísinn sem var yfirhangandi á kafla. Þegar ég var hálfnaður upp náði ég að hvíla mig með því að troða annari öxlinni inn á milli kerta. Ég setti inn skrúfu þrátt fyrir að hún gerði lítið gagn. Ég hélt áfram og fór ísinn skánandi. Það var mikill léttir að komast upp fyrir þennan erfiðasta kafla sem var af 5. gráðu ísklifri. Þá tók við minna brattur og traustur ís sem lá skáhalt upp til vinstri. Eftir nokkurra metra klifur til viðbótar var ég kominn upp á hrygginn sem gengur niður miðjan vegginn. Ég fór yfir hann og setti þar inn síðustu skrúfuna sem ég átti eftir í traustan ís. Gummi var skælbrosandi þegar hann kom upp til míni enda ljóst að við höfðum komist yfir lykilkafli í leiðinni. Hann gerði sig klárnan og lagði af stað upp síðustu spönnina. Líninan gekk hratt út og síðan heyrði ég fagnaðaróp. Ég klifraði á eftir honum þægilega snjóbrekku og eftir stutta stund stóðum við sigri hrósandi á tindi Hvannadalshnjúks. Klukkan var átta um kvöldið og hafði klifrið tekið okkur um fjóra tíma.

Þar sem myrkrið var um það bil að skella á



Halli í lykilkafla leiðarinnar.

Ljósm.: Guðmundur Eyjólfsson

og við þreyttir, ákváðum við að eyða nóttinni fyrir neðan vegginn og ganga niður daginn eftir. Um nóttina skall á leiðinda veður með hvassviðri, þoku og snjókomu. Ég svaf ekki dúr alla nóttina og beið þess að birti af degi. Á meðan svaf Gummi værum svefni eins og honum einum er lagið. Morguninn eftir fikruðum við okkur af stað í þokunni og náðum að finna Dyrhamar. Eftir það var eftirleikurinn auðveldur að þræða sig meðfram Hvannadalshryggnum og niður á láglendið.

Félagsstarf Ísalp

Umsjón: Valgeir Ægir Ingólfsson



Stjórn Alpaklúbbsins. F.v.: Árni Eðvaldsson, Valgeir Ægir Ingólfsson, Karl Ingólfsson, Helgi Borg, Elín Sigurðardóttir og Pálmi Másson, á myndina vantar Guðmund Tómasson.

Dagskrá Ísalp var með nokkru hefðbundnu sniði fyrri hluta þessa árs, síðari hlutann fór svo í gang nýtt námskeiðakerfi. Sem kynnt var rækilega og flestir félagar ættu að hafa séð og heyrta um.

Skiðaferð: Í janúar var farin skiðaferð á Syðstusúlu. Umsjónarmenn voru Karl Ingólfsson og Tómas G. Júlíusson. Páttakendur voru 7 frá öllum landshlutum. Færð gott og allir særilir.

Ísklifurfestival: Í febrúar var hið mikla ísklifur festival. Ísland heimsóttu margir erlendir klifrarar misþekktir þó. Má helst nefna að klifrað var í Haukadal og á Snæfellsnesi í Búlandshöfða og Mýrarhyrnu. Múlafjalls, Köldukinnar og Glymsgils sveðin voru einnig klifin. Hátið þessi stóð yfir nánast í 2 vikur og páttakendur voru þegar best létt um 20-25. Atburður þessi mæltist vel fyrir og stefnan að hann verði haldinn ár hvert. Reynt verður að fá erlenda klifrarar einnig til þátttökum.

Klettklifur námskeið: Sem vera átti í maí fíll niður vegna veðurs.

Hafa þessir menn aldrei heyrt talað um grjónavín?

Það er víst sjaldan of mikið hamrað á að fólk gangi vel um og noti þártil gerða húsbyggingu til útlosunar mismeltra grjóna og þar tilgerðra eyðublaða. Sem sagt „kúkinn í kamarinn“.

Einnig á fólk ekki að láta sér bregða eða verða misboðið þótt lágmarksgjalds verði krafist af gestum sem rennur til framkvæmda á staðnum. Boltar og viðhald.

Haustfagnaður. Fór fram í nóvember og sungið og hlegið hátt og hent að mörgu gaman, varð vart við 2000 vandann á staðnum því raftæki tóku upp á því að springa en allt endaði vel.

Bratti.

Var nýttur ágætlega af ýmsum aðilum en þeim sem nýttu þóttí (sumum) ekki gjaldskráin nógu sanngjörn og gerðu nótum sínum ekki skil. Hafa formaður og umsjónarmaður skála nú hafið særingsar til ofsóknar öllum þeim er ekki stóðu skil því eitt er víst að nóg er af öndum og vættum er hjálpa Ísalp.

Jón hinn stimamjúki lagði hönd á hamar og húsið og gerði það vístlegra, Karl formaður bar lofttegundir sér í yðrum og kútum á hvítáfíki sínum til notkunar við kyndingu og telst nú allt undir blessun.

Tindfjöll:

Voru líka vel nýtt en hafa færri borgað en vera skyldi en þar ríkir Guttormur þó ekki faðir Hjörleifs, getur verið ansi harður í horn að taka. Svo félagar sem aðrir ættu ekki vanmeta styrk þess ókunna, skálinn er við nokk góða heilsu og var gerð góð og hugvítssamleg viðgerð á útihurð. Er talið að ekki hefði hópur verkfræðinga gert betur. Greiðum gjöldin höfum hreinan skjöldinn.

Umsjón: Björn Baldursson, Guðmundur Jóhannsson, Tómas G. Júlíusson og Þorvaldur Þórsson.

Í þessum fréttapistli er fjallað um það markverðasta sem gerðist í fjallamennsku frá apríl 1997 til september 1998, ytra og hér heima. Það sem helst bar til tíðinda á þessu tímabili er ferð þremenninganna á Suðurskautið, fyrsti stórveggjaleiðangur íslendinga á erlenda grundu og vel heppnaður leiðangur á hið viðfræga fjall Ama Dablam í Himalaya. Þá ber einnig að nefna kvenna-leiðangur yfir Grænlandsjökul, enn einn kópískur leiðangur á Mount McKinlay og fjölmargir alpatúrar sem ekki verða allir tilgreindir í pistlinum. Mjög mikil gróska er nú í ísklifruin og má segja að góður ár-angur Guðmundur Helga Christensen og koma Jeff Lowe til landsins ásamt fleiri þekktum erlendum klifrum hafi virkað sem víta-mínssprauta á þá sem ísklifrið stunda hér. Óhætt er að fullyrða að aldrei hafa fleiri leiðir verið frumfarnar á einu tímabili til þessa og flestar þeirra eru á áður ó-þekktum klifursvæðum og meira að segja er fimmtrugrámumúrrinn loks rofinn! Eins má segja að með tilkomu klifurmistöðvarinnar Vektors hafi aðstaða til æfinga klettaklifurs gjörbreyst og því hefur efnilegum klettaklifurum fjölgæd til muna. Munum svo að nýjar leiðir, bæði ís og í klettum er hægt að skrá á heimasiðu Ísalp. Það auð-veldar starf fréttapistismanna til muna ef það er gert.

Fjallamennska

Útlönd

Suðurskautslandið

Þeir Ingþór Bjarnason, Haraldur Örn Olafsson og Ólafur Örn Haraldsson unnu það mikla þrekvirki að ganga á skíðum á Suður-pólinn, fyrstir íslendinga. Eftir um 50 daga göngu komust þeir á Suð-urpolinn, að morgni nýársdags 1998. Þá höfðu þeir lagt að baki um 1.100 km göngu frá Patriot Hills búðunum á Ronne ishellunni. Nánar um þennan mikla leiðangur í grein Haraldar í blaðinu.

Himalaya

Július Gunnars-son, Simon Hall-dórrsson, Örvar Þorgeirsson, Val-gardur Sæmundsson og Árni Eð-valdsson klifu Ama Dablam (6856 m.) í Himalaya 20 október 1998. Með þeim í för voru Pálmi Másson og Sveinn Þór Þorsteinsson, sérlegir tjaldbúða- og jak-uxahirðar.

Sjá allt um þá ferð í grein Árna Eðvaldssonar í blaðinu.

Grænland

Í mars fóru þeir Guðmundur og Þorsteinn Hann-essynir og Jón Við- ar Sigurðsson í gönguskíðaferð á vestanverðu Grænlandi. Ætlunin var að ganga frá Ilulissat til Uummannaq. Sjórinn við Ilulissat reyndist hins vegar íslaus og því ó-fært að ganga þaðan. Þyrli flutti þremenningana til þorpsins Qeqertaq þar sem skiðagangan hófst. Leiðin lá um norðanverðan Diskó-flóa og síðan yfir Nuussuaq-skagann. Komið var niður í botn Uummannaq-fjarðar og þaðan haldið til þorpsins Ikerasak og áfram til Uummannaq. Eftir nokkrar dagsferðir út á ísinn við Uummannaq var haldið heim.

Þeir félagar fengu afsprunu gott veður eins og gjarnan er á þessum slóðum og skiðafæri var oftast mjög hagstætt. Alls voru gengnir um 230 km á skíðum. Nánar um ferðina í blaðinu.

Jón Viðar Sigurðsson

Vorið 1998 fóru þær Anna María Geirsdóttir, Þórey Gylfadóttir, María Dögg Hjörleifsdóttir og Dagný Indriðadóttir ásamt Einari



Guy Lacelle neðan við Svellagjá.

Ljósm.: Páll Sveinsson


Torfa Finnssyni þvert yfir Grænlandsjökul. Ferðin yfir jökulinn hófst 26. maí frá Hahnjökli í botni Sermilik fjarðar á Austur Grænlandi. Leiðin yfir jökulinn er um 440 km og endar hún yfir botni Kangerlussuaqfjarðar á vesturströndinni. Gengu þær stöllur frá 10 km og upp í 60 km á dag eftir veðri og vindum og voru þær 26 daga á göngu og þær af two daga ofan að jöklum og niður til byggða.

Alaska

Styrmir Steingrímsson, Atli Þór Þorgeirsson, Mattías Sigurðsson, Hörður Sigurðsson og Haukur Grönli reyndu við West Buttress á Mount McKinlay (6194 m.) í Alaska í maí 1998. Styrmi og Mattiasi tókst að ljúka við leiðina.

Rússland

Í júlímánuði héldu tveir félagar úr Hálparsveit skáta í Kópavogi, þeir Pétur Áðalsteinsson og Sigurður Sigurðsson til Tien Shan



Í Múlafjalli.

fjallgarðsins í Mið-Asíu. Þar ætluðu þeir að gera tilraun til þess að klífa fjallið Mramornaya Stena (Marmoravegginn) sem er 6.414 metra hár tindur í hjarta fjallgarðsins á landamærum Kazakstan og Kína.

Pétur og Sigurður keyptu sig inn í breskan leiðangur frá Himalayan Kingdom Expedition og voru leiðangursmenn alls tólf, auk rússneskra leiðsögumanna og burðarmanna. Leiðangurinn fékk að kenna á þeirri erfiðu veðrátta sem þykir einkenna þetta fjallasvæði en það er umtalsvert norðar en Himalayafjöll og klifurvertiðin

Úr safni Guðmundar Helga

mjög stutt eða tæpir tveir mánuðir ár hvert.

Ætlunin hafði verið að setja upp þrjár búðir á fjallinu, auk aðalbúða, en leiðangurinn kleif hæst um 300 metra upp fyrir aðrar búðir eða í um 5.300 metra hæð og náði aldrei þriðju búðum sökum veðurs og mikillar snjóflóðahættu. Ferðin var lærðómsrík og skemmtileg og eru íslenskir fjallmenn eindregið hvattir til þess að kynna sér frekari möguleika í fjallgöngum þarna austur frá. Þessi leiðangur hafði einungis um tvær vikur til stefnu, sem er einfaldlega allt af stuttur tími og þeim er hug

hafa á að fara til Tien Shan er bent á að ætla sér rúman tíma þar sem veðurfar er rysjótt. Svæðið er gríðarlega tilkomumikið og býður upp á mikla og fjölbreytta möguleika.

Pétur Aðalsteinsson

Alpar

Hákon Ásgrimsson, Helgi Borg Jóhannsson, Kristján Guðni Bjarnason og Óskar Dýrmundur Ólafsson dvoðu 8 daga í Chamonix á miðju sumri. A milli kráarferða gengu þeir félagar á fjöll. Hákon, Kristján og Óskar gengu á Aiguille d'Argentiere (3902 m) eftir South-West Flank leiðinni (PD-950 m).

Helgi og Kristján fóru Couloir leiðina (AD 450 m) á sama fjall. Þeir sömu klífu síðar Pyramide d'Argentiere (V 200 m) og Cosmiques Spur (D 120 m) í suðurhlíðum Midi. Að lokum þrómmuðu Hákon, Helgi og Kristján Transversuna á Mont Blanc.

Helgi Borg

Alþjóðlegt vetrarmót fjallaþenna var haldið í Chamonix í febrúar 1998. Guðmundur Tómasson, Jón Haukur Steingrímsson, Karl Ingólfsson og Tómas G. Júlíusson héldu utan. Til allrar hamingju var formleg dagskrá í lágmarki því hún fór mestöll fram á frönsku sem enginn þeirra kunni tök á.

Þó voru nokkrir mjög áhuga-verðir fyrirlestrar frá ófrönskum Himalaya- og Antarktikuleiðööngrum. Þeir fíjor klífruðu Chere couloir, 350 m leið í norðurhlíðum Mt blanc du Tacul af gráðu D. Karl og Tómas klífruðu Swiss route á Les Courtes, 800 m löng norðurleið gráða TD-. Jón Haukur og Guðmundur reyndu við Grand Charmos en urðu frá að hverfa vegna ísleysis og stöðugs ofanfjúks. Einnig klífruðu þeir fíjor nokkra þriggja spanna ís fossa við Argentiere jökulinn. Jón, Karl og Tómas fóru síðan í lok ferðar Frontiere hrygginn sem er 800 m langur, gráðaður D. Hryggurinn liggr á landamærum Ítalíu og Frakklands og

teygist allt upp á koll Mt. Maudit. Meira um þessa ferð í grein Kars Ingólfssonar í blaðinu.

Jökull Bergmann, sem dvalið hefur í ölpunum, klifraði Albinoni Gabarou ásamt japönskum félaga sínum, Yuji Massetta, sem er eins og nafnið gefur til kynna mikill massi. Leiðin er utan í Mont Blanc de Tacul og er TD 500 m 4.gr. í ís. Einnig klifraði hann meira í ís, vitt og breitt um Froskaland og í klettum í Frakklandi og á Spáni.

Ísklifur veturinn 1997 - 1998.

Jeff Lowe á Íslandi

Í febrúar 1998 kom ísklifurgúrúinn Jeff Lowe til landsins í tilefni 20 ára afmæli Alpaklúbbins. Honum var boðið til landsins og helt hann héru tvær bráðskemmtilegar myndasýningar og var húsfyllir í bæði skiptin. Á sama tíma kom til landsins einn af klifurfélögum Guðmundar Helga Christensen sem heitir Guy Lacalle. Einnig voru hér á landi á vegum North Face fyrirtækisins tveir heimsþekktir klifrarar, þau Jay Smith og Kitty Kalhoun. Koma Jeff Lowe til landsins vakti talsverða athygli enda kappinn lifandi goðsaga í margra augum. Fullyrða má að Jeff Lowe sé helsti hugmyndafræðingur og áhrifavaldur í nútíma ísklifri eins og það þekkist í dag. Ákveðið hafði verið að halda Ísklifurmót að hætti Colorado manna og var ákveðið að kanna nýtt ísklifursvæði sem Guðmundur Helgi Christensen hafði uppgötvat að árinu áður. Þetta var Haukadalur í Dalasýslu og er óhætt að segja að þetta svæði stóð fyllilega fyrir sínu varðandi fjölbreytileika og fjöldu leiða.

Parna voru mættir allir útlendu klifrararnir ásamt fjölda íslenskra klifrara. Klifrað var í two daga í Haukadalnum og voru alls 15 leiðir frumfarnar. Næstu two daga færði hópurinn sig út á utanvert Snaefellsnes og baettust þá fleiri íslenskir klifrarar í hópinn. Fyrri daginn var klifrað utan í Búlands-

höfða, milli Ólafsvíkur og Grundarfjarðar. Á sunnudeginum var klifrað í Mýrarhyrnunni austanverðri og býður hún upp á margar stórskemmtilegar klifurleiðir. Seinustu two dagana voru frumfarnar alls 13 leiðir. Í Mýrarhyrnunni var farin erfiðasta ómixaða ísklifurleið sem farin hefur verið. Þetta er leiðin Wake up call gráða 6+) sem Guðmundur Helgi Christensen og Páll Sveinsson fóru en á eftir þeim komu Jeff Lowe og Guy Lacalle. Það var samdóma álit manna að þessi ísklifurhátið hefði tekist með miklum ágætum og ákveðið að gera þetta að árvissum atburði hjá Íslenskum Alpklúbbnum. Jeff Lowe léti vel af aðstæðum hér á Íslandi og sagði að við Íslendingar lægjum á miklum gersemum sem fælist í ótrúlegum fjölda af óklifruðum ísleiðum af öllum erfiðleikagráðum. Jeff Lowe sagðist vera meira en til í að koma aftur til Íslands sem fyrist og hafa þá meiri tíma til að sjá landið.

Erfiðustu ísleiðir heims?

Mars. Guðmundur Helgi Christensen, Will Gadd og Kim Csizmazia komu til Íslands til að klifra og í för með þeim voru tveir myndatökumenn. Hugmyndin var að filma klifur á heimsins erfiðustu ísklifurleið. Hópurinn var hér í tvær vikur og klifruðu mest í Haukadal í Dalasýslu. Klifraðar voru mjög margar og erfiðar ísklifurleiðir. Þar á meðal Helgi's Thumb sem er rauverulega Bæjarfossahliðrunin kláruð upp á brún, gráða M8+ og 240 mín. sem Kim leiddi sem Will Gadd fullyrðir að sé erfiðasta ísklifurleið sem kona hefur frumfarið til þessa eða M7. Eftir mikinn barning og basl tókst Will Gadd að klára súper leiðina Brennivín sem hann neitaði að gráða en sagði að væri lang erfiðasta leið sem hann hafi nokkurn tímann klifrað þannig að gráðan samkvæmt því er að minnsta kosti M9+.

Ísklifurkeppni

Guðmundur Helgi Christensen tók þátt í Artic Wolf iceclimbing

festival, invetasjon icecraft í Ouray í Bandaríkjunum í janúar 1998. Hann lenti í öðru sæti í ísklifrinu en í því fjórða í mixaða klifrinu. Samtals lenti hann í öðru sæti.

Vestfirðir


Naustahvilst

11. janúar voru Ísfirðingarnir Rúnar Óli Karlsson, Hlynur Guðmundsson og Eiríkur Gíslason í leit að ísfoßum. Peir fóru upp í svokallaða Naustahvilst sem er skálin fyrir ofan flugvöll þeirra Ísfirðinga og fóru eina leið sunnan megin í hvilftinni og voru hún 3 spannar og gráðaðist 4 - 4+. Leiðina nefndu þeir Stjörnuhrap.



Jeff Lowe í Haukadal.

Ljósm.: Páll Sveinsson



Rafn í leiðinni Tívolí á Hnappavöllum. Ljósm.: Arnar Þór Emilsson

Snæfellsnes

Haukadalur

Fjölmargar nýjar leiðir voru klifraðar í Haukadal síðasta tímabil. Þær eru allar tíundaðar í nýja leiðarvísinum í blaðinu.

Álfafjörður

Vestan í Álfafirðinum er Úlfarsfell. Þær fyrir ofan þjóðveginn er mjög áberandi stórt gil. Sunnan megin við gilið var farin ný leið. Hún er ein spönn um 40 m og er gráðan 4.-4+. FF. Kim Csizmazia og Will Gadd og nefndu þeir leiðina Wish I had a penis.

Mýrarhyrna

Austurhlíð Mýrarhyrnus við Grundarfjörð. Í þessari hlíð eru

margar óklifraðar leiðir. Þegar gengið er upp með Kirkjufellsá að Mýrarhyrnunni ber mest á áberandi gili í klettabelti í hlíðinni sem hefur að geyma tvær áberandi ísleiðir sem liggja eins og stafurinn V. Þær eru leiðir 1 og 2. Þegar gengið er til suðurs frá þessu gili sést upp í þróntgil en þær uppi er leið nr. 3. Enn sunnar við þetta gil liggja tvær stöllottar leiðir alveg upp á brún, leiðir 4 og 5. Þegar gengið er lengra suður eftir hlíðinni kemur mikil og langt íspíl þær sem möguleiki er að mórgum leiðum en ein leið var farin nyrst í bílinu, leið nr. 6. Allar leiðirnar voru klifraðar 15. febrúar 1998.

1. Comeback gráða 5-. Leiðin

er hægra megin í gilinu. Fyrri spönnin er 4. gráða en sú seinni er kerti sem er 45 metrar og leiðin í heildina 90 metrar. FF: Árni Eðvaldsson, Július Gunnarsson og Símon Halldórsson.

2. Abdominal gráða 5. lengd 90 m. Mjög falleg og brött klifurleid sem er talsvert erfðari en hún virðist vera neðan frá séð. Hún liggur til vinstri í gilinu. FF: Ingólfur Ólafsson, Styrmir Steingrímsson og Rúnar Óli Karlsson.

3. Wakeup call gráða 6+. Þessi leið er leiðin inni í þrónga gilinu. Leiðin byrjar á 3. gráðu ís um tvær spannir og síðan upp lóðréttan kafla og endar í þaki sem hliðra þarf undir og út á 15 m langt fríhangandi kerti. Lengd: fjórar spannir. FF: Guðmundur Helgi og Páll Sveinsson.

4. Kerling 4+, lengd 5 spannir. Leiðin liggur rétt sunnan megin við þrónga gilið. Kerling byrjar á einni spönn af 3. gráðu ís og síðan 4 spönum af stöllum sem eru frá 10 m upp í 40 m háir. Síga verður niður þær sem önnur leið er ekki fær. FF: Þorvaldur Þórsson og Helgi Borg.

5. Christian IX. gráða 4+, 5 spannir. Leiðin liggur um 30 m sunnanmegin við Kerlingu og svipar mjög til hennar. FF: Örvar Þorgerísson og Pálmi Másson.

6. Golíat: gráða 4. lengd 2 spannir. Þessi leið er sú sem er lengst til suðurs og er hægra megin í ísþilinu. Leiðin liggur upp um 60 m brattan ískafla og síðan upp snjógil. Hún endar á 12-15m löngu lóðréttu kerti. Gengið var niður suður af fjallinu. FF: Davið (HSSG) og Einar Sigurðsson.


Búlandshöfði

Ofan Látravíkur, vestan við bæinn Höfðakot eru nokkrar ísleiðir.

Þær er áberandi foss með höfða fyrir ofan og í klettabelti fyrir vestan fossinn voru farnar 5 nýjar leiðir.

frábær fermingartilboð

tjöld



12.900

SAVANNA 350

4 manna kúlutjald m/fortjaldi.
Stórt og rúmgott. Þyngd 4.4 kg.



12.900

SAHARA 250

Flott 2-3 manna kúlutjald
m/fortjaldi. Þrír fiberbogar.
Mjög stöðugt. 5.1 kg.



5.800

JURA 350

-5°C. Góður í summarútileguna.
Fylling; silicon-hollowfiber.
Svartur/orange að innan. 1.6 kg.

svefnþokkar

bakþokkar



3.600

ODYSSEY 35 l.

Bakpoki fyrir dagsferðir.
Ýmsir litir. 4 utanávasar.
Bólstrað bak.

- toppurinn í útvist
EVEREST
SKEIFUNNI 6 • Sími 533 4450

SEGLAGERÐIN
ÆGIR
EYJARSLÓÐ 7 • Sími 511 2200



Jahh_ hún klifrar eins og karlmaður, Magnea Magnúsdóttir Múlafjalli.

Ljósm.: Hildur Nilsen

1. Dordingull gráða 5. lengd 50 m. Fyrsta leið rétt vestan megin við fossinn. Leiðin liggar upp lóðrétt þil um 10-12 m og síðan upp um 20 m af 3. gráðu brölti. Þar tekur við 10-12 m kerti og síðan sylla. Fyrir ofan sylluna er ísþak, (regnhlíf) og svo annað þak þar fyrir ofan. Þegar þetta þak var klifrað fór Páll í gegnum þróngt gat og upp á brún. FF: Páll Sveinson, Þorvaldur Þórsson og Helgi Borg Jóhannsson í febrúar 1998.

2. Alien Muffin gráða 4. lengd 40 m. Þessi leið er um 20 m vest-

an megin við Dordingul. Leiðin liggar upp þunnan ís 10 m og endar í smá ísskoru sem liggar alla leið upp á brún. FF: Guy Lacalle og Guðmundur Helgi Ch. Febrúar 1998

3. Túðan gráða 3+. -4. lengd 30 m: Leið sem er í næsta smágili vestan megin við Alien Muffin. FF: Símon Halldórsson og Örvar Þorgerisson, febrúar 1998.

4. Sigurjón digri gráða 3+. 4-, Lengd 12 m. Þessi leið er 50 m vestan megin við Túðuna og er alveg lóðrétt kerti. FF: Rúnar Óli og Einar Sigurðsson, febrúar 1998.

5. Holan gráða 4-4+, lengd 35 m. Þessi leið er lengst til hægri séð neðan frá. Hún liggar inni í eins konar gili eða kvos. FF: Guðmundur Helgi Christensen, Sigursteinn Baldursson og Guðmundur Eyjólfsson, febrúar 1998.

Nábítur. gráða M4, lengd 2 spannir, er alveg nyrst í Búlandshöfðanum fyrir vestan Búlandsgil, uppi í miðju dökku klettabelti. Ís er í neðri hlutnum en síðustu 20 metrarnir voru íslausir. FF: Mattías Sigurðsson og Atli Þór Þorgeirsson, febrúar 1998.

Múldýrið gráða 4-4+, lengd 35m, er vestan megin í Búlandshöfðanum og er þetta áberandi lóðréttur foss eða kerti með regnhlífum og smá hengju á brúninni. FF: Styrmir Steingrímsson og Ingólfur Ólafsson, febrúar 1998.

Rauðskriðugil

Rauðskriðugil er á norðanverðu Snæfellsnesi, suður af Búlandshöfða sem er á milli Grundarfjarðar og Ólafsvíkur. Aðeins um 20 mínútna gangur úr bíl og að gilinu. Þar var ein leið farin: Gunnars Majonnes gráða 4. 30-40 m ísleid sem er innst inni í gilinu fyrir miðju. FF: Hallgrímur Örn Arngrímsson, Guðmundur Óli Gunnarsson, Rafn og Arnar Þór Emilsynir í febrúar 1998.

Fossakinnar

Guðmundur Óli Guðmundsson, Jón Heiðar Andrésson, Ármann Þór Emilsson og Rafn Emilsson fóru nýja leið í Fossakinnum skammt norðan við Rauðskriðugil. Ísfossinn er 60-70 m og 3. gráða. Eftir fyrri spönnina er hliðrað til hægri nokkra metra og halddið svo upp. Leiðina, sem þeir fóru 24. janúar 1998, nefndu þeir Fjörir filar.

Suðvesturland

Glymsgil

19. janúar klifruðu Ívar Finn-bogason og Rúnar Óli Karlsson nýja leið í Glymsgili. Leiðin er í þróngu gili skammt fyrir neðan leið nr. 19 í leiðarvísinum. Leiðin byrjar á stuttu íshafti 6 -7 m og þaðan upp flata inn að öðru 30 m hafti og er hún af 3-4 gráðu og heitir Jónas í hvalnum.

28. febrúar klifruðu Manu Ibarra og Christophe Moulin nýtt afbrigði af Glym. Leiðin er alveg innst inni í kvosinni rétt vinstra megin við Glym sjálfan. Þetta voru rúmlega fjórar spannir og er gráða 5+ að sögn Christophe Moulin. Leiðin hlaut nafnið Sacrifice vegna þess að Manu missti af sér hjálminn í annari spönn og öxi eins klifrara sem stóð á brúninni endaði einnig í gilbotninum.

Múlafjall

11. febrúar. Guðmundur Helgi Christensen fór línu milli Ístes og Pabbaleiðar sem Jeff Lowe fylgdi á eftir og er þetta M7 leið sem var erfðasta mixaða ísleid sem farin hafði verið til þessa á Íslandi.

Kjós

Nafnið Áslákur hlaut ný leið í Grenihlíð í Kjósarskarði í Hvalfirði. Leiðin er í nokkuð áberandi gili skammt norðan við leiðir 40 og 41 í leiðarvísi Ísalp. Áslákur er gráða 4- og um 40m löng. Þeir Ólafur Ragnar Helgason, Björn Brynjúlfsson og Guðmundur Arnar Æstvaldsson klifruðu leiðina fyrstir í febrúar 1998 og skal það fylgja með að leiðinni er ekki lokið

Super Couloir

Það var eina af þessum ágætu djamm- og drykkjuhelgum í Cham sem ég hitti Svía nokkurn sem var búinn að vera 9 vetrarvertiðir í Cham en hafði aldrei klifrað þessa ágætu leið og hófust þarna miklar rökræður um erfiðleika hennar þar sem ég bokstaflega missti það út úr mér að hann væri nú ljóta kellingin að hafa ekki þorað í þetta allan þennan tíma. (Pegar þarna er komið sögu, er hann svona um það bil að fara berja mig í hausinn með barstóli). Svo náttúrulega gloproði ég því út úr mér að ég skildi nú bara röltu þarna upp næstu helgi og láta hann svo vita hvort hans auma velferðarrassi væri óhætt að kíkja á þetta.

En þetta var nú bara fyllriröfl sem gleymdist í bili en næsta föstudag fór þetta nú eitthvað að rifjast upp fyrir mér svo ég hringdi í Grego félaga og í einhverju bríerii hentum við draslinu inn í bíl og brunuðum til Chamo og náðum í seinasta kláf upp á Midi og renndum okkur undir leiðina og tjölduðum. Þá fyrst skildi ég af hverju það er betra að halda kjafti þegar maður er fullur að dissa Svíu.

Þetta leit allavega út fyrir að vera stórt, langt og erfitt. Við lögðum svo í hann um klukkan sjö morguninn eftir, mjög léttir, því við höfðum nákvæmlega engan áhuga á því að dvelja lengur en við þyrftum í leiðinni.

Fyrstu tvær spannirnar eru hreinir klettar, 5.7 og 5.9, sem tók all verulega á í öllu vetrareyfinu. Svo henti það skemmtilega slys að þegar ég átti aðeins nokkra metra ófarna í seinni spönniinni, heyrði ég skrifitið málmhljóð og þegar ég leit á milli lappanna á mér, var það fyrsta sem ég sá ekki litli vinurinn, heldur allar isskrúfurnar í knippi í frjálsu falli á leið til jarðar. Nú voru góð ráð dýr, við vor-

um með eina gamla stálskrúfu eftir og 400 metra 3.-5. gráðu ísklifur framundan. Gregó var nú bara svalur eins og venjulega og vildi halda áfram en ég tók það ekki í mál því þó ég sé steiktur í hausnum er ég ekki alveg djúpstekitur. Ég ákvað þá að síga þessar tvær spannir niður á einfaldri línu og sjá hvort ég fyndi ekki helvítis skrúfurarnar sem var svona álíka líklegt og að Karl Ingólfsson sæist á snjóbretti í Blájföllum, þar sem undir leiðinni er mjög brött brekka og svo svakalegt sprungugímald.

En viti menn, það fyrsta sem ég rekst á eru skrifurnar í botninum á stærðarinnar gíg í snjónum. Það hefði líklega ekki verið gott að fá þær í hausinn. En nú hófst aftur sama puðið upp fyrstu tvær spannirnar. Sem voru nú líkamlega þær mest krefjandi í leiðinni þannig að maður var þokkalega púnteraður þegar upp var komið.


En við héldum galvaskir áfram upp sjálfan megin Couloirinn sem er mjög skemmtilegt ísklifur, 3.-5. gráðu í misþykum ís upp í um 400 m af leiðinni, þar er svo sjálft íscruxið sem er 5. gráðu spönn, smá yfirhangandi en í frábærum ís sem Gregó átti


ekki í miklum vandræðum með. Pegar þarna upp er komið er nú algengast að menn sígi aftur niður og renni sér til Cham, fái sér bjór og segi hetjusögur úr Super Couloir. Þessir ágætu einstaklingar virðast bara gleyma því að þó að sjálft ísklifrið sé búið, eru ennþá 400 m eftir upp á topp i sannkölluðu horror mixklifi í handónýtum klettum og morknum ís

þar sem nánast engar tryggingar halda svo mikið sem þyngdinni á línumni. Þess vegna urðum við náttúrulega að halda áfram upp.


Það var satt best að segja tiltölulega mikil spenna í sálartetrinu þessa 400 m, við klifruðum saman í línu en þó án þess að setja inn tryggingar því við erum nú einu sinni svo góðir vinir að við gátum ekki hugsað okkur að skilja hinn eftir í leiðinni ef annar skyldi nú ákveða að taka fljóttlegustu leiðina niður. Það voru til-tölulega þreyttir einstaklingar sem náðu toppnum á Mont Blanc de Tacul í seinustu geislum sólar þennan góðviðrisdag í febrúar en gleðin griðarleg, þó kannski sérstaklega yfir því að geta haldið áfram að atast í helvítis Svíanum.

Jökull Bergmann









*Guðmundur
klifrar Caparet á
Hnappavöllum.
Ljósm.: Björn
Baldursson.*




*Hrappur í
Bistec de
Biceps 7b+.*



Svalir Grænlandsfarar



Stefán á
Grænlandi.



Sigurður
kliffran í
Seynes.

Vektor

Íslensk kliffráði

Fréttapistill

fyrr en sest hefur verið niður á barnum Ásláki í Mosfellsbæ og nafngiftin heiðruð með viðeigandi hætti.

Suðurland

Pórsmörk

15. mars. Á leiðinni upp í Pórsmörk, við síðustu girðingu, er gil uppi í fjalli sem heitir Hellissel og er steinbogi þar mjög áberandi. Í því gili var klifruð ein leið sem heitir Svolitið blaut og er gráða 4 - 4+. Hún er um 40 metra löng og var klifruð af Kim og Will Gadd.

Klettklifur sumarið 1998

Spánn-Frakkkland

Hjalti Rafn Guðmundsson og Sigurður Skarphéðinsson fóru í byrjun árs til Spánar og Frakklands og dövldu þeir þar til maibyrjunar. Á þessu ferðalagi heimsóttu þeir nokkur helstu klifursvæði þessara landa. Í þessari ferð voru strákarnir að bæta sig þó nokkuð; Hjalti klifraði 7c (5.12 d) og Sigurður 7a+ (5.12a). Hrappur Magnússon dvaldist við nám í Barcelona og stundaði klifursvæðin þar í kring. Hann náði að klifra leiðir upp að 7b+ (5.12c). Í lok febrúar fóru þeir Björn Baldursson og Pórarinn Pálsson út þar sem þeir slögust í för með Hjalta og Sigurði. En þeir voru einnig að gera góða hlutti. Pórarinn klifraði 7c+(5.13a) og Björn 8a (5.13b). Einnig reyndi Björn við Macumba club 8c(5.14b), en ekki tókst það þó í þessari ferð. Í marsþyrjun slóst svo Árni G. Reynisson í hópinn með þeim félugum. Ívar F. Finn-bogason og Stefán S. Smárason dövldu á Spáni frá 20. okt. til 20. nóv. og klifruðu á svæðum í kringum Barcelona, þ.á.m. voru Si-

urana Montgron Sandersas. Einnig klifruðu þeir 200m leiðir í Roca Des Arce. Stefán var að klifra leiðir upp að 7b (5.12b) og Ívar 7a+ (5.12a).

Grænland

Í byrjun júlí héldu þeir Jökull Bergmann, Guðmundur Tómasson, Stefán S. Smárasson og Joe Weinberger til Grænlands í Ketilsfjörð þar sem stefnan var sett á 1100m háan vegg í suðurhluta Ulamertorsuaq. Hafis og rigning gerðu vonir þeirra um að komast á toppinn að engu og urðu þeir að snúa við í um 700m hæð. Sjá nánar í grein Guðmundar í ritinu.

Finnland

Nú var komið að Finnlandi að halda fjórða norðurlandamótíð sem fram fór í Helsinki helgina 31. okt. – 1. nóv. 1998. Um 60 keppendur í karlaflokk og um 30 keppendur í kvennafllokki voru mættir til að takast á um norðurlandameistaratalitil. Finnarnir höfðu sett þessa keppni upp í tengslum við stóra útvistarsýningu sem gerði þeim kleift að gera keppnina glæsilega, því erfitt er að fjármagna svona keppni. Veggurinn sem hafði verið reistur bara fyrir þessa keppni var um 15m á hæð og yfirhangandi um 6m. Á laugardeginum var keppt í undanúrlitum þar sem 16 keppendur fóru áfram í keppnisleið sem var keppt í á sunnudeginum og 8 efstu úr þeirri leið fóru áfram úrslitaleið. Frá Íslandi voru fjórir keppendur: Björn Baldursson, Pórarinn Pálsson, Hjalti Rafn Guðmundsson og Guðmundur Jóhannesson. Björn var sá eini sem komst áfram. Honum gekk vel því hann náði að

komast í 3. sæti í 16 manna úrlitum en varð 8. í úrslitakeppinni.

Úrslitin urðu þessi:

1.Juha Saatsi	Fin
2.Chris Fossli	Nor
3.Said Belhaj	Sví
4.Henrik Bolander	Sví
5.Henrik Suihkonen	Fin
6.Tomi Nytorp	Fin
7.Henrik Ruther	Sví
8. Björn Baldursson	Ísl

Ísland

Suðausturland

Hnappavellir

Ein ný leið var gerð á Hnappavöllum og heitir hún Limbó. Er hún skýrð eftir ákveðnum hreyfingum í leiðinni. Hún liggur hægra megin við Leyndardóm Slátrarans í Vatnsbóli. Leiðin er af gráðu 5,12c og er hún 18 m löng. Hún var fyrst farin af Pórarni Pálssyni. Þrátt fyrir litla uppbyggingu nýrra leiða er þetta búið að vera líflegt sumar á Hnappavöllum, því mörg ný andlit sáust þar í sumar, og sá hópur sem klifrar erfiðar leiðir fer ört staekkandi. Til gamans má geta þess að Rafn klifraði leiðina Leik-ið á als oddi 5.12a og er hann yngsti Íslendingurinn til að klifra þessa gráðu, aðeins 17 ára.

Búhamrar

Þar eru nú 4 leiðir ókláraðar af gráðunni 5,12c til 5,13b/c og verða þær vonandi klifraðar næsta sumar.

Íslandsmeistaramótíð

Íslandsmeistaramótíð var haldið á Selfossi þann 8. október. Umsjón með keppninni höfðu þeir Árni G Reynisson og Stefán S Smárason. Keppt var í tveimur leiðum og voru þær af gráðunum 5,11a og 5,12b. Voru keppendur allir sammála um það að leiðirnar hefðu verið góðar og vel upp settar. Einungis einn keppandi náði að klára báðar leiðirnar og urðu úrslit þannig:

1. Björn Baldursson
2. Pórarinn Pálsson
3. Hjalti Rafn Guðmundsson

ÍSALP pakkar veittan stuðning
Olíuverzlinn Íslands hf
Íslenskir Fjallaleiðsögumenn
PRÓFÍLSTÁL
Briddebilt
VESTURVÖR 23, S: 564 2418

Árskýrsla Ísalp 1997

Stjórn

Stjórn ÍSALP 1997 skipuðu eftir-talin: Páll Sveinsson formaður, Árni Gunnar Reynisson varaformaður og ritari, Jóhann Kjartansson gjaldkeri, Elín Sigurðardóttir, Árni Eðvaldsson, Karl Ingólfsson og Valgeir Ægir Ingólfsson meðstjórnendur. Stjórnin hélt 12 fundi á starfsárinu.

2. Skálar

EKKI hefur verið farið í opinbera vinnuferð á vegum klúbbins í skálana en farið hefur verið með gas og aðrar nauðsynjar. Áætlað er að um 150 manns í 15 hópum hafi gist í Tindfjallaskála en einhver minni aðsókn hefur verið í Bratta.

3. Ferðir og námskeið.

Ein skíðaferð var farin á árinu. Telemarknámskeið klúbbins var haldið í Skálafell í mars. Umsjónarmaður var Tómas Júliusson. Ísklifurnámskeið var haldið í byrjun nóvember. Umsjón með því höfðu Kjartan Þorbjörnsson og Rúnar Óli Karlsson.

4. Sýningar.

Myndasýningar hafa sjálfsagt aldrei verið fleiri en í ár og voru vel sóttar. Þrjár myndasýningar héldu erlendir gestir. Í janúar kom Breti að nafni Jonathan Tinker og sýndi myndir úr háfjallaferðum sínum. Í febrúar komu tveir blaðamenn frá tímaritinu Rock and Ice og sýndu myndir frá klifri og fjallamennum í Bandaríkjunum. Í sumar kom síðan Pablo Besser frá Chile og syndi myndir frá Patagóniu og heimalandi sínu. Margir félagar héldu einnig sýningar og stærstar voru sýningar Everestara í Borgarleikhúsini og synning Sigríðar Rögnu siglingakappa sem var í F.Í. salnum. Þá má ekki gleyma Banff-Film-festival, kví-myndahátið sem Skátabúðin fékk til landsins.

5. Félagsheimilið

Komið var upp geymslu fyrir blaðalager klúbbins í kjallara FÍ. Opið hús var flest miðvikudagskvöld og skráningar í gestabóli voru um 500. Afmælisárshátið var haldin í sal Löggreglufélagsins, farið var yfir 20 ára sögu klúbbins, orðuveitingar og önnur skemmtiatriði. Jólagnöggr var

svo haldið á hefðbundnum tíma og voru báðar skemmtanirnar vel sóttar.

6. Útgáfan

Ársrit ÍSALP fyrir 1996 kom út í febrúar og ársrit 1997 er í lokavinnslu núna. Ritstjóri ársritsins er Tómas Grönvaldt. Fréttabréfið kom út fjórum sinnum en með haustdag-skránni var dregið úr skipulögðum ferðum vegna þáttökuleysis. Ritstjóri fréttabréfsins er Elín Sigurðardóttir.

7. Félagatal

Skráðir félagar síðstu áramót voru 318 en engar útstrikanir vegna vanskilu voru gerðar á síðasta ári. Salbjörg Óskarsdóttir sá um félagatalið.

8. Önnur mál.

Á 20. afmælisári klúbbins hafa félagar klúbbins unnið staðri afrek en þekkt hefur Hallgrímur Magnús-

son, Einar S. Stefánsson og Björn Ólafsson klifi Everest í maí, sem vakti mikla athygli þjóðarinnar. Leiðangur þeirra Ólafs Arnar Haraldssonar, Haralds Arnar Ólafssonar og Ingþóras Bjarnasonar náði á Suðurþólinn á Nýársdag. Blaðamenn frá Rock and Ice komu í febrúar og héldu myndasýningu og söfnuðu efni í janúarhefti Rock and Ice sem er nýkomið út. Klifurkeppin var haldin í október á vegum Sportklifursfélags Reykjavíkur og var hún haldin í samvinnu við Björgunarsveitina Tryggva á Selfossi í nýjum vegg sveitarinnar. Þrír félagar tóku svo þátt í Norðurlandamóti í klifri í byrjun nóvember en náðu ekki góðum árangri. Í janúar síðastliðnum opnaði klifurmíðstöðin Vektor stærsta klifurvegg landsins og æfa nú klúbbsfélagar þar alla daga víkunnar. Klúbburinn átti einnig fulltrúa á X Games ísklifurkeppinni í Californíu.

ÁRSREIKNINGUR ÍSALP 1997

Rekstrarreikningur

Gjöld:

Tryggingar vegna Mörkin 6	3994	Auglýsingar í fréttabréfi '96 og '97	82270
Sími	14576	Auglýsingar í ársriti '96	215000
Húsaleiga	96000	Auglýsingar í ársriti '95	65985
Bókasafn	1926	Sala á ársritum	10900
Rekstur Tindfjallaskála	3375	Sala á leiðarvísum	1700
Rekstur Bratta	1191	Sala á Mountaineering in Iceland	4500
Áskrif titarrita	1313	Sala á merkjum	2300
Kostnaður vegna fréttabréfa '97	43496	Glistigjald Tindfjöll	17700
Kostnaður vegna ársrits '96	441526	Árgjald '96	288000
Kostnaður við gerð leiðavísu	50000	Árgjald '95	2800
Félagsjöld U.I.A.A.	49650	Skemmtanir	5400
Annað	6250	Endurgreiddur virðisaukaskattur	33467
Skemmtanir	34369	Vextir	5926
Afskriftir	10000		

Tekjur:

Gjöld samtals:	757666	Tekjur samtals:	735948
		Gjöld umfram tekjur:	21718

Efnahagsreikningur

Eignir:

Ávísanareikningur	127465	Leiðréttung frá fyrra ári, kamrar á Hnappavöllum, eign	45053
Gírðreikningur	667	Leiðréttung á verðgildi Bratta, skv. fasteignamatí	469759
Kjörbók	117853		
Bratti	870000		
Kamarar á Hnappavöllum	45053		
Litskygguvél	21970		
Sjónvarp	5000		
Myndbandstæki	5000		
Bókasafn	188086		
Húsgjón	83435		
Útværpstæki	8600	Hófuðstóll	1095035
Skuldunautar	115000	Gjöld umfram tekjur:	21718 1073317

Skuldir:

Samtals:	1588129	Samtals:	1588129
----------	---------	----------	---------


Reikning þenan hef ég yfirfarið og endurskoðað og borð saman við fylgiskjöl og er honum sampykcur,

Magnús Tumi Guðmundsson

EF PESSI VÆRI

CA 62 TONNUM LÉTTARI, PÁ...

VÆRI HANN MSR ALPINE POTTASETT



"Kröfuhardir notendur reiða sig á MSR Alpine, pottasett úr ryðfríu stáli sem er orðið klassískt meðal bakpokafólks"

—Backpacker reviewer, Mars 1997

Mmmmm - matur!!

—Valgeir Ægir Ingólfsson vorið 1998

Ertu að leita að verulega sterku stálpottasetti? Þá ættir þú að skoða MSR Alpine. Það er óvenjulega harðgert sett með 1,5 og 2 lítra pottum með rúnnuðu lagi til að auka hitanýtingu og auðvelda þrif. Góð pottahalda fær öruggt grip á góðum brúnum og lokið er hægt að nota sem þönnu. Svo er gengið frá öllu saman í góðum poka. MSR Alpine er ekki nema rúm 700g en er sterkt eins og - ja - þú veist.

Þú færð allar frekari upplýsingar í síma 511-2030 en þú getur líka skoðað www.skatabudin.is eða www.msrcorp.com, nú eða lítið við í Skátabúðinni, sem eins og allir ættu að vita er búðin þar sem MSR vörurnar fást.

